

# ლიტერატურული გაზეთი

№10 (338) 26 მაისი - 8 ივნისი 2023

ბამოდის ორ კვირაში ერთხელ, პარასკეობით

ფასი 80 თეთრი

## ნიკა

\*\*\*

გაზაფხულით გაჯერებული ფრინველები  
მოფრინავენ შენს ფანჯარასთან  
და თავიანთ ენაზე  
გიმღერიან არეულად ისეთ რაღაცას,  
რაც, რომ ააწყო,  
შენს ენაზე ლოცვა გამოვა.

ვისგან, რისგან აღარ გსმენია,  
ამქვეყნად ყველაზე გარდაუვალი რამ  
რომ ტკივილია. მაგრამ როგორი  
დასაჯერებელია ეს, როცა იმდენად ხარ  
გაზაფხულის ჰაერით სავსე,  
რომ მას საიდანღა უნდა ჰქონდეს ტკივილს  
შენში დასადგომი პირი.

ცხოვრება იმდენად იწინება,  
რომ საკუთარი თავით თვითონ ებნევა თავგზა.  
და ამ დროს, ოჰ, როგორ უნდა,  
როგორ ლამობს გაცილებით მშვენიერი იყოს,  
ვიდრე ისეთიც კი, როგორადაც  
ყველაზე გამოუსწორებელი სანგვინიკები  
ალიქვამენ მას  
გაზაფხულზე.

მე შენ მიყვარხარ.  
თორემ სუნთქვა შემეკვრებოდა.  
მე შენ მიყვარხარ.  
და ამის შესახებ გაზეთებშიაც რომ ეწერათ,  
ბოლო გვერდებზე მაინც,  
არ იქნებოდა ზედმეტი.

\*\*\*

ძალა, სიცოცხლეზე დანახარჯი,  
სიკვდილს ველარ იჭერს წარმატებით.  
ნისლში, ზურმუხტისფრად დანალვარში,  
დგანან დაჭიმული კარპატები.

ქარი წამოვარდნილ სივრცესავით  
ხვდება, თვითონაცვე მინისაა,  
ითმენს წყველა-ქოქვის ზედახორას,  
ისმენს მლაღადებელ სიმწარეებს,  
ედიტ პიაფით ხრინწმორეულს,  
მარლენ დიტრიხით თავდახურულს.

ბედმა მოუხვია, მიუხვია,  
ისევ მოუხვია. მიცოცავენ  
სვლისთვის გაჩენილნი. მიუღიათ  
ხვალის უქონლობა თითო ცალი.  
ირგვლივ სილამაზის სიუხვეა,  
როგორც სიყვარულის სიცოცხლე.

გინდა ოქროულით ანათებდეს,  
ხდიდეს უვადოებს განვადებებს,  
გინდა, თავისივე ჩანადენებს,  
გმობდეს შიგადაშიგ საზიზღრობებს,  
გინდა ჰოლანდიურ ია-ვარდებს  
შლიდეს იანვრიდან იანვრამდე,  
ზურგი დედამინის იავადებს,  
სანამ პოეზიით არ იცხოვრებს.

## ჯორჯანელი

### ბაქოს ხსოვნას

ომზე — ომამდე უნდა წერო. ხოლო კვალდაკვალ —  
უკვე მომხდარზე, მძვინვარეზე — რაღა აზრი აქვს.  
ნანლაგებისაც უკეთ ძალუძს ჯართზე გადაკვრა.  
და კრეატივშიც ვერ აჯობებ, ბევრად გამჭრიახს.

ჭურვი რომ აცდეს, არ იკმარებს მხოლოდ ყისმათი.  
ვერ უზრუნველყვეს გამძლეობით ჭურვებისადმი  
ადამიანი ვერც აქამდე და ვერც ამჟამად  
უსაფრთხოების ოფისების ლიპმა ჯავშანმა.

დიდხანს იცავდნენ მცხოვრებლები ქალაქს თავიანთს,  
თითქოს ერთი რამ დარჩენოდათ, უკანასკნელი,  
აღმოსაჩენი, ჩასანვდომი და დასასკვნელი —  
ცეცხლი ყვითელი რომ არაა და რომ შავია.

შორს კი მშვიდობას ის უშხამებს ყოფნას ნებივრად,  
რომ ეშინია მარცვლეულზე ცეცხლის ფასების.  
ღმერთო, გვიშველე! ნუთუ მართლა აი ასეთი  
წყალნალეული და პირწმინდა გოთვერნები ვართ?

როცა ცოტათი გაიზზარა კვამლი, იმწამსვე  
გამოილანდა ჯარისკაცი დღიდან ვინროდან.  
იჯდა მოედნის შუაგულში მახვრალ მინაზე  
და ბანალური ტკაცატკუცით ცოცხლად იწვოდა.

არ ინძრეოდა ოდნავადაც, თითქოს იტკენდა  
განძრევით სხეულს ცეცხლმოდებულს, და საითკენაც  
გამშრალი ჟესტით უთითებდა თითქოს ვილაცას,  
ქშენით ახმარდა მითითებას ერთ-ორ სიტყვასაც:

„აგერ, იმ ბილიკს თუ სიღრმეში თვალთ გაჰყვები,  
სადაც თვალეები გიბჟუიან, ისე გებმიან,  
ჩანან სიკვდილის გაცრეცილი წვრილი ბაყვები.  
არც ერთი ქალის მე ჯერ ასე არ მნდომებია“.





მტკვარში თბილისელები ბანანა თევზებს ჰგვანან, რომლებსაც ოკეანე მოუნამლეს და სიცოცხლის ბოლო წამებს დამძიმებულები გულადმა ატარებენ, სახით მზისკენ. მტკვარი ყველაზე დიდი სერიული მკვლეელია დედაქალაქის ისტორიაში და თუ ოდესმე არსებობს შეწყვეტს, მონამლული ბანანა თევზებიც მტკვარს მიიღებენ ფიქრისთვის. აქ ყველა მონამლული ბანანა თევზი მტკვარს აბარებს საკუთარ სიცოცხლეს — არც ღმერთსა და არც მის ბოროტ ნითელ კონკურენტს. მტკვარი უზენაესი ქურუმი, რომელიც სულს ატყვევებს და მინგერაურში აბამს. სწორედ ამიტომ, არავის უნდა გაჰკვირვებოდეს მტკვარზე მკვდრის პოვნა, ის მკვდარი თვითმკვლეელი რომ ყოფილიყო. მაგრამ არ იყო თვითმკვლეელი. თვითმკვლელები ზურგში დანებს ვერ ირტყამენ. მითუმეტეს თორმეტჯერ. ეგეც რომ არ იყოს, ჩვენი მტკვარი ქლიავი მტკვარია. არავის მოუწდება მასთან სამუდამოდ თანაცხოვრება. მტკვარი სულაც არ არის ერთი. მტკვარი ორია — ქლიავი და ის, რომელსაც ტურისტებს ანახებენ. ლამაზი ხიდეები მხოლოდ იმ მტკვარს აქვს, რომლითაც ტურისტები ტკბებიან. მონამლულ ბანანა თევზებს ქლიავ მტკვართან ვერ ნახავთ.

\*\*\*

მაისია და იმიტომაცა მზე. ეს სურათი გადაღებულია ათას ცხრაას ოთხმოცდამეცხრე წელს. ნახე, ყველაფერი ნითელია. მზე ხო ნითელია და ნითელია, იმის ლურჯი კაბაც ნითელია და ყველას თვალშიც ნითელია, არადა, არც ერთს არ ჰქონდა მაშინ ნითელი თვალეები. ნეტა რა ერქვა მაგ ფოტოაპარატს, ყველაფერს რომ ანითლებდა. ყველაზე კომუნისტური ფოტოაპარატი იყო ყველაზე არაკომუნისტურ დროში. მაგით, მგონი, არც მთლად ღარიბები იღებდნენ და მდიდრებს ხო საერთოდ ფეხებზე ეკიდათ იმიტომ, რომ არც შავ-თეთრი გამოდიოდა და არც ფერადის თავი ჰქონდა. მგონი, ჯერ მეტრო არ იყო გათხრილი ჩვენს უბანში. ჯერ მხოლოდ ფირმა მეტროები არსებობდა. შეიძლება ვცდები კიდეც, ზუსტად არ მახსოვს, მაგრამ თუ იყო, ხო კაი და თუ არ იყო, ესე იგი, მართალი ვარ. ახლა რომ დგანან ხოლმე ტბისკორპუსული ბიჭები და მეტროს წინ სიგარეტს ეწევიან, ან ბავშვები რომ ურეკავენ ერთმანეთს, გამოდი, მეტროსთან შევხვდეთო, ეგ ამბავი მკვდარი იყო მაშინ. ან არც იყო მკვდარი და მე არ მახსოვს სწორად. ეგრეც რომ იყოს, მაგათ ფეხებზე ეკიდათ მეტრო. ცენტრში მარტო ტრამვაით მიდიოდნენ, ან ტროლეიბუსით. ტაქსით არავინ გადიოდა. ისე, ჩვენ საერთოდ არ გავდიოდით ცენტრში. ეს, მარცხნივ რომ დგას, კლენატი საროჩკით რომა, გაგუაა. გვერდით ლამაზი გოგო რომ უდგას, ნახე, როგორ იცინის, ყველა კბილი თავის ადგილზე აქვს... არც დიდი კბილები და არც პატარა, თან თეთრი... მაშინ სიგარეტს არ ეწეოდა ევა სილაგაძე. ის ორნი, ერთი რომ ჯონ უეინს ჰგავს, ძმები არიან. სოლოლაშვილები. გაგუა, ევა სილაგაძე და უმცროსი სოლოლაშვილი, სანდრო, ერთ კლასში სწავლობდნენ. ახლაც მახსოვს, ნაირა კალანდარიშვილის სადამრიგებლო, მეორე სართულზე, სამასწავლებლოდან მესამე კინალამ ფრიაფერი კარი, მერე გაგუამ რომ ჩამოიღო... ფოტოზე მეოთხე, ვანო სოლოლაშვილი, ორი კლასით იყო წინ. ჯონ უეინს პატარა ჰგავდა, ეგ არა. ეხლა რომ უყურებ, დაჭიმულ სიფათზე და შავ როლინგზე საერთოდ არ ეტყობა, მაგრამ სკოლა კინალამ ფრიაფერ დაამთავრა. მარტო ფიზიკაში გამოაყოფეს სამიანი. ოთხიანიც შეეძლო, მაგრამ მასწავლებელს უთხრა, დებილი მამამეინაო და იმან არ აპატია. მერე ისტორიკოსი თუ რაღაცა გახდა. ომები და სროლა იტაცებდა. სამჯერ ჰქონდა ნანახი შესანიშნავი შეიდეული. დანარჩენებმა ვერ მოახერხეს ეგეთები. აი, რომა გაგუას სულ ქურდობა უნდოდა და, მგონი, რაღაც მსგავსი გახდა, მაგრამ მთლად ეგეთი ვერა. უბანს ვუყურებო, იძახდა და ჩვენ სულ გვიკვირდა, ეგ რა პროფესიაა, მასე ხო ჩვენც ვუყურებთო. მერე ეგ ბრაზდებოდა, მე სხვანაირად ვუყურებო და ჩვენ ვეუბნებოდით, სხვანაირად რა, ნაშა თუ პასტაიანკაო. გულჩვილი იყო რომა გაგუა და მაგიტომ დაფრჩით ცოცხლები. ამიტომ მიყვარს გულჩვილობა. სიცოცხლეს რაც გინარჩუნებს, ყველაფერი გიყვარდება. აი, მამიდაჩემს ინსულინი უყვარს. მერე ქორნილი უნდა

გადავუხადო. მაგარი იქნება, ეგ და ინსულინი რო არიან საკურთხვევლთან. მამიდაჩემს აცვია თეთრი კაბა, ინსულინის შპრიცი კი გახვეულია შავ ნიფხავში. მოკლედ იმას შეხედე, უმცროს სოლოლაშვილს, თვალებით ყლაპავს ევას. რაღაც ისე ვერაა, არა? მე მასწავლი მაგას? მე ყველაფერი ვიცი, შენ უნდა მიხვდი. ვიცი, რომ გტკივა. ალბათ გამოგიცდია და თუ არ გამოგიცდია, მაშინ ძმაცალები ჩამოიშორე და გოგონებიც. ოდნავ რო გაიზრდები, მერე მაინც მეგობრებს დაუძახებ და ბავშვის ნათლობის მერე, შეგიძლია აღარც ნახო. რა არის ცხოვრება ტყვიანობის გარეშე? რა არის და უკეთესი ცხოვრება. რაიმე პოეტურს ელოდი? მე მგონია, რომ საერთოდ არ ვგავარ ფედერიკო გარსია ლორკას. ისე, ცხოვრებაში ყველაზე დიდი ტყვიანი სწორედ ევაა, უმცროსი სოლოლაშვილი ევას თვალებით რომ ყლაპავს, იმიტომ, რომ რომა გაგუას ევასთვის ხელი აქვს გადახვეული ისე, როგორც ძმები დებს არ ხვევენ.



ცოტნე ავსაჯანიშვილი

# უახლესი ისტორია

არ შეიძლება ძმაცალებს რომ ერთი გოგო უყვართ. ეგეთ ძმაცალებს სინამდვილეში ჰქვია — ჰეი, ძმაო, იქით წადი, სამოთხე დაგხვდება... შენც გჯერა, რომ შენი ძმაა, მართლა სამოთხეში გაგზავნის, მაგრამ მიხვალ და იქ ეშმაკები დაგხვდებიან. ძმაცალები ერთმანეთს არ უტყდებიან საერთო სიყვარულში, მაგრამ ორივე ყოველთვის ყველაფერს ხვდება. ან ერთი ასწრებს თქმას და მეორეს თავის ქნევა უწევს, გამწარებულს, შურაცხყოფილს... ისინი ისევე ერთად არიან. ისევე ერთად უყურებენ ეროტიკულ ფილმებს, ერთად სვამენ თბილისის ზღვაზე და ერთად იღებენ ფოტოებს განგსტერების მზერით. პატარები არიან, მიამიტები... და ამიტომ კვლავაც სულელებით სჯერათ, რომ გვერდით ძმა უდგათ. არადა, საშინელებაა კონკურენტი ძმაცალები. ასე ახლოს არასდროს გაყავს მტერი. რაციონალური მტერი კი არა, ბოროტი მტერი, უბრალოდ რომ ეზიზღები და მორჩა. ახლა არ თქვა, მაშინ არც არასდროს გყვარებიაო. ძალიანაც გყვარებია, მაგრამ სისულელეა იდეალები, რომლებიც გაბოლებენ. ვერც ერთ ძმაცაც ვერ შეიყვარებ ქალზე მეტად. ეგ მასკულური ზღაპრები მღვდლებს მოუყვები. როცა დრო დაგება, მოყვასი კი არა, მარტო ევა სილაგაძე გიყვარს. უფროსმა სოლოლაშვილმა იცოდა, რომ უმცროსს — ევა. ისიც იცოდა, რომ გაგუასაც — ევა. ისიც იცოდა, რომ ევას გაგუა უმცროს სოლოლაშვილზე ძლიერად, ლამაზად და საყვარლად... მოკლედ, უფროს სოლოლაშვილი ძალიან ეცოდებოდა დედამამიშვილი და ძალიან უნდოდა, რომ გაგუა... მაგრამ მერე გაიზარდნენ და კიდევ ხდებოდა მათ ცხოვრებაში უცნაურობები.

\*\*\*

ფილარმონიაში არა, მაგრამ რომელიღაც სახელოვან დარბაზში სკოლების სამინისტრო ატარებდა რეპერების კონკურსს. ოღონდ ნამდვილების არა. სკოლებში ჩამოიარეს და ვინმე ბავშვს თეიმინემი მოსწონდა, მანდ წაიყვანეს, წამოდიო, გარეპეთო. საპატიო სტუმრები და ჟიური ბრუ-

კლინიდან იყვნენო, ვერ იტყვი, მაგრამ ყველა ბებერი ქუთაისელი და კიდევ დედაქალაქის გარეუბნის რეპ-ლეგენდა ნამდვილად მანდ იყო. კარგ ჰონორარს გამოდიოდა სამინისტრო. იცოდა მინისტრის მოადგილემ, ლეგენდებს რომ ფული არ აქვთ. ნაციონალური ჰიპ-ჰოპის ფუძემდებელი, „თეთრი მეფე“, სვამდა ბორჯომს და აყოლებდა რიანს მოკოლადს. სამინისტრო აზრზე არ იყო, რა უყვარდათ რეპერ სტუმრებს. თუმცა ისიც სათქმელია, რომ სახელმწიფო სახსრებით პლანს მაინც ვერ იყიდდნენ და თუ პლანი არ არი, რეპერისთვის ბორჯომი და კონიაკი ერთნაირად მისრიალებს. ჩვენ სკოლას წარმოადგენდა ნიკუშა გაგუა. ნიჭიერი ბავშვი იყო, გრძელი, ნითელი კალათბურთის ფორმით. თავზე ლამაზი იასამინისფერი ბენდენა ჰქონდა ნაკრული. ქერა თმა ჰქონდა და მაგრად ჰგავდა ნარუტო უზუმაკის. კალათბურთის ფორმა არც ერთი გუნდის არ იყო. მარტო რვა ნომერი და ბასკეტბოლ ეწერა. ძონძე-

ბიანი ჩანდა. ისე, საერთოდ არსებობენ გემოვნებიანი რეპერები? მე მაინც მგონია, რომ არა. გემოვნებიანები რომ ყოფილიყვნენ, ბლუზმენები იქნებოდნენ. მაშინ ძალიან გაბრაზდა უფროსი სოლოლაშვილი. ახლობლობა არაფერ შუაში იყო. მასე ნიკუშას სხვა კლასელებიც მისი ახლობლის შვილები იყვნენ. მაგას ნიკუშა უყვარდა ძალიან. ერთი გაკვეთილის შემდეგ გაჩნდა ეგ სიყვარული. მაშინ ნიკუშამ უფროს სოლოლაშვილს სწორად უპასუხა კითხვაზე, „თეთრი არნივის“ ლიდერი გია ყარყარაშვილი იყოო. ისევე სულ არ იყო პროგრამაში, მაგრამ უფროსი სოლოლაშვილი აძალებდა ხოლმე ბავშვებს, ვახტანგ გორგასალს გაეკარი, ვის რაში აინტერესებს, ისტორია ისაა, რაც ახლაც დედას გვტელობსო. ჰოდა, მაგ სკოლაში ბავშვებმა მარტო უახლესი ისტორია იცოდნენ. უფროსი სოლოლაშვილი სულ უკან დაჰყვებოდა ნიკუშა გაგუას. თან რომა გაგუა ციხეში იჯდა, სად ეცალა შვილისთვის.

\*\*\*

ბში უყიდა ევამ. ნიკუშას სკოლიდან საბალეტო უფროსი სოლოლაშვილი წაჰყვა. მამამისის ბავშვობის ძმაცალები უფროსი ძმა. სცენაზე მაგრად რეპეიდნენ ცოტა უზრდელი ბავშვები. ცოტა უზრდელი თუ არ ხარ, ვერ გარეპავ. მანდ რითმში გეთაყვა, გთხოვ და მამაპატიე არ გადის. ცოტა სისუსტეს გამოიჩინე და მორჩა, რეპერი კი არა, ტერენტი გრანელი ხარ, ოღონდ უნიჭო. ნიკუშამ უნდა მოიგოსო, ფიქრობდა უფროსი სოლოლაშვილი. ნიკუშა კი მღეროდა, რომ კარგია, როცა ბევრი საქმე და ცოტა დრო გაქვს, რადგან სანამ მოკვდები, ბოლოსწინა მომენტში, ძალიან სასვე ხარ სიამაყით და საერთოდ არ გეთქმის მსუქანი. სხვები რას მღეროდნენ, არ მახსოვს. ისე, მანდ მთავარი ისაა, რას იტყვი, მუსიკა და ეგენი სულ ფეხებზე ჰკიდიათ. სიტყვები უნდა მოახვედრო პრიმიტიულ გულებს. აკადემიკოსებს ეგეთი სიტყვები არ აინტერესებთ. ბიზნესმენებს — მითუმეტეს. აქ ხომ ლაპარაკი სულ იმაზეა, როგორ უჭირთ, როგორ არ აცდიან ცხოვრებას და ისერიან ფანჯრებიდან იდიოტებს, რომლებიც ესერიან უფრო იდიოტებს, რომლებმაც შენობებში შესვლა ვერ მოასწრეს და ეს ორივე იდიოტები, როგორ ავიწროებენ სუსტი იდიოტებს. ვის რაში აინტერესებს, რაზე ფიქრობენ პერიფერიის უკმაყოფილო თინიჯერები?... დარბაზი კი იყო სასვე და ყველა იქნედა ხელებს. ზოგს რომ თითი ჰქონდა ცაში ანუელი. ჯერ არ იყო შექმნილი ბიზნესმენტა პარტია. ამიტომ არც ორთითიან აუდიტორიას ეთქმოდა პარტიული აქტივი. ბოლოს ჟიურიმ თქვა, ნიკუშამ ვერ მოიგო. უფრო სწორად, თქვა, რომ სხვამ მოიგო და ეგ იმას ნიშნავდა, რომ ნიკუშამ ვერ მოიგო. ისე, ნიკუშასაც მისცეს პრიზი. ათი ბოთლი ბელგიური ლუდი. არადა, სკოლის მოსწავლე იყო. არაოფიციალური იყო ეგ პრიზი, თორემ ყველას დაიჭერდნენ. ლეგენდარულმა რეპერმა, ჟიურის წევრმა, „მადინა სერჯო“ თავისი ფულით გაუმზა ეგ პრიზი ნიკუშას. იმიტომ, რომ გაუტყდა, აპას როგორ არ მოვარგებინეთო. ეგ სხვებზე ოდნავ გემოვნე-

— რა იშოვე? — იკითხა უმცროსმა სოლოლაშვილმა.  
 — ხელფასი ჩამერიცხა, — უპასუხა უფროსმა სოლოლაშვილმა.  
 — რა შეეუკვეთო?  
 — რაც გინდა.  
 — დაჟე?  
 — კაი, ნუ გაახურე რა.  
 — რა ხდება სკოლაში?  
 — რა უნდა ხდებოდეს სკოლაში?..  
 — როგორ სწავლობს ჩვენი გაგუა?  
 — მე რას მეკითხები, არ იცი?  
 — საიდან უნდა ვიცოდებ?  
 — დედამისი გეტყობდა.  
 — მე და დედამისი პრიჩომ.  
 — საცემი კაცი ხარ!  
 — რეებს მიედ-მოედები, ძმაო ჩემო?  
 — შეევი!  
 — ვის შეეშევა?  
 — ბეზიაშენს.  
 — შენ ვინ გეკითხება?  
 — მეკითხება.  
 — რა იყო, შენც გევასებოდა, ვერ ამბობდი და ახლა მოგინდა? — იცინოდა უმცროსი სოლოლაშვილი.  
 — გაბაზრებულია. ბავშვს დასცინიან ნიომნად და სანამ ხმამალა უქნიათ, შეევი.  
 — შენ არ იყავი, რომ მეუბნებოდი, მიდი, მიაწევიო?  
 — ხო, თხუთმეტი წლის რო იყავი.  
 — შენ ჩემი ძმა ხარ თუ გაგუას ბავშვს?  
 — არ მოსულა ეგრე!  
 — ბავშვობაში ჩემკენ იყავი, ახლა იმას იცავ, ბავშვთა დაცვის ორგანიზაცია ხარ?  
 — მოსწავლეა ჩემი და ეგეც რომ არ იყოს, არ ხარ სწორი.  
 — მოკლედ, არავინ გეკითხება შენ...  
 — კაროჩე, ან შენით მოშორდები, ან დაგბრიდავ, ან რომასთან მივალ ციხეში, ჩავაყენებ საქმის კურსში და ის გადაგინყვებთ.  
 — შენ ვისი დამბრედი ხარ, უჩინელ? რომას კიდევ არ ეტყვი, არც ეგრე განირავ ამდენ ხალხს. რომას რო უთხრა, ეგ მარ-



ტო მე კი არა, ევასაც გაუჩალიჩებს და არ განყობს შენ. მოსწავლეს ხომ არ დააობლებ? ერთი მშობელი მკვდარი, მეორე პაჟიზნენი სროკზე... არა, ვერ იზამ. ჰოდა, ნუ ხტუნაობ ტყუილად.

— ვიზამ, ბიჭო, ვიზამ. ახლა რაც ხდებოდა, მაგას ყველაფერი სჯობს. თან იმას ისე ვეტყვი, რო ევა არ გაიჭყლიტოს, მარტო შენ მოგდგება რომა გაგუა და ურჩიე მერე საქმეები. არც გაგირჩევს.

— მერე, ვანო? უმცროს ძმას ნირავ? არ გრცხვენია? — იცინოდა უმცროსი სოლოლაშვილი.

— მაგარი ახვარი ხარ.  
— რატომ? სიყვარული მურტალია, ძმ-აო.

— ბავშვს ცხოვრებას ნუ უნგრევთ თქვე ნაბოზრებო! — ხმას აუნია უფროსმა სოლოლაშვილმა.

— შენ შენ ცხოვრებას მიხედ. მე ჩემსას მივხედავ და ბავშვი კიდევ თავის პონტში იზამს რამეს.

- კაროჩე, მე ჩემი გითხარი!
- ჰოდა, მეც გითხარი. დავაი ახლა.
- არა, სანდრიკ, არა. მოიფიქრე.
- კარგი.

\*\*\*

აი, ფერადი სურათიც. ამკარად მწვანეა ხეები ადამიანების უკან. თითქოს ისმის კიდევ მათი ტოტებიდან ჩამოვარდნილი გირჩების ხმა. ზოგი ფოტო ეგეთია. არც ისეთი გაყინულია, როგორც ზოგადად ფოტოები და ზოგჯერ გაცილებით მოძრაობს, ვიდრე ნამდვილი ცხოვრება დილაობით, გაღვიძებიდან სამი წუთის შემდეგ, როცა სინამდვილეში არც ვცხოვრობთ და უბრალოდ ვისხენებთ, რომ ხელები და ფეხები გვაქვს, რომლებსაც ბევრი რამ შეუძლიათ. ფოტოებს უყურებს და ყველაფერი გესმის, ტოტების მტრევა, ზღვის და ქვების შეჯახება, ტიპების ნასროლი სიტყვები და შენ წარმოიდგინე ფიქრებიც კი. ათას ცხრაას ოთხმოცდათექვსმეტი წლის ზაფხულში ბორჯომი არ იყო ძალიან ცხელი და, საერთოდ, მე როგორც ვიცი, ბორჯომი არასდროს არ არის ძალიან ცხელი. მგონი, ზუსტად მაგიტომ მიზიან ადამიანები ბორჯომში, თორემ მაგათი დაგაზული წყალი მალაზიებშიც იყიდება და საერთოდაც წყალი თუ გინდა, ახლა იმდენია ბორჯომის მსგავსი და უკეთესიც კი, რომ მის გამო მატარებლის ბილეთს არავინ აიღებს. და აი, ნანა შელეგიას აგარაკის მწვანე ჭიშკარი. ისეთივე ყველას მსგავსი და არაფრის მთქმელი, როგორც თავად ნანა შელეგია. მანდ ბიჭებს არაფერი ესაქმებოდათ. მხოლოდ ევა სილაგაძე იცნობდა ნანა შელეგიას. თუმცა როდის იყო, ბიჭები იქ მისვლას ერიდებოდნენ, სადაც არაფერი ესაქმებოდათ. იცინა, რომ შეიძლება გული ეტკინოთ, მაგრამ მაინც სულ მიდიან იქ, სადაც არაფერი ესაქმებოდათ და არც გოგოებს აცდიან მათ გარეშე დასვენებას. მოკლედ, რაიმე ესაქმებოდათ თუ არა, ფოტოზე ჩანს და ფაქტია, იქ არიან. ნანა შელეგიას დაბნეული სახე აქვს, არ იცის, მის მშობლებს რა რეაქცია ექნებათ დაუპატიჟებელი სტუმრების მოსვლის გამო. როგორც ყველა ყველას მსგავს გოგონას, ნანა შელეგიასაც ძალიან აინტერესებდა, რას იტყოდნენ მისი და სხვისი მშობლები. ევა ბედნიერი ჩანდა. რაღაც ასაკამდე ევა სულ ბედნიერი ჩანდა. ამიტომ ვერ გაიგებ, ამ ფოტოში ევა მართლა ბედნიერია თუ უბრალოდ ასე ჩანს. რომა გაგუას ხელში თაიგული უჭირავს და ძალიან ამაყია, როგორც ყველა კაცი, რომელიც იმას იღებს, რისი მიღებაც უნდა და შეიძლება არც იცის, რა არის ნამდვილი სიყვარული, მაგრამ ეგრე უნდა და მორჩა. ჰგონია, რომ ევაა სიყვარული. იქნებ იცის კიდევ. მე არაფერს ვამტკიცებ, უბრალოდ კარგად მახსოვს, როგორი ბიჭიც იყო რომა გაგუა. მოკლედ, არ ვიცი, მე ისევე უმცროს სოლოლაშვილზე მეფიქრება, რომელსაც სახეზე მარტო ის აწერია, რა ჯანდაბად მიმიყვანა დედაჩემმა გიტარაზეო. ორი წელი ატარეს გიტარაზე. მგონი, კუპონები რომ იყო მაშინ. ადრე უხაროდა ხოლმე, გიტარაზე დაკვრა რომ იცოდა. ნანა შელეგიას აგარაკის ეზოში კი სიამოვნებით გადააკეთებდა გიტარას ავტომატად. გიტარაზე დაკვრა რომ არ სცოდნოდა, ამ საშინელ დღეს თავს დააღწევდა უმცროსი სოლოლაშვილი. რომა გაგუამ კი კარგად იცოდა, რომ ასეთ დრამატულ, რომანტიკულ ამბებს ძალიან უხდება ქართული რომანსები. უმცროსი სოლოლაშვილი მღერ-

ოდა — ნეტავ ფრინველად მაქცია, შენკენ გამოვყევი ნიავსა, ბავშვივით მოგეფერებო... ასეთი გულწრფელი არასდროს ყოფილა სანდრო სოლოლაშვილი. ასეთი მატყუარაც არასდროს ყოფილა. ვის ატყუებდი, სანდრო? თითქოს რომა გაგუას სიტყვებს მღეროდი. რომა გაგუას სიტყვები თუ იყო, ცრემლებს რატომ ყლაპავდი? ძალიან სევდიანი ამბავი ხდებოდა შელეგიების აგარაკის ეზოში. სამყაროს ყველაზე დიდი ბრძოლა ბორჯომში მიმდინარეობდა. ამხელა სიმართლე და ამხელა ტყუილი ერთ მთლიანობად აქამდე არასდროს არავის ენახა სამყაროში. ევა სილაგაძე ტიროდა და სოლოლაშვილის თითებს უყურებდა. თითქოს საერთოდ არ აინტერესებდა რომა გაგუა. უმცროსი სოლოლაშვილს სძულდა ის ფაქტი, რომ დაიბადა, გაიზარდა და ევა სილაგაძე შეუყვარდა. საერთოდ სძულდა ის, რომ კაცებს და ქალებს ერთმანეთი აინტერესებოდა ხოლმე. იმ დღეს, ბორჯომში, შელეგიების აგარაკზე, რომა გაგუამ ევა სილაგაძე დანიშნა. მაშინ პირველ კურსზე იყვნენ. უფრო სწორად პირველ კურსზე იყვნენ ევა და უმცროსი სოლოლაშვილი. რომა გაგუა სულ სხვანაირად უყურებდა ცხოვრებას. იმ დღეს, ბორჯომში, შელეგიების აგარაკის ეზოში, სანდრო სოლოლაშვილმა შურისძიება გადაწყვიტა. ამ შურისძიებაზე ვერავის ხათრით ვერ იტყოდა უარს.

\*\*\*

მე მგონია, რომ ისტორიის მასწავლებლები იშვიათად ენევიან სკოლის ტერიტორიაზე. განსაკუთრებით სკოლის ტუალეტის გაყვითლებულ ფანჯარასთან, რომელთანაც ხშირად იკრიბებიან ყველაზე დაუმორჩილებელი თინეიჯერები საკლასო ოთახების ბოლო მერხებიდან. დაუმორჩილებელი უფროსკლასელები ისედაც ეტანებიან ტუალეტის ფანჯარასთან ბიჩოკების ჩუმ გადანოდებას და მასწავლებლებმა, სასწავლო ნაწილმა და დირექტორმაც, ხშირად უნდა შეიხედონ შიგნით, რომ იმაზე ილაპარაკონ, მონევა კლავს, მონევა ინვესკანის ნაადრევ დაბერებას და იმპოტენციასაც კი. ჰოდა, ამის ფონზე კიდევ უფრო იშვიათად ენევიან ისტორიის მასწავლებლები სკოლის ტუალეტში და ვინმე თუ დაინახავთ, ალბათ მათი კარიერაც დასრულდება და არც მასწავლებლის გამოცდაზე გაუშვებენ, სადაც მასწავლებლები უფრო მალე იხარისხისთვის იბრძვიან, რომ სახელმწიფომ ინამუსოს, შრომის კოდექსი გადაშალოს და უკეთესი ხელფასი გადაიხადოს. ისე, ძალიან წესიერი მასწავლებელი იყო უფროსი სოლოლაშვილი. ტუალეტშიც მხოლოდ იმიტომ ეწეოდა, რომ კორიდორში მოსწავლეები იდგნენ. ნიკუშა გაგუას ულოცავდნენ ბელგიური ლუდის მოგებას და თან ეკითხებოდნენ, შენ ჯობიხარ, ქუელიო თუ თუფაქიო? ნიკუშა გაგუა პასუხობდა, მე ვჯობივარო. არ სჯეროდა, მაგრამ მაინც ასე პასუხობდა. მგონი, არც იმ ორს სჯეროდა. ნიკუშა გაგუას ეცვა დახეული ჯინსები, იმ ორს, არა მახსოვს, რა ეცვა. ალბათ დაიბენით და ფიქრობთ, სკოლის კორიდორში ბავშვები სულ დგანან და სულ ლაპარაკობენ, მონევა რა შუაშიაო...

— კაი ბრატცი, გავედი, სპოგამ, — თქვა ნიკუშა გაგუამ და საკლასო ოთახისკენ წავიდა.

— დავაი, ნიკუშ, — ერთხმად თქვეს ბიჭებმა.

— რას ელოლიავეები ამას? — თქვა შავგვრემანმა.

— რავი, კაი როჟაა. მამამისი, იცი, ვინაა? — თქვა ქერამ.

— ვინაა?

— ბლატაობს მაგრად. ზის ახლა.

— მე დედამისი ვიცი, — ჩაიცინა შავგვრემანმა.

— მერე?

— ბოზია. ისტორიის მასწავლის ძმა ხერხავს.

აი, სწორედ ამიტომ ეწეოდა უფროსი სოლოლაშვილი სკოლის ტუალეტში. პირველად თავის ცხოვრებაში. არა, მეორედ... ერთხელ მერვე კლასში რომ იყო, მაშინ მონია.

\*\*\*

მაგნიტოფონიდან ძველი სიმღერა ისმოდა. მსმენელი იყო ძალიან კულტურული. ორკაციანი აუდიტორია საყოველთაო სიჩუმით გამოხატავდა პატივისცემას ხელოვნებისადმი. მღეროდა ეკა კახიანი. მისამღერში ამბობდა, ჩვენი დრო მოვიდაო.

ევას ეს სიმღერა იმ დროს ახსენებდა, ოცი წლის რომ იყო. ევა სილაგაძეს შუა ხნის კრიზისი ჰქონდა და ყველაფერს უფრთხილდებოდა, რაც იმ დროიდან ჰქონდა შემორჩენილი, როცა ოცი წლის იყო. ეკა კახიანის სიმღერის გარდა, ჰქონდა ჟურნალი „გზა“-დან ამოხეული სანდრა ბოლოკის პოსტერი და ვიდრე კასეტაზე ჩანერილი სერიალ „წერილ ვარსკვლავთა ღამის“ ყველა სერია. უმცროსი სოლოლაშვილი კი, კახიანის სიტყვებს უფრო სიმბოლურად აღიქვამდა, ვიდრე ნოსტალგიურად და ცდილობდა, ჯეკ ნიკოლსონივით გაეღიმა. ოთახში იყო სიგარეტის, ყავის და ოფლის სურნელი. ევა იყო შიშველი. უმცროსი სოლოლაშვილი ვერ ამჩნევდა ევას პატარა ღიპს და ამიტომ ნერვები ეშლებოდა, როცა სილაგაძე იმ დროზე ოცნებობდა, ოცი წლის რომ იყო. სანდროს ეგონა, ევას რომა გაგუა ენატრება და იმიტომ ოცნებობსო. სანდრო სანოლოში იწვა. ევამ ვაშლი აიღო, შუაზე გაჭრა და სანდროს მიუწვა. ერთი ნახევარს თვითონ ჭამდა, მეორე სოლოლაშვილს მიაჩქჩა. სანდროს ხილი საერთოდ არ უყვარდა და მხოლოდ ცივ საზამთროს ჭამდა ხოლმე, მაგრამ ევას ხათრით ვაშლს ორჯერ უჭებია.

— უნდა მოავგარო! — დაიწყო ევამ.  
— რამეს ვიზამ... — ჩაილაპარაკა უმცროსმა სოლოლაშვილმა.

— რაო, რა მინდაო?  
— ჩემი მოსწავლეა და სკოლაში დასცინებენო.

— ჩემზე ძაან უყვარს ჩემი შვილი?  
— ხო, ალბათ. მაგას პატარაობიდან ევასემა თავისზე პატარების დაცვა.

— მასწავლებელიც მაგიტო გახდა?  
— ხო ალბათ, მე რა ვიცი.  
— ხურუშიანი ეგ. მოავგარებ ხო?

— დავმორდები და მოგვარდება, — გაიცინა უმცროსმა სოლოლაშვილმა.

— დამმორდები და ვინმეს ვიპოვი. მაგრად გაგამწარებ იცოდე.

— ეგრე თუ გიყვარდი, რას ეცი რომას?  
— დაგესწრო და შენ გეცემოდი.

— ესე იგი, მაშინ მე და რომას კი არა, ვინმე სხვასაც რო ეთქვა ცოლად გამომყევით, გაჰყვებოდი?

— არა.  
— აბა, რას მეუბნები?  
— თქვენ ორს შორის ვმერყეობდი და თან მაგრად ვერთობოდი სახე რო გელენებოდა ხოლმე.

— სადისტკა იყავი?  
— არა, გოგო ვიყავი.  
— კაი ხო. ახლა რო გაგიტეხო თავი, რაღა აზრი აქ.

— შენ ძმას გაუტეხე თავი, ბევრს რო ლაპარაკობს.

— თუ აზრზე არ მოხვალთ, რომასთან მივალ, უფე ფეხებზე მკიდაო.

— რომა თუ ჩვენ ამბავს გაიგებს, ჩათვალე, მკვდრები ვართ.

— ვაშბზე რას ღალატობ ეგრე თუ გეშინია?

— აბა, ცხრა წელი ვის ველოდი?  
— რამეს ვიზამ მოკლედ.  
— გააჩუმე როგორც გინდა.

— კაი-მეთქი.  
— რისი გაკეთება შეგიძლია ჩემს გამო?

— ნამწამები აათამაშა ევა სილაგაძემ.

\*\*\*

სოხუმის დაცემის დღე იყო და უფროსი სოლოლაშვილის მოსწავლეები პრეზენტაციებს აკეთებდნენ აფხაზეთის ომის თემაზე. მანამდე ბავშვებს დირექტორმა მიმართა და მოუყვა ეროვნული გმირების შესახებ, რომლებიც სამშობლოს ჩვენი სკოლამ აღუზარდა და რომლებიც აფხაზეთში დაიღუპნენ. უფრო სწორად, მოუყვა კი არა, მათი სახელები და გვარები უთხრა. დაფასთან იდგა ნიკო ნონკოლაური, გრძელთმიანი გოგონა, ძალიან დიდი, ნითელი კიკინი. მგონი, იძახდა ამიული შარტავა ქალაქში ბოლომდე დარჩა, ჯერ შევარდნაძეს დაურეკა, მერე ლოთი ქობალას და მაინც არაფერი გამოვიდაო. ვანო სოლოლაშვილი ცხოვრებაში პირველად არ უსმენდა მოსწავლეს დადებილივით უყურებდა ნიკუშა გაგუას. ფიქრობდა, დავიჯერო ეს ბავშვი მართლა ჩემ ძმასზე ძალიან მიყვარსო? ისე, მართლა საყვარელი ბავშვი იყო ნიკუშა გაგუა. არც დედას ჰგავდა და არც მამას. რომელიმეს რომ დამსგავსებოდა, საერთოდ არ იქნებოდა საყვარელი. ცუდ სიტყვებსაც მხოლოდ მაშინ ამბობდა, როცა რეპავდა. ისე, მე მაინც სისულ-

ელე მგონია ათოსანი რეპერი. ალბათ როდისმე გადაუფლიდა და ფილოლოგიურზე ჩააბარებდა. იქნებ კარგი მუსიკის მოსმენაც დაეწყო... უფროსი სოლოლაშვილს ძმაზე მეტად მხოლოდ საკუთარი თავი უყვარდა. საკუთარი თავი რომ არ ჰყვარებოდა, შეიძლება არც ჩარუულიყო ამ ამბავში. მაგრამ სინდისის ტკივილი კბილის ტკივილზე დიდი ნამებაა ადამიანისთვის და ხო გითხარით, უფროსი სოლოლაშვილს უყვარდა საკუთარი თავი და ამიტომ ვერც ნამებისთვის ვერ გაიმეტებდა. ნიკო ნონკოლაურმა პრეზენტაცია დაამთავრა. მასწავლებელს შეხედა, გაუღიმა და ძალიან ეწყინა ვანო მასწავლებელი მის ნაცვლად ნიკუშა გაგუას რომ უყურებდა. არადა, უფროსი სოლოლაშვილი კვლავ იმას ცდილობდა, საკუთარი გმირობის ახსნა მოეძებნა და მიმზვდარიყო, რატომ არ აცდიდა ძმას ნანატრ ბედნიერებას და რატომ იცავდა ასე, პატარა მოსწავლის ოჯახის რეპუტაციას. თან არასდროს უყვარდა ეგ ოჯახი. რომა გაგუას და ევა სილაგაძეს ჯერ ძმის გამო ვერ იტანდა და მერე იმიტომ, ერთს გაუნათლებელ, ბოროტ იდიოტად, მეორეს კი სადისტ ბოზანდარად რომ თვლიდა. ამ დროს სოლოლაშვილების ძველი ბინის ძველ საძინებელში უმცროსმა სოლოლაშვილმა გაიღვიძა. ადგომა ეზარებოდა და ჭერში დაიწყო ყურება. ერთი ბუზი, ორი ბუზი, სამი ბუზი... ითვლიდა სანდრო სოლოლაშვილი. მერე შეწყვიტა თვლა, ესე ხო ისევე დამეძინებო. რა მოვიქრე სანდრიკ? — ჰკითხა თავს უმცროსმა სოლოლაშვილმა. ჰეჰ, მე ახვაროო, გაიფიქრა. ევას გამო ყველაფერი ღირს, ახლა არ დამიწყით მორალის კითხვა, მე პირველი კურსის მერე ამორალური ვარო, თავს იმართლებდა წინაპრების სულელებთან. ამასობაში უფროსმა სოლოლაშვილმა ახალი მოსწავლე გამოიძახა დაფასთან. იქნებ მეც მიყვარს ევა და ვერ ვხვდებიო? — გაიფიქრა ვანომ. ხო, ვერ ვხვდები და მე რომ მოსწავლის დაცვა მგონია, ეგ ეჭვიანობაა და ძმასაც კი ხელს ვუშლიო. მერე ისევე ნიკუშა გაგუას შეხედა. ნიკუშას მაგრად უხაროდა, რეპერების კონკურსში ბელგიური ლუდი რომ მოიგო და მაგის მერე არასდროს ჰქონია დაბლვერილი სახე. უფროსმა სოლოლაშვილმა დაივიწყა ევასადმი ფარული ტრფობის თეორია. ეგრევე მიხვდა, მართლა ნიკუშა და სინდისი მყვარებიაო. აუფ, ბატონო ივანე, როგორ გიყვართ თავის ქება. კეთილსინდისიერო ბატონო ივანე... — საკუთარ თავს დასცინოდა უფროსი სოლოლაშვილი. ჩემ ძმას არაფერი მოუვა, თუ იმას იზამს, რასაც მე ვეუბნებიო, თავს იშვილებდა ვანო. თუ იმას არ იზამს, რასაც მე ვეუბნები, რაც უნდა ის მოუყდეს, მაინც უნამუსო ვირიშვილიაო. ევა და რომა სულ ფეხებზე ეკიდა უფროსი სოლოლაშვილს. მაგ ახვრებმა ისედაც ბევრი აწვალეს ეს ბავშვი და ეხლა ერთმანეთს თუ დახოცავენ, იქნებ უკეთესიც კი იყოს ნიკუშასთვისო. უმცროსი სოლოლაშვილს, უფროსისგან განსხვავებით, ყოველთვის ეზარებოდა ფიქრი, ამიტომ საწოლიდან მალევე წამოხტა, ფანჯარასთან მივიდა და ნომერი აკრიფა.

— ჰალო ბრუდერ! — თქვა უმცროსმა სოლოლაშვილმა.

— რა გინდა? — უხეშად ჰკითხა ძმამ.

— შპრეტელ ზი დოი?  
— გაკევეთლზე ვარ!

— ჰეჰე, რომანიჩიც მანდაა? გადი კორიდორში საქმე მაქ.

— გამოვედი, თქვი.  
— გადაწყვიტე!  
— რა გადაწყვიტე?

— შეგხვდები და გეტყვი. ტელეფონში მეზარება. მაგ გაკევეთლს რო მორჩები გამოდი ეგრევე.

— სად?  
— მტკვარზე რო პლანს ვენეოდით ხოლმე, ხო გახსოვს?

— ხო.  
— აი, მანდ.  
— კაი.


— რამე გრძელი მითხარი, შეჩემა. ძმა ვარ შენი.

— მოვალ-მეთქი. ე.

\*\*\*

სანდრომ ტელეფონი ჯიბეში ჩაიღო. სამზარეულოში შევიდა. დანებს შორის ყველაზე საშუალო ზომის ამოაჩნია, ქამარში ჩაიღო და საროჩკა ჩამოაფარა. უმცროსი სოლოლაშვილი ძმის მოსაკლავად მიდიოდა...





ვაჟა ხორნაული

ტაძრების გამხარებალი

ღმერთისერთაა სამშობლო გაუტეხელი რჯულითა, გასაოცარი კოშკებით ლამაზად დაბინდულითა. სხვაგვარად განათებული გონებითა და გულითა, ცამდე ასული ყანებით, გაბრწყინებული ხნულითა. მარადიული ფერებით ცით ცამდე გადასულითა. პირმზითი დამშვენებული, კლდეებით, ნამახულითა. სამოთხესავით გაშლილი თოვლით და გაზაფხულითა. პირმშენიერი ღრუბლებით მზისაგან მოქარგულითა. მეშვიდე ციდან ნათქვამი სასწაულებით ბრძნულითა. ხმებით და ექოებითა ლამაზად ჩახლართულითა. ტაძრების გამხარებელი „ვით ედემს ალვა რგულითა“, ქვეყანა ამაღლებული ხატების სიყვარულითა. ხან მონატრებით შეძრული, ხან კიდევ — სინანულითა. ხან — ეჭვისაგან დაჭრილი ხან კიდევ — სიბრაღულითა. ზოგჯერ ჰაერი მკრთალდებდა ავყიანობით კრულითა. ვერ გააოცებ უნიჭოს ვერც ლექსით, ვერცა სმურითა.

გაშინდა

კარგი ყოფილა ცხოვრება და ტურფა სანახავიო. სანოლის თავთან მეკიდა დაზარნიშული ხმალიო. ხან ქარებს ვეომებოდი, ხან მივუჯარე კარიო. ხან დავუნუნე ამინდი, ხან გულში ჩავიკარიო. ხან უცხო გზებზე ვატარე, ხან ავუნუნე წყალიო. როცა ძალიან მიმჭირდა, მაშინლა გავიცანიო.

საორბის ხეობა

კლდისაკენ, ჩანჩქერისაკენ გადახრილიყო გოდოლი. ეზოში იდგა წყაროსთან დოინჯიანი გოდორი. ქარს — ქარალების ძმობილსა — მიჰქონდა ნისლის კოტორი. ათამაშებდა ფოთოლსა ჭიამაია ობოლი. კაცს კულულები შვენოდა, გოგოს ხატავდა ქოჩორი. ახალისებდა ხეობას იაიების ჩოჩქოლი, ბალახზე კოტრიალობდა ერთი პატარა ჩოჩორი.

ჟამი აივლის, ჩაივლის, ცას გაათბობენ ქარები. იქნება წვიმის კონცერტი, გაივლებენ რკალები. სიმწვანეს დაამშვენებენ ფირუზები და ლალები. გადაგეხვევა ამინდი, სასწაულს დამგვანები. ფიქრს გულში დაათენდება, დაენამება თვალები.

ნეტავ რატომ და რისთვისა?!

ტაძარი გადარჩენილი უფრო მაღალი გზისთვისა. დღე — ბილიკების მფარველი — ღამე შობილი დღისთვისა. ხელი — ღიმილით განვდილი დამარცხებული მტრისთვისა. ტალღები მიბარებული მარადიული ზღვისთვისა. სიცოცხლე ამაღლებული უფრო მაღალი მზისთვისა. ხმა — სივრცეებში მლოცველი უფრო ნათელი ცისთვისა. თვალცრემლიანი კრავები — ბედნიერება მგლისთვისა. მამული აკვნესებული ნეტავ რატომ და... რისთვისა?!

\*\*\*  
ხან სითბო გამოგაღვიძებს,  
ხან — უმზეობა ხაროსი.  
ხან მთებზე წამოგენევა,  
ხან უდაბნოში ტაროსი.  
გიხდება, გესხვაფერება  
მშვენიერება ჯვალოსი.  
არ მიგატოვებს უფალი  
დამბადებელი წყაროსი.

როდესაც

...და ყველგან,  
ყველგან მელანდები...  
ასე რატომ ჩაფიქრებულან,  
ან რამ დაალონა  
ასე კელაპტრები?  
როდესაც ასე ძალიან  
მიყვარხარ,  
როდესაც ასე ძალიან  
მენატრები...

კვლავაც იქნება

ბევრჯერ შევეუდგი ჩქერალს ფაცერი  
და სიყვარულით ვიყავ ამაყი.  
ცული დავდე და ლექსი დავწერე.  
ამოდოდა კლდეზე ბალახი.  
ნისქელიში ჩიტი ბუდეს იკეთებს,  
ბედნიერია სახე გელაზის,  
გულს უხაროდა, ფიქრს უხაროდა  
მელოდიები სარეკელასი.  
ამოდოდა სხივი წყაროდან,  
ისმოდა სევდა სარეველასი.  
იბადებოდა სითბო მდელითა  
და სასწაული იყო ზარების  
მაღალი ქარი ისე მღეროდა,  
რომ იხსნებოდა ზეცის კარები.  
კვლავაც მოგივლენს ღმერთი წყალობას,  
კვლავაც იქნება დარი მზიანი.  
ვარსკვლავეთიდან ისმის გალობა  
და მარადიულ სიმთა წკრიალი.

\*\*\*  
ყვავილს თუ დააბიჯებ,  
წყაროს თუ ჩააქრობ,  
ვარსკვლავები სივრცეში  
შემავალ კარს დაგიკეტავენ.

\*\*\*  
მას შემდეგ, რაც დედამ  
სათვალე გაიკეთა,  
ღმერთი სულ მტკიოდა.

\*\*\*  
ნისქელიც ნაქცეულა  
და მაღალ ბალახში  
დაღლილი მგზავრებივით  
წვანან დოლაბები.

\*\*\*  
ღმერთმა ადამიანს  
სინათლე დაუტოვა  
და კიდევ სისუფთავე  
ნამისა. დანარჩენი  
შენ თვითონ იციო.

\*\*\*  
ჩრდილი გამოვიდა  
გაბზარულ კედლიდან  
და ხმალი დაღლილი  
და ფხაგალეული  
იმ ბზარზე ეკიდა.

\*\*\*  
ყანას სიმწვანე ნაუვიდა  
და ოქრო მოვიდა,  
რომელიც მარცვალ-მარცვალ  
ნაიღეს ჩიტებმა.

\*\*\*  
ტაძრის ბზარში  
სანთელი გვინთია.  
რა ქნას სიყვარულმა,  
როდესაც იმედი პატარაა  
და დარდი დიდია?..





გიორგი ხარაიშვილი

\*\*\*  
 სული მოითქვი, ადამიანო,  
 ხატო ღვთისა და  
 შვილო კაცისა...  
 სული მოითქვი, სული დალილი,  
 ასე ყოფილა,  
 ანი რას იზამ...  
 რაც ხარ, ესა ხარ,  
 სხვა ვერ იქნები...  
 ვერც მინასა და ვერც ცათა შინა...  
 დანერვილია შენი წიგნები,  
 ფურცლებში შავ-ბნელ ურჩხულებს სძინავთ...  
 ეს ნათელი კი,  
 ბნელში რომ ბუუტავს,  
 სულ სხვა სხივია... (სულ სხვა მნათეა)...  
 ეს ოთახი კი ფერს იცვლის მუდამ,  
 მასში გრძნეული ხმები დადიან...  
 გთხოვ, შეისვენე,  
 საით, საითკენ...  
 შენც ხომ არ იცი, სად მიგვლიან...  
 შენს ზემოთ ცაა, ცაზე დახრილი  
 ღრუბელი თითქოს ცის ფლიგელია...  
 ორი გზა... მხოლოდ  
 ორად ორი გზა...  
 ჩალაგებული ფიქრი ვაზნებად  
 და მნარე სევედა წარმავლობის  
 სუყველას ტანზე რომ გვეტმასნება...  
 ნელა იარე, სული მოითქვი,  
 ხატო ღვთისა და  
 შვილო კაცისა...  
 ცოტა შეჩერდი, მიმოიხედე,  
 ასე ყოფილა,  
 ანი რას იზამ...

\*\*\*  
 ასე არ მოვლენ ანი ფიქრები,  
 ასე ძალუმად, ასე ნატიფად...  
 რაც დღეს ვარ, ანი ველარ ვიქნები,  
 დღეის მზე მთვარის ცელმა გათიბა...

რაც ვარ, დღესა ვარ, დღეს მომისწარი,  
 არ ვარ ხვალის და არ ვარ მყოფადის...  
 არა ვარ, თორემ ჩემს თავს ცისკრამდე,  
 პირველ სხივამდე, შემოვლობავდი...

დღეს კი ღია ვარ, როგორც ტაძარი,  
 ჩემსავე ჩრდილში გამომწყვდეული...  
 და მხოლოდ სულმა იცის, სადამდე  
 გაძლებს, ეყოფა მისი სხეული...

\*\*\*  
 უვერტიურა.  
 რიჟრაჟი. დილა.  
 ნისლის ნაცნობი გემო...  
 გთხოვ, ანგელოზო,  
 იყავი ფრთხილად,  
 არ ჩამოვარდე ქვემოთ...

აქ ჭაობია,  
 მეც ვითვლები,  
 როგორც ყვავილი მინდვრის.  
 შენი ფრთები და  
 ჩემი ხელები  
 ერთი ხნის არის... თითქმის...  
 დაკანრულია უჩვევი სივრცე,  
 მნარეა, როცა ტყვე ხარ.  
 შენ შეგიძლია, დემონად იქცე,  
 მე ანგელოზად  
 — ველარ...

შენის კვირა

შიშია სოფლად და  
 შიშია ქალაქად...  
 სისხლისფრად დალაქა დრომ შენი ალაგი...  
 სიმცირის ტყვეობას  
 ვერ გაუმკლავდები  
 (ღმერთია თავდებად... ღმერთია თავდები)...  
 მთავრდები...  
 ველარსად წაუხვალ, შემოდი...  
 ცა გახსენ საძილე აბების გემოთი!...  
 „სიკვდილი იაფი, სიკვდილი ბითუმად“...  
 გაჰკივის სამყარო  
 და რაღაც იდუმალ  
 ხმებშია ჩაფლული სხეული-ტუსალი,  
 იხრები ირიბად და თითქოს უსახურ  
 არსებებს ეკვრები ჩრდილად და პროფილად,  
 მინა მენამული ცით უარყოფილა...  
 და თუ არ ყოფილა სხვა გზა, სხვა...  
 ჩვენსავე  
 გულიდან იყივლებს  
 მამალი მესამედ...  
 და რაღა დაგიცავს... ეკლები, ეკლები...  
 დედის დატირება და „შენი კვესა მე“...  
 შიშია სოფლად და შიშია ქალაქად,  
 ვიყავით ტალახი,  
 ვიქცევით ტალახად...  
 მაგრამ გზებს როდესაც ურემი გათელავს,  
 ვაითუ ვერ შევძლოთ ყველაფრის დანახვა!..

გაზაფხული

მე ვნერ გაზაფხულზე,  
 ჩემო მხრებშიშველო,  
 ლავინამოყრილო მარტო...  
 დარჩა გამზირები, მხოლოდ ვიტრინებზე  
 ჩამოფასებული მანტო...  
 ზამთარს გაექეცი, თეთრი ქალწულივით  
 მზე რომ დაიღვენთა ყვითლად.  
 გამოამზეურა ზეცამ სამოსელი,  
 ძველი, ვერცხლისფერი მიტრა...  
 ჩემო ფეხშიშველო, თეძოგანიერო,  
 ჩრდილი დაგდგომია ხეთა...  
 ჩემდა სამწუხაროდ, თუ საბედნიეროდ,  
 ოცდამესამეჯერ გხედავ...

\*\*\*  
 ცხოვრება ცალმხრივი სიყვარულია,  
 სხვა არაფერი.  
 შენ ელი, ის კი სხვა გზებით დადის,  
 სხვა ბილიკებზე დაეხეტება.  
 შენ კი დგახარ და ელოდები,  
 ზიხარ და ელოდები,  
 ნეცხარ და ელოდები.  
 ის კი სხვა ჯურღმულებს ეძებს,  
 სხვა ფათერაკებს,  
 სხვა შენობებში ათევეს ღამეს,  
 ქალაქის ვინრო ქუჩებში მიმავალი  
 სხვას უღიმის და ღამით  
 სხვას უყოფს სარეცელს.  
 შენ კი თვალები გივარდება  
 ჩარჩობიდან,  
 ხელები გიჭკნება და ცოტავდები...  
 ის კი, ვითომც და არაფერი,  
 აგრძელებს ლიდინს და ევარება  
 მთებსა და სახლებს...  
 ბოლოს კი, როცა ლოდინი დაგამარცხებს,  
 მკვდარს გადმოგხედავს ერთს მედიდურად  
 და ჩაგჩურჩულებს:  
 მე კი არა ვარ ნუთი სოფელი,  
 ნუთი შენა ხარ,  
 ჩემს უსასრულო ციფერბლატზე  
 ამაყად მდგარო უსუსურებავ...

\*\*\*  
 რა არის თებერვალი...  
 ქარსა და ნალექიან  
 დღეებს რომ დალექავენ გონების ტერასებზე...  
 ინყება წვიმის და ცრემლების ელეგია,  
 ღრუბლებში იმალება, იშლება მეთასე მზე...  
 კანში რომ შემოდიან, ძვლებში რომ მიმოდიან...  
 გული ტიმოთეა ცეცხლისგან დანაცრული...  
 თებერვლის დამდეგია, მოკლეა თებერვალი,  
 უდროოდ წასული ბავშვივით არასრული...  
 ისეთი სინათლეა, გუგებს რომ გაგიბზარავს  
 და ხელის მტევნებში გეღვრება მოგონება...  
 ცივა და შორეულ ნისლებში იმალება  
 წარსულის ხეულები — ოქროსფერლოკონება...  
 რა არის თებერვალი —  
 ვნებების გახელება  
 და მიმქრალ კოცონთან ჩურჩულის ანა-ბანა...  
 შვიტები ნატრუსულ თავებს რომ აღერებენ  
 მინდვრებში აფრენილ ყანჩების ანაბარად...  
 გაიქეც, შენ აქ არ და ვერ დაგედგომება,  
 სევდის ფოთლებია გარშემო მოფენილი..  
 გაიქეც! გაიქეც!..  
 მოკლეა თებერვალი,  
 მოკლეა თებერვალი ამ ნუთი-სოფელივით...

გოგანის შემოღობვა

წვიმები. წვიმები. ქარის არითმია,  
 ხმები რომ შემოაქვს სახლში, გალუმპული...  
 წვიმს (ყველა წვეთი სევდის გარითმვაა)...  
 ქარის... და თან მიაქვს ხეების ბუმბული...  
 ისე მენატრები, სიტყვები ითელება,  
 როგორც ყვავილები ასფალტზე გადაშლილი...  
 რას იზამ, შემოდგომა ყოველთვის ყვითელია,  
 ალაგ კი სითეთრეს გაურევეს განგაშივით...  
 როგორ მეცოდება მინა ცრემლიანი  
 წვიმით რომ ევსება გუბეთა უპენი...  
 და სასონარკვეთილი ჭირისუფალივით  
 ძაძით შემოსილი დაჰყურებს ღრუბელი...

\*\*\*  
 ყველა დაცემა რომ გაგიმხილო,  
 ყველა ტალახი,  
 ყველა ჭაობი...  
 რაღა დამრჩება. ქარის გარეშე  
 საქანელებიც ვერ ქანაობენ...  
 შენ კი მჭირდები,  
 როგორც წყლის წვეთი  
 დალილ შუბლზე და  
 დამსკდარ ბაგეზე,  
 მჭირდები,

რადგან შენი ცხოვრებით  
 დღემდე უცნობი გზისკენ მაქეზებ...  
 რა დააშავს ძველმა ფიქრებმა,  
 რომ, როგორც კანი, ისე მეცლები...  
 რა დააშავს ძველმა ფიქრებმა  
 თავისი რწმენით  
 და უმეცრებით?!  
 დღეს კი, არ ვიცი, რა გაგიმხილო,  
 რომელი ცოდვა გავაიაფო,  
 როცა ჩემს ცრემლზე შენი ღიმილი  
 ტბის ყვავილივით წითლად კიაფობს...  
 რომ გაგიცოცხლო ყველა ტკივილი,  
 ყველა ტალახი,  
 ყველა ჭაობი. რაღა დამრჩება.  
 ქარის გარეშე  
 საქანელებიც ვერ ქანაობენ...



### ხელოვანის თბილი მოგონებების ადგილი

ძველი სიძველე ქვის სახლი, ხრიოკი ეზო და ლარი ბაღი, რომელიც რამდენიმე ვაშლი, ალუბალი, ტყეშალი, ნუში, დაფნა და კაკალია. კაკლის ქვეშ დგას მაგიდა და სკამები. სახლში ძველი ავეჯია, შავი პიანინო და ნესტიანი კედლები. აი, ჩემი ბედნიერების ადგილი, ბავშვობის გარემო, სულ აქ მინდა ხოლმე ასვლა, როცა რაღაც კარგი ხდებოდა ჩემს ცხოვრებაში, ან უბრალოდ კარგ ხასიათზე ვარ...

ერთხელ რაღაც მძიმე მოხდა ჩემს ცხოვრებაში და აღარ ავსულვარ, მეტიც, იქაურობაზე ფიქრი, განსაკუთრებულ ტკივილს მაყენებდა.

მერე ღმერთმა გადმოხედა, სიმძიმემ გადაიარა და 21 იანვარს ჩემი მეგობრის დანჯღრეული ტოიოტა პრიუსით ისევ ავედით, შეგვეგებებნენ ბიძია და ბებიები (ახლა მხოლოდ ისინი ცხოვრობენ იქ). მოვიკითხეთ ერთმანეთი, რამდენიმე წიქა რქანითელი დავლიეთ, გავიგეთ სოფლის ამბები, ჩემმა მეუღლემ კედლის კალენდრის ფურცელი მომცა, ზედ ბაირონის კარიკატურა იყო, ასევე ეწერა მისი დაბადებისა და გარდაცვალების წლები. ვისაუბრეთ მე და მეუღლემ ცოტა ხანს ბაირონზეც, მერე ბაღში გავედით, გაძარცვული იყო იქაურობა, მხოლოდ დაფნას ეტყობოდა სიცოცხლე.

- სანამ აქ არ ამოვედით...
- ვერ იგრძენი ხო სიმშვიდე?
- ვერა...
- ხელოვანებს გაქვთ ასეთი უცნაურობები...
- ყველა ხელოვანს აქვს ბედნიერების, თბილი მოგონებების ადგილი...
- მარტო ხელოვანებს?
- ხელოვანებს სხვა გული აქვთ...

მეუღლემ მხოლოდ გაიღიმა, არაფერი მიპასუხა, მაგიდისკენ წავედით. ცოტა ხანს ვიდევით მდუმარედ, მერე დაფნიდან ორი ჩიტი აფრინდა და მუქლურჯ ზეცაში გაუჩინარდა.

### საქართველოს სამოსი

სუსურბ იყო სავსე და საქართველოს სადღეგრძელოს სვამდნენ. ო, რა სადღეგრძელოები იყო, რძითა და თაფლით სავსე, პათეტიკური, აღმატებული, თან ვინ სვამდა? ქალაქელი კაცები, ინტელიგენტები, ტყავის ქურთუკებით, შავი სათვალეებით, რკინისსამაჯურიანი საათებით. ერთმა მისი წარსული დალოცა, მეორემ ანწყო, მესამემ მომავალი, მეოთხემ მისი ზუნება, მისი კულტურა და გარემოს ესთეტიკაზე ისაუბრა, ჩოხიან საქართველოს ვენაცვალეო, მის ჩოხას გაუმარჯოსო, მეხუთემ თქვა ყველაზე საინტერესო რამ, ოდნავ წელში მოხრილმა, ცოტა ბლატონი ტონით და მანერით:

- მე საქართველოს ჩოხაში კი არა, ლამაზ პიჯაკსა და ჰალსტუხში ვხედავ, ჩოხას არაფერს ვეჩი, მაგრამ მე ასეთი საქართველო მომწონს...
- ყველა გაჩუმდა, კაცს ხელი უკანკალეზდა, წიქაში ყვითლად ლაღაღებდა ბრენდული კონიაკი, ოთახში ხმადაბლა ისმოდა ჯო კოკერის მუსიკა და ქალაქის სუნთქვა. მე ფიქრებში გარინდებული ვიჯექი...

### პატარა ამბავი

ეს ძალიან პატარა ამბავია, ჯუჯა ამბავი. ერთ დღეს ერთმა ტიპმა, რომელსაც მე პირობითად ს-ლ-თი მოვიხსენიებ, იყიდა მანქანა, ჯიპი, წითელი, არც თუ ისე ცუდი. გამოვიდნენ ტიპები, აიხადა ძრავის საფარებელი და აღარ გაჩერდნენ, ისეთი ყურადღებით დაათვალიერეს და შეისწავლეს თითოეული თვალით შესამჩნევი ადგილი, რომ ასე მეგონა, აღარ მორჩებოდნენ, თან უკანასკნელ ხმაზე ლაპარაკობდნენ — სხვა კონკურენტ მანქანებთან შედარება, ბენზინის ფასი... ისეთი დაკვირვებით, ისეთი ინტერესით, ისეთი ჟინით, დიდი ყრიაშული იყო, ხელუბრაკაპინებული, ყველაფრისმცოდნე, მენერლიმანე, მატერიალისტი ბატონების. მხოლოდ მე და ჩემი მეგობარი, ნიკოლოზი ვისხედით ჩუმად, ხის ქვეშ, წინ

კარტი ეყარა. შევხედავდი ხოლმე ხშირად, რა კომენტარს გააკეთებდა. ჩუმად იყო, მხოლოდ ბოლოს, რომ მორჩნენ, დაუძახა ყველას ერთად, მოიხედეს, ერთი კითხვა მაქვსო, სმენად იქცნენ.

— ეგეთი ინტერესით და გულით, ცხოვრებაში თუნდაც ერთხელ მაინც ან თუ გილოციოთ ან გალაკტიონის ლექსი თუ წავიკითხავთ?

არ ესიამოვნათ, სახეები დაიმუჟავეს და იგნორით უპასუხეს, გამეცინა, კარტი ავიღე და დარგებას შევუდექი...

### ფრანგოფილი ბოგო

მთხზში ისმის დებულის მუსიკა, ფანჯრიდან ჩანს საფერავისფერი „პეჟო 508“, კედელზე გაკრულია ეიფელის ფოტო, სეზანის, დეგას ნახატების რეპროდუქციები, თაროზე ალაგია ფრანგული ღვინის კოლექციები, ელენე ზის და ფიქრობს:

### თორნიკე გოგნიაშვილი



მალე წავალ საფრანგეთში, პარიზში, გავისეირნებ ლამაზ, ისტორიულ ქუჩებში, ვისადილებ ფრანგულ რესტორნებში, შევჭამ ლოკოკინებს, საუკეთესო კრუასანს, დავლევ ბორდოულ კაბერნე სავინონს, შევალ წიგნის მაღაზიაში, ვიყიდი დოდეს წიგნს, წავიკითხავ... მე ამას ჩემი ბიჭი ამიხდენს, ნამდვილი გმირი, ნამდვილი...

ელენეს ზარის ხმა გამოაფხიზლებს, ადგება, თმებს გაისწორებს და ფრთხილად გააღებს კარს. კარში ახალგაზრდა მამაკაცი დგას, გაფითრებული, სახეაღწერილი, ელენეს გულში თითქოს გასკდა რაღაც.

- რა მოხდა...
- სამოგზაურო ფული მომპარეს...
- კარგახნიანი პაუზის შემდეგ ელენე: — იცი, როგორ ვარ? დებულის მუსიკა ბაყაყების ყიყინია და მეტი არაფერი, პეჟო სახედარი, ეიფელი ელექტრო განათების ბოძი ორღობეში, სეზანი და დეგა მაღიარები არიან, ეს ღვინოები კი მთხლეა...
- ნუ... ნუ გეძინია... — ხმა აუკანკალდა კაცს.
- ელენე უფრო მოიღუშა.
- როგორ განიცადა... — კაცი ატირდა.

### ოჯახი

შპშმ მანქანამ დაბლა დაუხვია, გუკამ გაზს უკლო, საათიანი ხელი შეათამაშა და ისევ განაგრძო გზა. ცოტა ხანში ცაცხვებიან ქუჩაზე გავიდა, ფართო იყო ქუჩა, შემოდგომისეული, ყურძნის სურნელი იდგა, ამძიმებდა ჰაერს.

გუკამ გააჩერა, გვერდითა სავარძლიდან ცელოფანი აიღო და გადავიდა, ცელოფნიდან ეკლები გამოჩრილიყვნენ, გუკას ფრთხილად მიჰქონდა. მალე შევიდა სახლში, საათს დახედა, გვიანი იყო, ორი საათი, გუკამ დაიძახა:

- ადექით ხალხოო!
- ცოტა ხანში ოთახში პატარა ბიჭი და ქალი გამოჩნდნენ, გაოგნებული სახეები ჰქონდათ, უძინარი.

გუკა დაიხარა და ცელოფნის პარკი ფრთხილად გასწია, იქიდან ზღარბი გადმოგორდა, ცოტა ხანს ყველა გაისუსა, მერე ზღარბმა გაბედა და ფრთხილად, ფრთხილად გაიშალა, ცხვირი ასწია და წკაპანკუპით წავიდა იატაკზე.

ბავშვმა ჯერ ყიჟინა დასცა, მერე პირზე მიიფარა ხელი და ისე გაჩერდა. ქალი იღიმოდა, ქერა თმას ისწორებდა, გუკა დივანზე დაჯდა. „ესეც საკმარისია, ესეც საკმარისია, რომ ცოლ-შვილს უყვარდე, მე ახლა ძალიან ბედნიერი ვარ, იმაზე უფრო ბედნიერი, ვიდრე ბევრი, ვინც ახლა დიდი ფული მოიგო“ — ფიქრობდა გუკა, მერე სიგარეტი ამოიღო და გარეთ გავიდა, ქალი და ბიჭი ისევ ისე იდგნენ.

### ნანა

ეს მამინდელია, როცა ძალიან ახალგაზრდული თვალთ ვუყურებდი ცხოვრებ-

ას, ეს იყო წითელი ღვინისა და გიტარის პერიოდი. იყო ქალი, სახელად ნანა, რომელსაც ნანახი არ ჰქონდა ივრის ლამაზი ჭალები, სურდა, მთხოვა და მეც უარს ვერ ვეტყვოდი. მეგობარს გამოვართვი ძველი-სძველი მანქანა, წავიღეთ ერთი ბოთლი წითელი ღვინო და წავედით, შემოდგომის დამდეგი იყო, თბილი დღეებისა და ცივი საღამოების დრო.

ავედით, მოვიარეთ მთელი ჭალები, ტბები, მდინარის შენაკადები, ადგილები, რომლებიც ნალოკებზე ჰგავდა, მერე ერთი ლამაზ ადგილას გავჩერდით. ეს იყო შენაკადი, რომლის პირასაც ორი მოზრდილი ტირიფი იდგა.

ბინდი ეშვებოდა, შენაკადის სიახლოვეს დავსხედით, გადმოვიღეთ პატარა ჭიქები, დავასხით ღვინო.

- გავგიმარჯოს! — თქვა ნანამ.
- გავგიმარჯოს, ჩვენს ოცნებებს გაუმარჯოს!
- ვსვამდით, ვსაუბრობდით, ვსვამდით ნელ-ნელა, ვსაუბრობდით ნელ-ნელა...
- ბინდმა კიდევ უფრო იმატა, ღვინომაც თავისი ქნა, მერე ნანა ადგა და შენაკადთან დადგა, ბინდში რაღაც მითოლოგიური სახე ჰქონდა წყალს, ტირიფების იქით, სულ იქით, თითქოს გვირახვით, ვრცელი ნისლი მოჩანდა, საშიში და დამალული.

ნანა ცოტა ხანს იდგა ასე, მერე უცებ დატრიალდა და უჰს! პირდაპირ გადაეშვა. დავიბენი, არ ვიცოდი, რა უნდა მექნა, დაბნეულმა მიმოვიხედე ირგვლივ, მიუხედავად იმისა, რომ დავინახე, სადაც იყო. მერე კიდესთან დავდექი, ჩავიხედე, ნანა ცურავდა, ტრიალებდა და იცინოდა, ხარხარებდა, ბოლო ხმაზე, თან მეძახდა...

ბერე აღარ დავაყვნივ, გადავუვი მეც, გადავეშვი და ჰოი, საოცრება, წყალი იმაზე ცივი აღმოჩნდა ვიდრე წარმოვიდგენდი, ისეთი ეკლები ვიგრძენი, მაყვლის ბუჩქზე დავვარდი, საშინელი სიცივე იყო, საზიზღარი, ნანა კი ცურავდა, მხნედ ჩანდა და ცდილობდა, დაეხსტომოდა, ის იქით გაეშურა, იმ გვირაბისკენ, იქით ტირიფთა დაშვებული ტოტები და სიბნელე იყო, ცო-

ტა საშიში, არა, ძალიან საშიში, ნანა იცინოდა და მთხოვდა დამეჭრა. გავეკიდე, დავიჭირე, გაჩერდა, შემომხედა სახეში, ვერ დავინახე მისი სახე კარგად, მაგრამ მაინც სიმშვიდე ვიგრძენი, თითქოს ღელვამ გაიარა, მერე ნანამ იქით, ნაპირისკენ გაცურა, უფრო დამშვიდდი, ამოვედით, აი, აქ იყო სიცივე თუ იყო, მტანჯველი, საშინელი, მჭამდა...

— რრრ... ააა... მმმ... მოოო... გაფიქქქრრრ... — ვუთხარი ხმის კანკალით.

ნანა დუმდა, კანკალედა, მერე ჩანთა აიღო, ასანთი ამოიღო და მიმანიშნა, რაც უნდა მექნა. სიმწრით შევაგროვე ხეები, ძველ რვეულს მოვუკიდე და პატარა ცეცხლი ავანთე, მერე პატარა ცეცხლს დიდი მოჰყვა და დავინყეთ გათბობა, ეკლები ნელა მშორდებოდა სხეულიდან და სითბო იგრძნობოდა, სულს ვითქვამდი, მიხაროდა და სხვა თვალთ ვუწყებდი ყურებას ამ ყველაფერს.

— ბედნიერი ვარ! — თქვა ნანამ.

### უბრალო მოგონება

ფარდობს შევეყვი, აქ კიდევ ძნელდებოდა გზა. ადრინა დილა იყო, სქელი, დამთრგუნველი ნისლი იდგა, კარაქივით სქელი და ბლანტი. უკვე დააღლიოს, ეს რაღაც ნაირად პირქუში გარემო კიდევ უფრო მღლიდა, თვალები დავხუჭე რამდენიმე წამით და ჩაი ვინატრე, ჩაი და მშვიდად ჯდომასავარძელში. ზიხარ, სვამ ჩაის და არაფერზე არ ფიქრობ, ან ფიქრობ რაღაც მშვენიერზე, ადამიანის მიზანიც ხომ ეს არის, მშვენიერების, კომფორტის, კმაყოფილების ძებნა.



მაგდა

მაინც მოვიკრიბე ძალა და გზა გავაგარ-ძელე, ეკლიანი მცენარეები ფეხებში მედებოდა, მკანარავდა, სიცოცხლეს მიმწარებდა, სუნთქვაც მიჭირდა, მერედა როგორ, ძალიან, მივდიოდი და ღრმად ვსუნთქავდი. ვცდილობდი, რაიმე საინტერესოზე მეფიქრა, მაგრამ ყველანაირი კარგი აზრი თავისით ქრებოდა გონებიდან.

აღმართი მორჩა, გადაიშალა ლამაზი მხარე, დიდი ტრიალი მიხდოდა, აქა-იქ ტანდაბალი ხეებით. სავარაუდოდ, ჯაგრცხილვებით, აქა იქ ნატარალეობითა და ნაცისხარებით. გავჩერდი, კიდევ ერთხელ ჩავისუნთქე სქელი ჰაერი, ისეთი შეგრძნება მქონდა, ფეხები წამერთმეოდა, დავეცემოდი. ჩანთა გავხსენი, სანთლები და სანთებელა ამოვიღე, ნაკლესიართან მივედი, აქ მოულოდნელად ხმა გავიგონე, ოდნავ ქვემოთ რაღაც გამოძრავდა, ლანდაც მოვკარი თვალი, მუქი, მუქი შინდისფერი ლანდი იყო...

სანთლები და სანთებელა გულში ჩავიხუტე და გავიჩინე, მალე კიდევ დავინახე ლანდი, მერე კარგად გამოჩნდა რაც იყო, ეს გახლდათ ქალბატონი, შინდისფერი პერანგით, რომელმაც გაიცინა, მერე მომესალმა.

— გამარჯობა! — მივესალმე მეც. — უკაცრავად, არ მიხდოდა, აქ ვსეირნობდი... უფრო სწორად წიგნს ვეძებდი... — წიგნს? — ჰო, ჩემი ძმა და მისი მეგობრები თამაშობდნენ და...

— აჰ, გასაგებია, უკაცრავად, მე სანთლები უნდა დავანთო... — დიახ, არ მიხდოდა თქვენი შემოფოთება! — მითხრა ქალმა. — არც შევფოთებულვარ, რა წიგნს ეძებდი?

— შარლ მეცხრის ცხოვრების ქრონიკა! — მერიმე? — დიახ. — ისტორია მემატიანეების საქმეა... — ვუთხარი გაუაზრებლად და ნატარალთან მივედი, სანთლები დავანთე, პირველი გადავიწერე.

— რატომ? — მკითხა ქალმა. — მხატვრული ნაწარმოები გამონაგონია მაინც, როგორ დაკარგეთ? — ხომ ვთქვი, ჩემმა ძმამ წამოიღო და დაკარგა. ესე იგი, არ გიყვართ ისტორია. — რას ამბობ, მიყვარს, როგორ არა, პირიქით, საინტერესოა, მაგრამ ნუ გავაიდევალელებ ყველაფერს... ამ ადგილას რაღაც ჩავიფიქრე, ახდა და მადლობის სათქმელად ვარ. და, იპოვეთ?

— ვერა, ისტორიაზე რაც თქვით, მართალია. — ქალი გატრიალებას აპირებდა, მაგრამ შეევაჩერე, მოტრიალდა და შემომხედა, გამტერებული, უცნაური მზერით.

— გისმენ... — ჩანთა გავხსენი, იქიდან წიგნი ამოვიღე, ეს იყო რუხველტის ბიოგრაფიული წიგნი... — აჰა, აქ ეს მაქვს ისტორიული, გჩუქნით. — საინტერესოა ალბათ. — დიახ...

ქალმა წიგნი გამომართვა, მადლობა გადამიხადა და სწრაფი ნაბიჯით გაუჩინარდა ტყეებში, მე ცოტა ხანს კიდევ ვიდექი, ვილოცე. მერე ფერდობს დავუყევი დაბლა და სირბილით წამოვედი.

როცა დაბლა, სოფელში, ჩამოვედი, დავინახე, „მერსედესის“ ძველ, შავ ჯიპთან იდგა ქალი, რომელსაც წიგნი ვაჩუქე, გავიარე, კიდევ ერთხელ მივესალმე, მან ასეთი რამ მკითხა:

— რა არის ისტორია მაინც, შენი აზრით? — ვიცოდი, ბანალური პასუხი არ უნდოდა, სხვაზე კი დიდხანს ვიფიქრე, მაგრამ ვერ გავეცი პასუხი, არ მქონდა და იმიტომ...

არიან ასეთი, ფილოსოფიური აზრით შეპყრობილი ადამიანები, რომლებიც ხშირად, რაღაც არაყოფითზე უფრო ფიქრობენ. საინტერესოა მათთან შეხვედრა.

დიალოგი ახლოკელთან

— არა სვამ? — ცოტას, ერთ ჭიქას, ან ორს... — მეტს არა?

— არა. — ერთი ჭიქა, კაცო? — ჰო, კახური, მშრალი, წითელი, ან თეთრიც ნავა. — მეტი არაფერი? — არა. — სალოლ, ძმაო! მე სანამ არის, სანამ არ დაწვება სუფრა. — არ არის კარგი. — რატომ? — ვნებს ჯანმრთელობას. — ეჰ, სადღაა ჯანმრთელობა, შენ ძაან ინტელიგენტი ხარ ეტყობა.

— ... — არ გენყინოს, ძმაო. — არაა ეგ საწყენი სიტყვა. — არა? — არა. — კონიაკი რამდენი ჭიქა? — ჰა, ეგეც ერთი, ან ორი. — და ეს რა კონიაკია? — კონიაკის ბოთლზე მიმითითებს. — მარტელი. — სადაურია? — ფრანგული. — აზრზე არა ვარ.

— ... — სამსახური? — სკოლა. — გიჯერებენ? — ისე რა. — მაგარი ცუდი თაობა მოდის, ძმაო, უზრდელო.

— ... — ამასწინათ ჩემი ბიჭი მოვიდა ნაცემი, უფროსკლასელებმა მცემესო. მიგუფარდი და დავაფარე ყველაფერი. — ... — ეხ... არის თქვენთან ვარიანტი? — რა? — სკოლაში... — დარაჯი? — იყოს! — დაველაპარაკები! — ძმა ხარ!

დახმარება მეგობარს

იმ დღეს ძმაკაცთან ვიყავი ფეხბურთის საყურებლად. რომ მორჩა, ვუთხარი, სანდრო, ძმაო, ლუდს კიდევ მოვიტან-მეთქი. კარგი, თუ არ გეზარებაო. ჰიპერმარკეტი ოდნავ მოშორებით იყო, მაგრამ არ მეზარებოდა და მეც წავედი, მივედი ჰიპერმარკეტში. ლუდი, ჩიფსი, ძეხვი, მარინადი და პური ავიღე და გამოვედი ჩქარი ნაბიჯით. მოვივიარე, მომაქვს ცელოფნის პარკი, რამე-რუმეებით სავსე და რომ მივუახლოვდე, ვხედავ, სანდროს სახლის წინ, ხესთან

მანქანაა, ორი ტიპი გადმოსულა და რაღაცას ეკამათება. სანდრო ეუბნება, დღე დღეზე მოვიტანო. მიგვხვდი, რაშიც იყო საქმე, მივედი, მივესალმე, რაშია საქმე-მეთქი, მაინც ვკითხე. როგორც გითხარით, ორნი იყვნენ, ორივეს შავი ტყავის ქუთუხები ეცვა და დაძაბული ტონით ლაპარაკობდა, რაო და, დაიწყო ერთმა, ჩვენი ვალი აქვსო, რაში და რამდენი მეთქი?! რაში და ეს ჩემთან მუშაობდა, აშენებდა რაღაცას, ამისმა ძმამ ფული მთხოვა ათას ლარამდე და როგორც შენ მოგიტანია, ისე იმასო, იმას ვერ ვპოულობ და თავდებდა ეს ედგაო, „ატევიჩაი“, ბიჭებს ვთხოვე, არსად წასულიყვნენ და სანდრო ბოდიშის მოხდით გვერდით გავიყვანე.

— ოხ რა, შენი ძმა... — ეჰ, რა ვუყო, — შემანყვეტინა სანდრომ. — არ აქვს? — არა, მაგრამ უჭირს... — რატო არ მითხარი, ვალი თუ გქონდათ... — სანდრომ თავი დალუნა.

მივედი და ბიჭებს ვთხოვე ავლაბარში გავეყვანე, ბიჭები შეიშმუნნენ. — რა, დიდი მანძილია სოლოლაკიდან?.. — არა, ტო, მაგაზე კი არ არი, და რა პონტი?

იქ გეტყვი-მეთქი და იმათ შავ „მერსედესში“ ჩავეჯექი უკან. ბიჭები მალე მიხვდნენ, რაშიც იყო საქმე. სანდრო დარჩა, ჩვენ წავედით, გზაზე სიხალვათე იყო, უცებ ავირბინეთ, შევევარდი სახლში, ჩემები შინ არ იყვნენ. მანქანის საყიდელი ფული მქონდა გადანახული, იქიდან ათასი ლარი ავიღე და გავედი, ჩავეჯექი ისევ უკან, საჭესთან მჯდომს ფული გადავეცი.

— დაითვალე... — გენდობით... — ჰოდა თუ მენდობით, ისევ იქ მიმიყვანეთ... — ბიჭებმა მანქანა დაძრეს, ისევ უცებ გავედი, სანდრო მაგიდასთან იჯდა, ლუდი დაესხა...

— მზად არის... — სანდრომ ჭიქა ასწია და... — ნაკურთხია, ძმაო, შენ გაგიმარჯოს! ძმა ხარ!

\*\*\*

მეორე დღეს სანდრო დილაადრიან მესტუმრა, ცელოფნის პარკი ეჭირა ხელში, აი, ეს ჩემი ძმისგანო. გავხსენი პარკი და ვხედავ ნახატია — ტრიალი, დამსკდარი, გვალვიანი მინდორი ორი გადატრუსული ხით და თავზე წვიმის ღრუბელი აქვს წამომდგარი... — სანდროს ძმა მხატვარია.



ამ სიტყვებს უკან


— მე არაფერი მიხდა, მხოლოდ ერთი რამე, გიყვარდეთ ადამიანები, სხვისი ტკივილის გულთან მიტანა შექმლით, და სულ უბრალოდ იცხოვრეთ. ამ ქვეყანაზე არაფერია გადასარევი, გარდა სულ უბრალო რამეების, სითბო, სიყვარული, შენი პატარა ტაძრების ქვები, მათი ხავსები ეზოებში, ავდივარ ხოლმე ნაცისხარებთან და ვდუმვარ, იქაური დილა მამშვიდებს, იქაური ჰაერი. იყავით ღარიბები, უფულოები, იარეთ დაფეხვილი, გაძვალტყავებული მანქანით, იცხოვრეთ, ჭიქა ჩაისა და ერთ ნატეხ პურზე, ერთ ვაშლზე, ოღონდ გიყვარდეთ, გულით გიყვარდეთ ადამიანები და ეს ნანამები, სისხლით მოტანილი ქვეყანა. მე ძველი გაგების კაცი ვარ, ძველი გულის და ძველი განცდის, რესტორნებში სიარულს ისტორიულ ადგილებში იარეთ, ნახეთ გრემი, უქიმერიონი, უჯარმა, ვანი, რაც გინდათ, ოღონდ გაბოდებდეთ საქართველო და ადამიანი! ისწავლეთ განა კარიერისთვის, სამშობლოსთვის, ერისთვის, ამ ნანგრევებისთვის...

კაცს ხმა უკანკალედა, გამხდარი, გაფითრებული კაცი იდგა, კაკლის ხეზე მიყრდნობილი და თვალბანყლიანებული იყურებოდა ქვემოთ, დაბლა ეკლესია ჩანდა. მის წინ იდგა ორი ლოყანითელი ბიჭი, ხელში ვაშლები ეჭირათ და თავდახრილები მიშტერებოდნენ მიწას, მიწაზე ჭიანჭველები ფუფუფუხებდნენ.

კაცი განაგრძობდა: — დამალეთ ფულს, სახელს, ყველაფერს, იყავით უბრალონი და იცხოვრეთ შრომაზე, ხალხზე, ქვეყანაზე შეყვარებულემა და გახსოვდეთ, რომ ადამიანები ხართ! იცოდეთ, დაგლით ეს ქაოსი და მოგენატრებათ ეგ წითელი ვაშლები, დაგლით ეს ოხერი ქაოსი.

კაცმა პირველი გადაიწერა, მერე ჩაიხარა და ატორდა, საქმრეში იარალი გამოუჩნდა, პერანგში დამალა და გაიჩინდა. ბავშვები ხვდებოდნენ, რომ ამ სიტყვების უკან რაღაც დიდი დარდი იდგა.





შალვა საბაშვილი

დასანანი რაოდენ —  
 აღარც ისინი ჩანან.  
 ოდესღაც გული ფეთქავდა,  
 ზათქი იკლებდა მყისი,  
 ვულკანებრ ამოხეთქავდა,  
 მაგრამ დაწყნარდა ისიც.  
 მახსოვს, დიდება ინდომე,  
 სივრცემ კი გაგიმეტა,  
 რაში მიჰქროდა მინდორზე,  
 ახლა სადაა ნეტა?  
 შორს სიჭაბუკე ნათობდა,  
 ჰიმნებს აფრქვევდა დილა,  
 ახლა მინდვრებზე გათოვდა,  
 ტყე ნისლით გაჭედოდა.  
 კოცონი წანაკიდარი,  
 ქარში მერხვევი აფრა...  
 იყავი ისე მდიდარი,  
 გწავდა წყურვილი მძაფრად.  
 ზეცისგან დანაკისრებიც  
 ზოგჯერ მზის გულზე ჭკნება,  
 ვინ დააბლაგვა ისრები.  
 ვინ დააბერა გზნება?  
 სხვა მთვარის ამომთოვრება,  
 ძველი — აღარ ჩანს არსით.  
 ვით გსურს განაგრძო ცხოვრება  
 ასე შეცვლილი არსით?

**ზეარეკვა**

არვინ იცის, ვისთვის ვწერ  
 იმას, რასაც ვწერ,  
 მე რომ ვუმზერ, იმ მთის წვერს  
 სხივი არ სცემს ჯერ.  
 ვამბობ: უქმად ხომ არ დის —  
 ფიქრი ჰპოვებს გზას,  
 მაგრამ ბევრი ხომალდი  
 ჯერაც ზღვაში დგას!  
 მაინც ლურჯი სიშორე  
 კვლავაც მიხმობს წინ,  
 ვერა, ვერ განიშორებ,  
 შენს დასანერ წიგნს.  
 მიხვალ, სადაც ედემის  
 შორი ბრწყინვა სცან,  
 და სხვა ვარსკვლავებში  
 კრთის უცნობი ცა.  
 ნადი! ლურჯ მზეს ტაძრების  
 ზეარეკვა სურს,  
 იქ ვერ დასცემს სხვა წრე ბინდს,  
 შუქად დაძრულ სულს.  
 ნახე, რა გზებს ერთვიან,  
 ვისაც სხივებს ჰფენ,  
 ერთგან, ხომ სულერთია,  
 ვერ დარჩები შენ!

**შესაქვლის ზღვაა**

ყოველნიერ უსტარს  
 აქვს მრავალი გვიანი შრე,  
 ზოგჯერ ამბობ ზუსტად,  
 ზოგჯერ მხოლოდ მიანიშნებ.  
 ხარ სამყაროს პირად,  
 რაც გსურს, იმას ალღესავდი,  
 მინიშნებულს ხშირად  
 უკეთ იგებს ადრესატი.  
 იცვლი ფერს და იერს,  
 გააჩნია — აგებ რის გარსს,  
 აზრის ველი ძლიერ  
 განსხვავდება ალგებრისგან:  
 იქ მჭვრეტელი აკვლევს,  
 რომ პარადოქსს მიანათეს:  
 დამატება აკლებს,  
 დაკლება კი მიამატებს.  
 ხან კი უსმენ სხვა სიმს  
 და ამაშიც რაიმე დევს,  
 ჰყოფნის ეგებ ასიც,  
 შენ — მილიარდს გაიმეტებ.  
 სხვას სრულიად სხვა აქვს  
 მიზნები და გაცურვები,  
 შესაძლებლის ზღვაა,  
 არცროს ამოსანურველი.

**მოხიბლული ტყვენი**

მე მინდოდა უცხო ფერადების გროვება,  
 მე მწყუროდა ნამი, მზით რომ შეინოვება.  
 მე მხიბლავდნენ გზები, მინდვრები და ჭალები,  
 ვარსკვლავები მხმობდნენ, ღამით ნაციალები.  
 მე მატკობდნენ ვარდნი, აფეთქილი რტოებით,  
 შევცქეროდი ბალებს თვალბგაფართოებით.  
 თბილი ქარი მზიურ შთაგონებას მახლიდა,  
 როგორც შორი მგზავრი, გავდიოდი სახლიდან.  
 ფერდობების ახლოს ჯაგებიც კი ყვაოდნენ,  
 თვითვე გრძნობდა კორდი, ტურფა იყო რაოდენ.  
 სიხარული მდევდა, მარად განუშორები,  
 ვედებოდით ველებს ტოლები და სწორები.

**კოკრის მფურცველი**

ყოველში მოჩანს დროის თარეში,  
 „ორჯერ ვერ შეხვალ ერთ მდინარეში“.

ღრმა დაფიქრებით ფარდა ეხდება:  
 ორჯერ ვერავინ ვერვის შეხვდება.

მიხვდები, ჟამში ფიქრთა მნიშობის —  
 შენახულ საგანს ვერვინ იპოვის.

ვიტყვი, თუმც არც ეს მოგიტანთ ხალისს:  
 აღარ გექნებათ, რაც დღეს გაქვთ, ხვალ ის.

თქვენც განუწყვეტილად ახლად იქნებით,  
 რაც დღეს ხართ, ხვალ ის ველარ იქნებით.

გუთანი ხნავს და ძველ ნაყანობს შლის,  
 ხვალ გაიღვიძებთ სხვა სამყაროში.

ვართ განუწყვეტილად კოკრის მფურცველინი,  
 და არაფერი გვრჩება უცვლელი...

**ფერთა ალალიდან**

ირგვლივ ტურფა ტყე-ველია,  
 მთა, კორდი და ველობი,  
 ბოლო გაურკვეველია  
 გასაოცარ მსვლელობის.

ვიცი, რომ ვერ ეხებიან  
 უთვალავნი ცანი ჭერს,  
 არა ოჩოფხეხებია,  
 მე რომ ტკობას მანიჭებს.

გაგჩნდი ფერთა ალალიდან,  
 იდუმალის მკონელი,  
 რაღაც ყოვლად მაღალი და  
 სხვისგან აუნონელი.

**ყველანი და მე**

სულში ურყევი კრთიან ხატები,  
 სივრცეც მთლიანი არის ხატება,  
 რაც ჩანს, ყველაფერს მე ვემატება,  
 რაც ჩანს, ყოველი მე ვემატება.

ყოველს მოიცავს გული, გონება,  
 ყოველს ვფლობ, ვიყო არრის მქონებიც,  
 რაც მოჩანს, ყველა მე მეკონება,  
 რაც სუფევს, ყოველს მე ვეკონები.

თუმც ბევრთან ბევრჯერ შევკამათებდი,  
 და ბევრიც ჩემთან შეკამათება,  
 ვინც სუფევს, ყველას შუქით ვნათებდი,  
 და ყველა — ჩემი შუქით ნათებდა.

ო, არაერთხელ ამეტყველდება  
 სიბრძნე, ბევრისგან მოუხელთები,  
 ყოველი არსი ჩემში გრძელდება  
 და მეც თითოეულ არსში ვგრძელდები.

სულში სამყაროს კრთიან ხატები,  
 სამყაროც სულის არის ხატება,  
 რაც სუფევს, ყოველს მივემატები,  
 რაც სუფევს, ყველა მომემატება.

**ჩაქრობანი**

საკვლევებად, საფიქრებლად, საგოდებლად,  
 გაოცებად, ხანაც ხელის ჩაქნებად —  
 დაგროვდება, დაგროვდება, დაგროვდება,  
 მერე უცებ უგზო-უკვლოდ გაქრება.

აღმავალი მხოლოდ კოკრის გაშლამდია,  
 ბოლოს ყველას ალღუმიდან თიშავენ,  
 კამკამდება, კამკამდება, კამკამდება,  
 რომ ჩაქრეს და გადაიქცეს სიშავედ.

ყოველ მხედარს დალილობა მიესევა,  
 მძაფრად ილტვი,  
 მაგრამ უცხო დამბლა გდევს,  
 ილესება, ილესება, ილესება,  
 რათა მერე სამუდამოდ დაბლაგდევს.

ასი ველი ყვაილებით მიაჭრელეს,  
 მერე ვიღაც ფერთა ყველა ნიშანს შლის,  
 მიაჭენებს, მიაჭენებს, მიაჭენებს,  
 რათა მერე განისვენოს ქვიშაში.

ო, ბოლომდე ვერვინ დარჩენ მოზარდებად,  
 ვერვინ შეძლოს მიზეზების მინვდენა,  
 მოზავადება, მოზავადება, მოზავადება,  
 მერე უცებ სამუდამოდ მიწყდება.

**რაოდენ დასანანია!**

მოვლენებს სხვა სამანი აქვთ,  
 თვალმა დალანდოს აქ რა?  
 რაოდენ დასანანია,  
 რამდენი რამე გაქრა!  
 სადღაც ყორნები ჩხაოდნენ,  
 შიში მძალავდა სანამ,



რა გვატკობობდა სრულად, ვერც ვერავინ მოთვლიდა, ზღვა მუსიკა ძგერდა თითოეულ ფოთლიდან. სხივის ყველა თრთოლა, სიოს ყველა მობერვა მოვლენილი იყო გულით შესაგრძნობელად. სურდა ყველა მსმენელს ჩაკონვა და ფერება, ის ნეტარი ყოფა ვერრით აღინერება. ჩვენ ვიყავით მისი იდუმალი მთხრობელი, მოხიბლული ტყვენი რალაც შეუცნობელის.

### ერთი ველზე

მეუფება მტვერთა, გზა — უცხო და უნიშნებო; შერეულა ერთად დიადი და უმნიშვნელო. სულ სხვა ჰიმნებს ვწერდით — სხვა მოგვფინა ცამ იერი, ბალახობენ გვერდით მარადი და წამიერი. ვრცელ ჭალებში ვსახლობთ, მთებმა მზერა შეგვივერცხლეს, შორეულსაც ახლო მხარეებით შევიმეცნებთ. მიზანი აქვს მშვიდი გულსაც, უცხო ხურვებიანს, სულ მცირედსაც დიდი ასპარეზი სურვებია. ახალ მდგმურებს ელის ლაბირინთიც ნასახლართა, და მზადაა ველიც მთების ჯუნგლში გასახლართად. უცხო თოვლი გვფარავს ფარდით, უცხოდ შეფერილით, ყოფის ყველა ფარა ერთ ველზეა შეფენილი...

### სასახლე

ერთად ვაგროვებ იდუმალ სიბრძნის გაბნეულ ნაშთებს: უნდა შებურო ნანილი, რომ მთელი გაკაშკაშდეს. რომ აღიაროს სუყველამ, აქ ერთი დათქმაც შედის: არ უნდა ჩანდნენ მდგენელნი მიზეზობრივი წრედის. თუ გასურს ამაყად წარუდგე მტერსა თუ თანამზრახველს, არ უნდა მისცე ქმნილებას დასრულებული სახე. რათა მოვიდეს ტრიუმფი და გაღმერთება მალი, ღრმად გადამალე ზოგი რამ — ვერვისი მისწვდეს თვალი. დარჩეს ბურუსით მოცული, მაინც მეტყველი მჭახედ: იდუმალს ემორჩილება მჭვრეტელი მოცახცახე. მასში იმგვარად განლაგდი, უცხო სხივების მფენი, ვერ შეძლონ მოახლოება ან გარშემოვლა შენი. უნდა მოჰგავდეს მარადის დაუსრულებელ ნახატს, არ ეყოთ მთელი სიცოცხლეც ყველაფრის დასანახად. ირწმუნონ — შენი ქმნილება ველარ გაუქმდეს ანი, ერთურთის სურდეს ბრწყინება მის თითოეულ ნაწილს. უნდა სჯეროდეთ — ყველასთვის ღიაა შესაჭვრეტად, და თუმც შენია, ყველასი არის ამაზეც მეტად. უნდა ეგონოთ, უხსოვარ დროშიც სუფევდა ლამის, არ უნდა აჩნდეს ნიშნები წარმომშობელი ჟამის. ჰქონდეს დრეკადი კონტური, კართა ურიცხვი წყება, და ღია იყოს თავისკენ სუყველას მოსაკრებად. არ უნდა ჩანდეს უცვლელი, მბრძანებელი და ხისტი, თვითაც სწყუროდეს მოსმენა აურაცხელი ხმისთვის. უძრავად მდგარიც სწვდებოდეს ყოფიერების კიდეს, არვის თრგუნავდეს, თითოეულს თავის ნაწილად ხდიდეს, არვის იპყრობდეს — ყოველი მორჩილდებოდეს ნებით: ჩვენ მაშინ გვგრძნობენ მთლიანად, მთლად თუ არ გავიხსნებით; ჰქონდეს ლოდების სიმძიმე, მაინც მოჰგავდეს ლანდებს, წყვდიადისაგან ნაგები მთლად გამჭვირვალე ჩანდეს. ათრობდეს ყოველს სიცხის და ყინვების სიჭახჭახით, ევლინებოდეს სუყველას სხვადასხვაგვარი სახით, უწყოდეს — რა სად ჩაძიროს და სად რა გამოიციოს, ყოვლად განაპირებული მაინც ყველასთან იყოს...

### მაღე შორათში!

ვიცი, ხილულშიც უხილავი დევს, მაღე შორეთში უნდა წავიდე, ჩემი ნალველის უბოლოობა დე, წარმოუდგენ ზღვრამდე ავიდეს, დაბლა დაეცეს სულის სიმაღლე — ასეთ რაიმეს მე არ ჩავიდენ, არსებავ ჩემო, შეუცნობელის მიმართულებით, ვიცი, კვლავ იდენ, მსურს, გადავსერო მთაგრეხილები, მერე უსაზღვრო ველზე გავიდე, რაც შევისწავლე, ჯერ ისევ ვნატრობ — მასზე ასჯერ მეტს შევისწავიდე, თუნდაც მინდვრებმა დარჩენა მოთხოვნ, არ შეიძლება, უნდა წავიდე, ისიც, რაც თითქოს მაყოვნებს გზაზე, დე, თვითაც წასვლას მოასწავიდეს, დაბადებისას ყოვლის მოხილვა გულს აუშორებ მიზნად ჩავიდე, ჩემი სიცოცხლის არსი ბრძოლაა, თუმც მის გარეგნულ გარსში ზავი დევს, ოდესღაც მზისებრ ამონვერილი ისევ მზისებრად უნდა შთავიდე, რაც მოუციათ — გადვუხდი ყველას, არვის ეგონოს — ვალად დავიდებ...

### რაც ხანი გადის

რაც ხანი გადის, ნამსხვრევების გრჩება გროვება, მარადის მთელი არაფერი მოიპოვება, ყველა სიხარულს, რაგინდ მძაფრად ოდესმე განცდილს, ჯერ დააბლაგვებს, მერე აქრობს სევდის თოვება. დიდხანს გვატარებს, მაგრამ ბოლოს გასხლტება ნავი, ზედ ვერ დავრჩებით, რაც არ უნდა მტკიცედ მოვებათ, ბოლოს მოგვიჭერს, გაგვანვალებს ყველა სამოსი, — ზუსტად საფერი არაფერი მოიპოვება. ქვები, ამგები ერთხელ მართლაც ზღაპრული ტაძრის, ბოლოს გზისპირად, მიმოყრილი ნახო გროვებად, დაბადებიდან თანშეზრდილშიც და მშობლიურშიც ერთხელაც არის, გამოკრთება გაუცხოვება. გადახუნდება ქარ-წვიმისგან ყველა ვარაყი, ყველა მოფიფქვა-მოვერცხლვა და მოოქროვება, ჩვენც სხვა არა გვაქვს — ერთადერთი მოგვანდეს ვალი — ირგვლივ გადაშლილ ველ-მინდვრებზე ჟამის ძოვება.

### მსოფლიოს წინაპი

კოშკს, სიმაღლეზე აღმართულს ციდან ათოვს და აწვიმს, ხამს, ერთხელ მაინც აენთო მთელი მსოფლიოს თვალწინ. შორით დაძრულმა შუქებმა მრავალჯერ გადამსერა, უნდა ერთხელაც სუყველამ ერთად შეგავლოს მზერა. რომ მოგვიხმობდეს, მისთვის კრთის სამყაროს შორი კიდე, არ შეიძლება მარადის ახლო ველებზე ვლიდე. შენ უნდა ღრმად იზრახვიდე, გაჰყვე შორეთის რელსებს, უნდა ოდესმე გახვიდე შეფასებათა ველზე, მარტომყოფს სევდა შეგიპყრობს მძაფრი და დამშანთავი, მიტომ მიზანი ეგ იყოს — სივრცეს აჩვენო თავი. იქუხე, ყოველს დაატყედი თავს კოკისპირულ წვიმად ეს, შენზე მეტად, გჯეროდეს, უფრო სჭირდება იმათ!

### ის უნეს ხალხია

ვერ შეაკავებ — ყოველივე ერთად გასხლტება, ჩიტების მწკრივი გადაჭიმულ მავთულს ასხდება. ვინც გულმოდგინედ სახავს მყოფადს — თავს უქმად იქცევს, ყველა შეხვედრა შეიძლება სულ ბოლოდ იქცეს. აღვსილი წყენით ხამს მადლობას თვის ბედს სწირავდეს, რადგან ცხოვრებას ძალუძს წამში ამოყირავდეს. ხარობდე — ენთო მზე, ყინულთა გამადნობელი, თითოეულ მშვიდ წამს აღუვლინე სამადლობელი! რამდენჯერ აგცდა შიშით ფორთხვა გათხრილ სანგრებთან, არც წარღვნა სჭექდა, არც ვულკანი მწვერვალს ანგრევდა. არც შვილების სისხლს ღვრიდა მტერი შენს ციხე-ქავთან და არც ცუნამი სანაპიროს ქალაქებს ნთქავდა. რამდენჯერ ჩასწვდა სულს გალობა უთვალავ ჩიტის, რამდენჯერ ყრმისას შენს სანატრელს ისმენდი ტიტინს, ან ცალაჟვარდი ღრუბელთ კოშკებს ქმნიდა და შლიდა, ან ულღურჯესი სივრცე ზღვისა ეფინა მშვიდად. ამოიძიე შენს ხსოვნაში ტურფა დლეები, ბალი, ვენახი, ნაყანობი, ორლობეები, როს მშვიდი სივრცე ვერ გაბზარა მცირე ხმაურმაც, ნელა ავსებდა წვიმის წყალი როცა ნაურმალს; ატმის ყვავილთა სურნელებით მთვრალი ბუნება; მთვარის კამკაშის გაიხსენე დიდებულება, ეზოს მამლები, ამაყად რომ აჩენდნენ დეზებს, ჭიანჭველების აღმავალი დინება ხეზე, ფიჩხის მოზიდვა ახლო ტყიდან, ფრენა ფარვანის, ღამით თონიდან ამოვარდნილ ალის ვარვარი... ჩაგძირავს ხსოვნა, დარწმუნდები — მრავალ წელს ერთობ დაუსაბამო სილამაზე გარშემო ენთო. ო, სინამდვილე, მოზეიმე, დაუკვნესარი, იმდენი წელი — სასწაული სწორედ ეს არი. რაც აღარ სუფევს, იმავ ძალით შემოგრჩენია, ვერვინ წაგართმევს — სამუდამოდ იგი შენია. მიტომ ნუ დარდობ — მე მტკიცებას მოვიტან მრავალს — რაც ძვირფასია, ვერასოდეს ვერსაით წავა. ის შენს სულშია, ველარასდროს განაპირდება, და ღობით მისი შემოსაზღვრაც სულ არ გჭირდება...

### რალაცას გვიხსნის უსაზღვროება

წვიმებისა და ქარების შემდეგ დღე დაიჭირა წყნარი, მზიანი, მშვიდად სუნთქვენ ხეები ირგვლივ, ნეტარებას გრძნობს ადამიანი. მწვანე სერს ზემოთ, ლურჯ, ქორფა ცაში, იბადებიან ღრუბლის ქულები, კოკისპირული სევდა-წუხილი გადამაყინწყდა უკვე სრულებით. დაიკარგება დღეს ის ყრუ განცდა, გულს რომ მოედო უხემ ბარდებად, სამაგიეროდ ყოფის სიტურფე ახალ ზეცაში აელვარდება. ისევ თავს იჩენს არსებულების მშვენიერების გრძნობა გრძნეული, ისევ ფიქრები აჟივჟივდება, შორი ჟამიდან შემოდნეული. მე გადავსერე ქალაქის გული, თვალი შევავლე მოედანს გმირთა, დამატკობელი, მშვიდი ჰანგები ყოველი მხრიდან მესხმება ზვირთად, ირგვლივ ხეების მასივი სუნთქავს, შორს ლაჟვარდები დაკიდებულან, შემაჩქროლები ბედნიერება საყოველთაოდ დამკვიდრებულა. უშფოთველია დღეს დედამიწა, ახურავს ლურჯი ცის მუზარადი, შუქით ავსილი მყისიერება ყველაზე მეტად არის მარადი, წყნარად დის მტკვარი, ქართლის ხეობით შორ სივრცეების შემოაქვს სული, რალაცას გვიხსნის უსაზღვროება, ფიქრების ძაფით შემოხაზული.

### მზა შეღამები

გვტოვებს მნათობი, მიჰყვება ბილიკს, მთელ სამყაროში შთენილი ცალად, მას, საღამოურ ველზე დამავალს, ვერ შეაჩერებს ვერარა ძალა. მის სულს, გადავსილს მთელი დღის ზრუნვით, უკვე ველარა მიემატება, მიდის მნათობი, ცხოვრებისაგან გასარიდებლად მიემართება. მისი სამყარო ამსიგრძე ჟამში ცხოველქმედების ხმებმა ალავსეს, ან მისი მზერა გადასულია სხვა მინდვრებსა და სხვა სანახავზე. ჩვენც მივაკითხოთ სხვანაირ წესრიგს, სხვა მიმართებებს, გზებსა და გეზებს, რაგინდ დიდი ხნით სხივს მიეყვებოდეთ, ბოლოს ჩვენც უნდა გავიდეთ წრეზე. უნდა შენელდეს, უნდა შეჩერდეს, უნდა შეჯამდეს, უნდა შეფასდეს, კრეფას მოჰყვება დაბინავება, ვით დამწიფებას თვითონ კრეფა სდევს. თითქოს აღმავალ ველურ ტენებას მოულოდნელი აღვირი მოსდეს, ნუ გავიკვირვებთ — უშქარ ალიონს ბოლოს უშქარი საღამო მოსდევს. ო, ნითელ დისკოს შორი ზმანება, გადაულახველ სევდის მკვესარი! თუმცა უსაზღვროდ დაგვენანება, მისი ღირსებაც სწორედ ეს არი. საგნებს ეცვლებათ მათი განწყობა, ყველა მიელის თავის მისაგებს, გადაიხრება ფერების მწკრივი თანდათან მზარდი სიმუქისაკენ, გაილანდება სამყაროს სახე, ღრმად შემგრძნობელი ღამეულ რიდის, თითქოს ამ სახით დანატყვევები და ჯადოქმნილი მნათობი მიდის. და ფრინველების შემკრთალი სული, გადმოფრქეული შემლიდ ოდებად და მიქაცული ქვეყნიერებაც მას სიყვარულით ემშვიდობება...





მაკა ლომაძე

სოფელი, რომელიც ელის

ბოლო ბაბუა ერთ-ერთი გურიის სოფელ ჩოჩხათიდან, რომელსაც ვერაფერმა აიძულა მამაპაპისეული სახლ-კარის დატოვება. ერთი შვილი თბილისში ჰყავს, მეორე — საფრანგეთში, მესამე კი — ამერიკაში. დასავლეთში წასვლას ვერ უხსენებ, ის კი არა, დედაქალაქში გამოზამთრებაზეც ვერ ითანხმებს უმცროსი ვაჟი. ჯიუტი მოხუცი, იმის მოუხედავად, რომ ცოლი ფაცულა ეხვეწება, ნავიღეთ შვილებთანო, ყურებს არ იბერტყავს და ასეთივე სიჯიუტით ხვდება სიბერეს.

ჯანმრთელობას არ უჩივის. ყანასაც მარჯვედ უვლის. შვილებმა პირობები შეუქმნეს. ცხელი წყალი აქვს და მოსული ქვითარიც არ ადარდებს — უხდინან. ბალ-ვენახიც — მშვენიერი. ზაფხულში კი იქვე, მდინარე ჩამოდის და აგრილებს. სიმინდსაც იწვეს, ხილ-ბოსტანსაც. სულ რომ დაიქცეს ქვეყანა, მშვიდობა არ დარჩებოდა. ახალი კვერცხი და ახალი ქათამი ხომ სულ აქვთ, კარგი ტყემალიც და კარგი მჭადიც. ღომიც უყვართ. გურულ ღვეზელებს ბებო ფაცულა ხშირად აცხობს — აი, საშობაოდ თბილისშიც რომ ამზადებენ. მერედა, ნამდვილი კვერცხით ხომ სულ სხვაა. გოგონას კარგი ღვინო აქვს — ადესა. კახელებს და რაჭველებს შეიძლება, არ მოეწონოთ, მაგრამ, რაც მთავარია, მას მოსწონს და ახარებს. მერე, ბადაგს აიღებენ და შვილიშვილებს საფელამუშეს გაუგზავნიან. როგორ უყვართ... იქნებ, ერთი თვით მაინც ჩავიდნენ, დაითანხმოს ცოლმა მომავალ ზამთარში...

მანამდე კი, სააღდგომოდ, შვილი ეწვია რძლით და შვილიშვილებით. ფაცულა თავის სახელს ამართლებს. ბევრი კვერცხი შეღება, თანაც, ნატურალური. ქათამიც ნატურალური შეწვა და გოჭიც. ხბოს ჩაქაფული გააკეთა ახალი, ეზოს არომატული ტარხუნით და ტყემლით. ო, რა სურნელი დატრიალდა... მჭადები კეცში ჩააკრა. ქოთანში ღობიო მოხარშა. უხაროდა: ჩემი ბავშვები ჩამოდიანო. მერედა, როგორ მოენატრათ ბებოს გაკეთებული საჭმელი... მთელ დღეზედა, მგონი, მისი ბადალი კულინარი არ დაბადებულა...

ბებო, ბაბუა! — შემოვარდა შვიდი წლის მაკუნა. ეგონა, ო, როგორ გულწრფელად ეგონა, რომ მათი ჩამოსვლის შესახებ არ იცოდნენ და მოულოდნელი სტუმრობით სულ გააგიჟებდა.

— ბებო, ბაბუა! — შემოვარდა შვიდი წლის მაკუნა. ეგონა, ო, როგორ გულწრფელად ეგონა, რომ მათი ჩამოსვლის შესახებ არ იცოდნენ და მოულოდნელი სტუმრობით სულ გააგიჟებდა.

— თქვენ შემოგვევლეთ მე. რეზუნა, მოი ბებო, შენც ჩაგვხუტო, ჩემო ბუთხუზა ბიჭო.

— ბაჩი როგორ მოგვეგება, რა საყვარელია. თქვენზე უფრო, მგონი, ძალი ენატრებოდათ, — უთხრა კოტემ, შვილმა, და სიყვარულით გადახედა პატარებს, — როგორ ხარ, დედა? ქრისტე აღდგა!

— ჭეშმარიტად, ჩემო შვილებო! — ჩაეხუტა ტკბილი ბებო ორივეს, — სა ხარ, გოგი, ჩვენი სიცოცხლეები ჩამევიდნენ.

— ცოტა ხანში ბაბუც გამოჩნდა, ახალი კარტოფილებით ხელში. ისევე ატყდა ერთი ამბავი.

— რაფერ იმგზავრეთ? იქით რა ამინდებია? ცივა წრულს, მარა ქე გადავტეხეთ წელში მაინც მაი ზამთარი, არა ფაცულა? ერთი კვირა დარჩა საჯეჯილოდ და მერე ჩვენია მთელი ქვეყანა. აი ნასესხებიც ჩეივლის.

— მამა, მაცოცხ. რა ენერგიაზე ხარ. მეც მინდა, მასე ვიყო, — თქვა კოტემ.

— ჰოდა, ნუ დეივლახებით თავს, შვილო. პანა მეიცალო უნდა, თლა კარ უნდა მოაკვლიო თავი სამსახურს. კომპიუტერი შეგჭამს, მამა, თუ არ მეერიდე ხანდისხან. მაი ალენჩებს. ჩვენსას ერთი გვიყავს აქვს და ქე დადის მაგის ბიჭი გამოქანქარებული, აღარც მუშაობის თავი აქ და აღარც არაფრის. მინა და ზომიერი შრომა მარგებელიცაა და სასიამოვნოც.

— რა ამბავია ქალაქში? გეიხადეთ, ნამონექით, დალილი იქნებით. ხაჭაპური მალე იქნება, დედა, და ვისადილოთ.

— დედა, გურულ ბებოზე თუ იცი ახალი ანეკდოტი?

— რომელი?

— გურული ბებო ყიდის მზესუმზირას. მივიდნენ ბიჭ-ბუჭები. იფიქრეს: გაველაზლანდარავებით, გავერთობითო. ეკითხებიან: ბებო, ღვინო გაქო? კიო — უპასუხა. არაყი? — ეგეცო. მარტინი? — აბა, რაო. ჯეკ დენიელსი? — დიასო. ვეღარ მოუგეს და კითხეს: ბებო, გველადავებო? მე დევიწყე თუო?

— ასეა, ისინი რომ მიდიოდნენ, ჩვენ უკვე მოვიდოდით. ასეა, შვილო, ნანა, ასე. შენ ნამეტანი ნაზი გოგო ხარ, მარა კაი ხარ და მიყვარხარ, შენ გენაცვალე. ხო უფლი, ბიჭო, ცოლს კარგად, ჰა? ნაზი რომაა, კაია, ნენა, ყველა ქაჯი ხომ არ იქნება? ჰაჰა.

— ქაჯი არც შენ ხარ, ფაცულა, უბრალოდ, მთლად პრანჭვა-გრეხას თუ გადაყვი, ჩავფლავდებით, მაინც, სოფელია. ისე, რაფერი შენახულია ჩემი კნინა, ჰა, რძალო?

— მშვენიერი, მშვენიერი. ყოჩალია და კარგია. ასაკიც არ ეტყობა.

— რეზუნა, იცი? სულ ნატურალურს ჭამს, გლახა არავისდა უნდა. კაი გულის ქალია. თავსაც უფლის გონია, აი იმისთანაა, თორემ ქე მობერდნენ მაგისტოლა ქალები ჩოჩხათში. მარა, მეც ფორმაში ვარ და იმ-იზაა, რას იტყვი, ცოლო, ჰა, ხომ ვარ ლომივით?

— კაი, სირცხვილია. დეილუპე საცხა. ხარ, ხო ხარ. გამხიარულდა ახლა აი და რას ჩივის, თვითონ არ იცის, დაგინახათ და გადევნებენ ტვინი. ნუ მომჯაყე ერთი, თუ კაცი ხარ. ტიტუ, არ დამენვას. აი, კაია, მოით ბაღებო, დაჯექით და მივირთვით. აბა, მოით, მოით, ნენა.

— აბა, ქრისტე აღდგა. დალოცვილი ვიყოთ ყველანი.

— შეგვენიოს უდიდესი დღესასწაულის მადლი.

— რეზი, დამიჭახუნე.

— მაკა, მოგიგე.

— გაგიმარჯოთ, კოტე, ნანა, შვილებს დაგილოცავთ, ჩვენს ბარტყებს, ორზე არ გაჩრდეთ, იცოდეთ. გამრავლება გვინდა ცინცაძეებს. ჩვენს ციცის გაუმარჯოს ამერიკაში და მაკოს — საფრანგეთში. იმრავლონ და იხარონ. შვილიშვილები დიდები არიან უკვე, ენაცვალოს მაგათ ჩემი თავი.

— მაინც წავალ. კოტიკო დედა, ამ კაცს არ ვუყურებ მე, რომ ნახვალთ შენ და ნანა, მეც წამიყვანეთ. რაია, ბაღები გპატიჟობენ და არ მიდისარ. შენ თუ არ გინდა, მე მაინც გამოვახელ თვალს, — ნაიბუზღუნა ფაცულამ.

— რახან არ იშლი, ნადი.

— ე, მასე, შე კაცო.

— შენ რატომ არ გინდა, მამა? აქაურობა რომ გიყვარს, მესმის, მაგრამ სხვაგან რატომ არ გინდის გული?

— არ ვიცი, შვილო, რამე რომ მოხდეს და მალე ვერ დავბრუნდე, მე ნოსტალგია გამთანავებს, ასეთი კაცი ვარ, ჩემი კარ-მიდამოს გარეშე არ შემოძლია. თბილისშიც ხომ იცი, ორ კვირაზე მეტს ვერ ვიცდი, თითქოს, ასფალტის სულს მიხუთავს. ეტყობა, ცივილიზაცია ჩემი საქმე არ არის. აქ არის ჩემი სავანე — ჩემი შრომის ნაყოფი, ჩემი სიამოვნებაც, სამსახურიც, ღონისძიება და პარიზიც. ალბათ, დედაშენს უკვირს, მარა რას იზამ? კაცია და გუნებაო. მე მაპატიე, შენ ნადი, ნადი, მე ნუ მიყურებ, ერთი ახირებულ კაცი ვარ.

— შენ ჩაქრი. შენთვისაც მინდოდა კაი ქვეყანა, იმიტო გიცდიდი, მეიფიქრებს-თქვა. რახან ასეა, მე წავალ და შთაბეჭდილებებს მოგიყვები.

ბავშვები მალე დააწვინეს და თვითონ გვიანობამდე ქეიფობდნენ. მეორე დღით, უკეთესი ამინდი დახვდათ. მინაც მალე მოშრა და პატარები სთამამოდ გავიდნენ. ცოტა ხანში, ჭიშკარში პატარა ბიჭი შემოვარდა.

— ვითამაშებ, რა, თქვენთან.

— მოდი, — უთხრა და-ძმამ.

სადილობამდე გაუჩერებლად თამაშობდნენ. ბევრს იცინოდნენ, დარბოდნენ. ეზო ბავშვურმა კისკისმა და სიხალისემ მოიცვა. ახალამონვერილი ხასხასა ბალახივით აბიბინდა მზიანი, უზრუნველი განწყობა.

— ბებო, ამოდით, გაჭამოთ. უი, ლაშკო, შენ ხარ? რაფერ ხარ?

— კარგად. მაკა და რეზი არ იცდიან? ხომ არ წავლენ?

— არა, ბებო, ახლა დაფუძახებ, მერე ცოტას დაისვენებენ და გამოვლენ. ამოი შენც ჩვენთან.

— მერე, რომ დაღამდება, წავლენ?

— დღეს არ წავლენ.

— ხვალ კი?

— არც ხვალ.

— დედამ კი მითხრა, მალე მოიო, მარა რო ვიყო? მათთან მინდა. შეიძლება?

— რავა არა, ბებო, რავა არა. მოდი, ჩემო პატარა. ესაა ჩემი შვილიშვილი, თქვენ

რომ არ ხართ, ამას ვეფერები, ამას შემოველოს ფაცულა. მოი, ბებო, მოი, შენი ჭირი-მე შენი.

ლაშკო ხტუნვა-ხტუნვით აპყვა და-ძმას კიბეზე და სამივემ კარგად მოუღებინა გემრიელ კერძებს. დესერტიცა ჩაიკოკლოზინეს პირი.

ცოტა სახლშიც ითამაშეს. იმდენი ჰქონდათ ნარბენი, რომ ჭამამ თავისი ქნა, ბავშვები მოთენთა. ერთმანეთზე მიეძინათ. უსაყვარლესი სანახავები იყვნენ. უფროსებმა სანოლებში მიანვიწესეს.

— ნანა, რომ იცოდე, ეს ბავშვი რაფერ მეცოდება. მთელ კუთხეში, მისი ტოლი არავინაა. ვინც იყო, ყველამ გუდა-ნაბადი ეიკრა. იმ დღეს, გული მომიკვდა: ბატი დეეჭირა, ნისკარტში ჩაფრენოდა და ეჩხუბებოდა: დამელაპარაკეო. აბა, ამას ბავშვობა აქვს? ისეთი მოწყენილი დადის. გაცივებული პირველად ვნახე. აი, აღდგომა მაგას გოუთენდა, თუ გოუთენდა. ჩამოდიოთ ხოლმე, რა, ლაშკოს ხატორით მაინც ჩამოით, თორემ განყალდა გული მაგის ყურებაში. ჩვენ კი კარგად ვექცევით, მარა ბაღები უნდა, ბაღანაა, ექვსის არაა ჯერ.

საფლავზეც გავიდნენ. ასე ელოდა ყოველ წელს აღდგომის დადგომას სოფელი — იქნებ, მაშინ მაინც ჩასულიყო ხალხი, იქნება, ცოცხლების თუ არა, თუნდაც მკვდრების ხატორით. ზაფხულმაც რომ ვერ ჩაუყვანა გოგია ბაბუს თავისიანები, ისევე ამ დღესასწაულმა უშველა. ახლა დარჩებოდნენ ერთ კვირას. ლამამაც გაიხარა, ამოენია გული, იცინა, ირბინა, გაერთო. რაჭველ ნანას კი მოაგონდა, როგორი იუმორიანი ხალხია გურულები და თანაც, დაისვენა კიდევ საქმიანი და გემრიელი დედამთილის ხელში. სიყვარული, სიყვარული სუფევდა გოგონას და ფაცულას შორის, ასე იყვნენ მისი შვილებიც და ეს ახარებდათ ყველაზე მეტად. როგორც მათი ღვინო გადადიოდა ჯამიდან ჯამში, ისე გადადიოდა ეს გრძნობა თაობიდან თაობაში. სიყვარული, სიკეთე და სილამაზე იყო მათი დევიზი სახლშიც და კარშიც, ერთმანეთშიც და სხვების მიმართაც. ნამდვილი აღდგომა იყო — ნამდვილი სიხარული მომტანი, ნადლი დღე-სასწაული.

— მადლობა, მამა, რომ ჩამოხვედით. ვეცდები, თავს ვძლიო და ზამთარში მე ჩამოვიდე თქვენსას. ზაფხულშიც ჩამოით, მარა, კაია აქანე მდინარის პირია, სივრთლეა, ლანჩხუთითი კარ ცხელა, ხომ გახსოვს, რამდენს ვთევზაობდით? ჩამოი, კოტე. ხომ კაი იყო, შენი ბავშვობის მეგობრები რომ ნახე? ყველას არა აქ, მამა, სოფელი, ჩამოი, ყოველ წელს ჩამოი, მამა. შენც გჭირია მაი, ბიჭო, თვარა ჩვენ რო გვჭირია, მაი ხომ იცი? კარგად იყავით ბაბუაებო, ჩემო ლამაზებო.

— კარგად, დედა. ა, ყველაფერი ჩაგილაგეთ. აი ფოსტა რაცხას მაინც მუშაობს. მეინერეთ ხოლმე, ნენა. მიხარია მაინც წერილი. ალბათ, ფეისბუქია, სკაიბი თუ რაცხა დასალუშავი, რომც გეგვარებო კომპიუტერი ვიყიდო, სულ აღარ გავგეკარებთ. ჰოდა, არ დავაყენებ. მოგენატრებით და ჩამოხვალთ. კარგად, აბა, კაი მგზავრობა. მოკითხვა შენებს, ნანა.

— კარგად. დიდი მადლობა. აბა, გელოდებით საახალწლოდ აუცილებლად.

თვალზე ცრემლი ჰქონდათ, გულში — სიყვარულის დიდი ცეცხლი. ლოცავდნენ შვილს და შვილიშვილებს.

— ჩვენ კაი, მარა ლაშკოს რა ვუთხრათ, ჰა, გოგი? გეიხარა ბავშვმა. არა უშავს. სურათებს შეხედავს და გეიხარებს. გამოგიგზავნიოთ, კოტემ ხო თქვა? საბავშვო ბალი მაინც მუშაობდეს ამ ჩოჩხათში...

გასაუბრება მფარველ ანგელოზთან

— რსე გატყენს, არ გინდა, გოგონა... სიამოვნებასთან ერთად სარგებელიც უნდა მოგიტანოს.

— ო, აბა, რა ვუყოთ ოცნებებს?

— ოცნება გაქრება, გოგონა, შენ კი, ღმერთმა ნუ ქნას, რომ გაქრე. იმსხვერვა ყოველი ქიშკო, შენ კი თავთან ხარ, თავის უფალი ხარ... შენ ხარ, შენ ხარ თავად სიყვარული, სიცოცხლე, ამიტომ, ნურავის გადაყვები, რადგან არავინ ღირს შენს ცრემ-



ლად, ვინც ღირს, ის არ აგატირებს — აკი, ეს დაგვიბარა მარკესმაც და როგორი ბრძნულია. შენც ხომ გიყვარს ლიტერატურა, გოგონა? დავამატებდი: არ გინდა დიდი სიყვარული, გოგონა, რადგან მოგკლავს, გაგანადგურებს...

— ო, აბა, რა ვუყვით სურვილს, გვიყვარდეს და ვუყვარდეთ?

— ეს ბუნებრივია, მაგრამ ქალისთვის ხომ მთავარია, უყვარდეთ? ეს არ არის ეგოიზმი. ის შეიყვარე, ვისაც მთელი გულით შეუყვარდები, და არა მხოლოდ გარეგნულად მოეწონები. სიყვარული კი მან ქმედებით უნდა დაამტკიცოს, და დროით უნდა განმტკიცდეს ეს ყველაფერი, უნდა გაგრძობინოს, რომ არსად წავა, და სულ დაგელოდება...

— მეც ვეცდები... მაგას ვეძებ, და ვერა და ვერ ვპოვებ... აბა, ეძიებდე და ჰპოვებდეთ?

— კი, მაგრამ ეს გზა არც ისე იოლია, გოგონა. მოთმინება დაგჭირდება სამოსლად, თორემ გაიყინები, რადგან მოლიპულია ეს გზა და ხშირად თოვს... და თუ მაინც გეტკინება, ესე იგი ვერ გაუფრთხილდი თავს, და უნდა ისწავლო, რომ ნამოდგე, და ყურადღება გაამახვილო სხვა რამეზე, რადგან ზოგჯერ რასაც აიკვირებ, ის არ გამოგივა, პირიქით, განიზიდება შენგან. ჰამსუნის ნაგელს ნუ დაემსგავსები, ჩემო გოგონა, მე შენ მიყვარხარ, ეს გახსოვდეს, მიყვარხარ უსასრულოდ... უპირობოდ...

— აბა, დაველოდო, თუ არა?

— არ იფიქრო ამაზე... ლოდინი დამლელია, მაგისთვისაც არ მემეტები, ჩემო ფარფატი, სიფრიფანავ... შეიყვარე უფრო მეტად თავი შენი, შენ ხომ მშვენიერი ხარ, ნუ დასწავებ შენს სათუთ ფრთებს ამაოების კოცონზე... შეგახსენებ: შენ მუდამ მალაღობი სული გქონდა... ახლაც, მინდა, ასეთი იყო, არ დალოდნე... არ ჩამოყარო ფრთები... შენ პეპელა ხარ, იფრინე, დატკბი და დაატკბე ყველანი... ყველაზე დიდი შედეგური ხარ ღმერთის — ქალი ხარ — იდარდოს იმან, ვინც დაგაკრავს, ვერ დაგინახა. ბრძენი არიან, უბადრუკნი. მე კი, მალამოს გამოგიგზავნი, რომ შეგიხორცო ფრთები და სული.

— მაშ, არ გაფრინდეთ?

— ჯერ მინაზე უნდა იფრინო. ნუ გეშინია... გამოჩნდება ისევე ხალისი, და ისეთი ცისარტყელები, ჯერ არნახული, სულ სხვა ფერებით. ჩემო ფერიავ, გეფერები...

### ორი მტრედი და მათზე თეთრი სიყვარული

ერთმა პატარა მტრედმა მეორეს თეთრი ბარათი გადასცა და გაფრინდა. მერე მზე ჩავიდა და ყველაფერი სიჩუმეში მოიქცა. მტრედი დაჯდა, აწოილო ბარათი ფრთიდან და წაიკითხა. ის სულ მარტო იყო, მაგრამ მაინც არ გრძობდა მარტობას, რადგან მას ჰყავდა მეორე მტრედი, ჰქონდა მასზე თეთრი ბარათი და უფრო თეთრი სიყვარული.

### სიცოცხლის ფასი

ერთი ღამით ღრმა დეპრესიაში მყოფ ზაზას ეზმანა: გარდაცვლილების სულები პეპლებად დაფარვატებდნენ საფლავების თავზე... მოწყვნილი იყვნენ, მასზე ბევრად უფრო... ფიზიკურ და გულის მზეს მოკლებულნი, ჩრჩილებად ქცეულიყვნენ. თანაც, ის მცირედით აღარ შეეძლოთ, რაც ადამიანებს შეუძლიათ... სრულიად უძლურნი, შენდობას მხოლოდ თავიანთი ცოცხლებისგან მოელოდნენ, ზოგიერთის საფლავი და სული კი ყველას დაევიწყებინა.

გაოფლილმა გაიღვიძა. გაუხარდა, რომ ცოცხალი იყო... მიხვდა, სიცოცხლე ღირდა იმად, რომ მისთვის აზრი შეეცდინა, ფერი მიგეცა... გადანყვითა, ქალი შეეყვარებინა და გაეხედინებინა... გაზაფხული დამდგარიყო... რამდენი გოგონა ელოდა სიყვარულს... ერთის გახარება ხომ შეეძლო? ერთგული იქნებოდა... ასე იქცა ზაზა ჩრჩილიდან ქრელ პეპლად, რომელიც ერთ-ერთ უმშვენიერეს ყვავილზე მოკალათდა და დედა სამყაროს კიდევ ერთი თვალნარმტაცი ცხოვრებისეული კადრი აჩუქა...

### სამი მეგობრის სიყვარული

ნისტანი ბავშვობიდან ბევრს მოსწონდა, თუმცა ცოტას თუ გაეზედა მისთვის რამის თქმა. პატარაობისას გოგონას არ ჰქონდა ადამიანების ამოცნობის ნიჭი განვითარებული. როგორც მოსალოდნელია, ბევრი მოშურნე ჰყავდა. მათ შორის, ერთ-ერთი, ყველაზე მავნებელი, ყოველდღიურად აკომპლექსებდა — მე ამდენს და ამდენს მოვწონვარო. გამოდიოდა, რომ ის არ მოსწონდათ და ეს — კი. ან არადა, ცალი ფეხი ჰქონდა მისი სიგრძე, ნამდვილი მზე-თუნახავი იყო. უკვირდა ეს ამბავი. რომ გაიზარდა, მერე კი მიხვდა. პატარა ნესტანი ხომ იმდენად მშვენიერი და სუფთა იყო, რომ შურის არსებობის შესახებაც არაფერი იცოდა. რადგან თავად ყველა უყვარდა, სხვაც ასეთი კეთილი და სათნო ეგონა. თუმცა, შურიანსაც ხომ თავისებურად უყვარს შურის ობიექტი? სიყვარულის დამახინჯებული ფორმაა ოღონდ.

გავიდა წლები და ეს ნატიფი კოკორი თვალნარმტაც ვარდად იქცა. მიმზიდველობაც მოემატა და ქალურობაც, თუმცა, დახვეწილ ფიგურას ინარჩუნებდა. ერთ დღესაც, მასთან სიბრძნესთან ერთად, ერთი საოცარი უნარი მოვიდა: ხალხის ამოცნობის უნარი, ჰოდა, მართალია, პოსტ-ფაქტუმ, მაგრამ ყველა თავისი მეგობარი ამოიცნო და იმასაც მიხვდა, ვის უყვარდა და მოშურნეობის გამო, როგორ დაუმალეს ეს. აღიარა რა შურის არსებობა, გაფილტრა ისინი — მიხვდა, რომ რაოდენობა კი არა, ხარისხია უმთავრესი და ბევრად ღირებულად, და ამგვარად, მხოლოდ ნამდვილი მეგობრები დაიტოვა.

ნესტანი, ბავშვობისა და თინეიჯერობისას, ძმასთან ერთად, ხან მარტოც, მეზობელ ეზოს ეშურებოდა, რადგან იქ დიდი სივრცე იყო და უამრავი ბავშვი იყრიდა თავს. უზარმაზარ სტადიონზე მუდმივად მიმდინარეობდა ფეხბურთის მატჩები — ყველა ასაკობრივ კატეგორიაში. მათ შორის, იყო მასზე ოდნავ უფროსი სამი მეგობარი — იმდენად კარგი მონაცემის მქონე პატარა ვარსკვლავები, რომ ნათელი იყო, მომავალში ფეხბურთელები დადგებოდნენ.

ერთ მშვენიერ დღეს, ბიჭები, ვარჯიშის მერე, ერთ-ერთთან შეიკრიბნენ ტელევიზიით მატჩის სანახავად. ეს ამბავი ნესტანს გიორგის დამ, ეკამ უამბო, რომელიც დედამისთან კერძოდ ემზადებოდა. ეკამ ასეთ საუბრისთვის მოუკრავს ყური:

- აუ, ბიჭო, ვინმე არ მოგწონთ? — იკითხა ჯაბამ.
- აუ, მომწონს კი არა, მგონი, მიყვარს, — უპასუხა გიომ.
- აუ, ვინ, იტყვი? — იკითხა ეკამ.
- აი, ბიჭო, ზაზას და რომაა, მალალი, მხვართი, ლამაზი, საყვარელი, მაგ გოგოს შეყვარება ისეთი ადვილია.
- რაა? ხომ არ მეკაიფები, ბიჭო? — გაიოცა ჯაბამ.
- არა, მიყვარს და რა ექნა?
- იმ დღეს პაროლოზანა ვითამაშეთ და

ძლივს დავენიე, არ მინდოდა, თამაში დამთავრებულიყო და მთელი ძალით არ დავრბოდი, თვითონ კი უხაროდა, ვერ მიჭერო, იცინოდა. აუ, ეგ არ გეთქვა და...

— რა იყო, შენც? — გაკვირვებით გაეპასუხა გიო.

ჯაბამ თავი ჩაქინდრა და განითლდა. იკას ხმა არ ამოუღია, მაგრამ გადაფითრდა... ეს მეგობრული გულის გადაშლა სამივესთვის მტკივნეული აღმოჩნდა.

„კიდევ კარგი, იმ დღეს, რომ დავდევი, არ ავუსხენი სიყვარული“, — გაიფიქრა ჯაბამ.

ასეთი მეგობრობა იცოდნენ. ერთმანეთის ერთგულების გამო, სამივემ გულში ჩაიკლა ეს სპეტაკი, ყმანვილური, მაგრამ ნამდვილი და ნრფელი გრძობა. მერედა, როგორი ძლიერია პირველი სიყვარული ბიჭებისთვის, სრულიად დაუფიქრარი. ნესტანსაც მოსწონდა იკა ცოტათი, მაგრამ ვერც გიოს დას გამოუტყდა ამაში, რადგან იფიქრა: ეს სამი გულთადაი მეგობარი ერთმანეთს დაკარგავსო. რომც არ დაეკარგათ, უხერხული არ იქნებოდა, შეყვარებულის და იქნებ, მომავალი ქმრის ორ საუკეთესო მეგობარს რომ უყვარხარ? ასეა — ზოგჯერ არც ისე კარგი და იოლია, ლამაზი რომ ხარ — ყველას უყვარხარ და თანაც, არავის! ტვირთია! ჰოი, საოცრებავ, რა ტყუილად იტანჯავდა თავს ნესტანი, იმ მოშურნე მეგობრის გადამკიდე, არავის მოვწონვარ და ვუყვარვარო, თურმე, სულ პირიქით, მაგრამ რად გინდა?

მას შემდეგ ორმა ათეულმა წელმა კვლავ მარტობაში გაიღვია. ვინ იცის, კიდევ რამდენს უყვარდა, რამდენ საიდუმლო თავყვანისმცემლის მალულ გრძობას არ ახდია ფარდა.

ერთ დღესაც, ბედმა გაუღიმა და თავის ადამიანს შეხვდა — ესპანელ მეცენატს გაჰყვა ცოლად, პიკასოს სამშობლოში.

### უადრესათმ ნერილი

მიყვარხარ მთელი სულით და ხორცით... ჰო, ძალიან, ძალიან! ისე, როგორც არასდროს არავის არავინ... არ გჯერა განა? არა, ეჭვი არ გინდა, ის ყველაფერს აფუჭებს, ეჭვი არ გვეკადრება. გთხოვ, ნუ მთხოვ, დაგიმტკიცო, რადგან უძლური ვარ, რაიმე გმირობა ჩავიდინო. მე რომ რაინდი ვიყო, ალბათ, შენი სიყვარულისთვის ვინმეს დუელში გამოვიწვევდი და ვნების ცეცხლით ანთებულნი, სისხლსაც დავეღვრიდი. არა, არ მინდა ეს ფუჭი საუბარი. ხომ გესმის, მე თავგანწირვისთვის მზად რომ ვარ? რა საჭიროა დუელი, მე ისე გავწირავ თავს შენთვის. მაგრამ განა შენც იმავს იზამ ჩემთვის, განა შენი გულიც ასეა გამთბარი? არა, არ მინდა შენი სიცივე, მითხარი, რომ შენ მთელი ცხოვრება ჩემთვის აგროვებდი სიტბოს, რომ მერე მზის სხივებად დაგელვარა ჩემს სხეულზე... მოდი, მომხვიე ხელი, ნუ გეშინია, არ დაგწავ, არც დაგსუსხავ, მოდი, გადმოდგი პირველი ნაბიჯი, ჩამჭიდე ხელი და მითხარი, რომ არასდროს გამიმშ

ვებ და ასე დაუსრულებლად ვივლით სიციხეშიც და სიცივეშიც. მითხარი, რომ მხოლოდ ჩემზე ოცნებობდი, ჩემით სუნთქავდი, ჩემი ცქერით ხარობდი და ვერ ძღებოდი და მხოლოდ შემხვედრ იმპულსს ელოდი ჩემს თვალბში, რომ ჩემამდე მოეყვანე. მე ახლა გავჩუმდები და ნაზად ჩავლუნავ თავს, ნუკრივით დავხრი თვალბს. შენი მორჩილი, უწყინარი ბავშვი ვარ, გოგონა, რომელიც თვალდახუჭული მოგყვება სადღაც შორს, ჯერ კიდევ გაუთელავი ყაყაჩოებით გადაწითლებულ ბილიკებზე...

ზემოდან მზე გველიცლიცება, თვალს გვიკრავს და უხვად გვჩუქნის ოქროსფერ სხივებს. ამ პაპანაქებში მხოლოდ ჩვენ ორს არ გეცხება, რადგან ციდან ჩვენთვის სიყვარულის თბილი თოვლი მოდის...

### უსტუმრო სახლი

მართლაც ჯვარი აქაურობას და კუბოს ემსგავსება სახლი, თუ მას არავინ შემოაღებს, არ იტყვის: „კეთილი იყოს ჩემი ფენი, არ იტყვის“, არ გაგიღიძებს, არ ჩაგინუტებს, არ გეტყვის, რომ მოენატრე, არ გაგათბობს მითუმეტეს, ზამთრის სიცივეში. გამოკეტილი ზისხარ და გგონია, რომ ისე გაცივდა ყველაფერი ამ ამინდისგან, მალე ლოლუები დაეკიდება ირგვლივ. მაგრამ, რა ვუყვით შინაგან, ადამიანურ ზამთარს?

ეს არავისი ბრალია... — ურთიერთობების გაცივება, ქრონიკული დაკავებულობა, აჩქარებული ტემპი... ნარმატებისკენ უსასრულო სწრაფვა, როცა ყველაზე ძვირფასი — სიტბო და სიყვარული, თბილისის თოვლივით დნება... სადღაა თბილისური ურთიერთობები, რომლებიც მართლად ლოლუებად დაეკიდა ქალაქს? „ზამთარს ყველაზე მეტად სცივა და ჩვენ უნდა გავაბობოთ“, — ფიქრობდა ლალი, მაგრამ არ იყო დარწმუნებული, რომ გიჟად არ ჩათვლიდნენ და საკუთარ თავთან მიწოდებით იფარგლებოდა... „ან ეს ფენისუქი რაა? აზარმაცებს ადამიანებს“... იმ დღეს დაებლოკა ორი კვირი და განსაკუთრებული მონატრება სწორედ მაშინ შემოანვა... აი, რატომ აღარ დადის ხალხი ერთმანეთთან და მეგობრებს შორისაც კი, შეხვედრები საქმიან ხასიათს ატარებს მხოლოდ... ეს გადაგვარება...

თანაც, ეს სიმორე... ახლა, ზამთრის ქარებს აღარ იკითხავთ, ასე რომ ეხმანება განწყობას? ლალი კი ადრე ქალაქის მთლად გულში — დიდუბეში ცხოვრობდა, ისეთ ადგილას, სადაც უნდა ნახვიდე, ყველა უზნისთვის შუაგული რომ არის... ახლა კი, იცოცხლე, ჰაერი და ისიფთავებ ბევრად უკეთესია, მაგრამ გამოსულედე უარ ხარ და არც აღარავინ მოდის — შორიაო...

ლალიც მუშაობდა, მაგრამ დისტანციურად — სახლიდან... აღარც კოლექტივი ჰყავდა, აღარც მეგობრები. ამ უკანასკნელთა უმეტესობას შვილების გამო სულ სხვა სამყარო ჰქონდა, ზოგი კი თავის ახალ თანამშრომლებთან მუშაობდა და ერთობოდა კიდევ... სულ მარტო დარჩა... სტუმარი კი არსად ჩანდა...

მაგრამ ყოველ მედალს მეორე მხარე აქვს... ლალის კარგი ანაზღაურება ჰქონდა, ფულიც ეზოგებოდა, აბა, სხვა სარჩენი არავინ ჰყავდა... ვერც ვერსად ხარჯავდა მანცდამანც ამფსონების სიმცირის გამო... მოიხმარა ძმის სტატისტიკურ-ანალიტიკური უნარები, ერთად შეადგინეს ბიზნეს-გეგმა და ერთ დღესაც, ყოჩაღმა გოგონამ, საკუთარი მცირე საოჯახო ტიპის სასტუმრო გახსნა... აი, მას მერე კი სტუმრები არ მოჰკლებია... მერე, იცოცხლე, გამომჩნდნენ მეგობრები... ყველას გაუკვირდა, როგორ მოახერხა ამ წყნარმა გოგომ ამდენი, მაგრამ პროფესიიდან გამომდინარე, კონტაქტები ჰქონდა ბევრი და ამან დადებითად იმუშავა საქმის წარმოებაზე. ცოტა ხანში, მთარგმნელი და ჟურნალისტი ლალიკო რესპექტაბელურ ბიზნეს-ლედად იქცა...

ერთ დღეს, იმავე წრიდან, ბიზნესმენ ლადო ნაკაშიძეს მოუვიდა თვალში — მომხიბლავი ახალგაზრდა ქალი იყო, აფეთქებულ ალუბალს ჰგავდა... რესტორნებში რამდენიმე შეხვედრისა და თაიგულების მიერთების მერე, ხელიც სთხოვა...

ახლა უკვე დამხმარე ქალიც ჰყავს ლალის შინ, სტუმრებიც არ აკლია, და ცხოვრება მართლაც მშვენიერი, თბილი და სიყვარულით სავსეა...







თამარ ბარბაქაძე

# ლექსის უნიკალური ნყოზის ოსტატი

სონეტის თავგადასავალი საქართველოში თავისუფლებისათვის ბრძოლის ისტორიის ახალ ეტაპს უკავშირდება: 1832 წლის შეთქმულებაში მონაწილეობისათვის ვილნოში გადასახლებული გიორგი ერისთავის მიერ თარგმნილი სონეტებით (პეტრარკას, ადამ მიცკევიჩის) იწყება ამ უაღრესად პოპულარული ევროპული მყარი სალექსო ფორმის საქართველოში შემოსვლის ამბავი, მერე კი, XX საუკუნის 10-იან წლებში, კვლავ აღორძინდა იგი. 30-იანი წლებიდან სონეტი, სოციალისტური რეალიზმის რისხვას განრიდებული, ჩრდილში მოექცა და მხოლოდ რეზო თაბუკაშვილის მიერ თარგმნილი შექსპირის სონეტების კრებულმა გაუხსნა გზა კვლავ ფენიქსისებური გაცოცხლებისაკენ.

სონეტების კრებულების გამოსვლა კი ნამდვილად XX საუკუნის 80-90-იანი წლების საქართველოს მონაპოვარია, როდესაც ერთმანეთის მიყოლებით გამოიცემა: ლია სტურუას (1987), გენო კალანდიას (1993), ლადო სეიდიშვილის (1995), ნოდარ ხუნდაძის, შოთა ზოიძის (1996), ჯემალ ინჯიასა და სხვათა სონეტების კრებულები. განსაკუთრებით უნდა აღვნიშნოთ ვახუშტი კოტეტიშვილის „სონეტები“ (2015). 2022 წელს გამოცემულმა „მერიდიანმა“ დასტამბა მანანა ტონიას 500-გვერდიანი სონეტების წიგნი: „ათას ერთი სონეტი“. საგანგებოდ უნდა ითქვას ჯემალ ინჯიას „სონეტთა გვირგვინზე“, რომლებიც ერთ წიგნად აიკრიბა და „სონეტის ნახტომი“ (2021) უწოდა ავტორმა.

სონეტი, როგორც პოეტის მიერ შერჩეული ევროპული მყარი სალექსო ფორმა, ასეთ კრებულებში განსაკუთრებული ფუნქციით არის აღჭურვილი: ავტორის პოზიციას გვიდასტურებს, ზოგადად, სიტყვისა და მელოდიის, აზრისა და ხმის შეთანხმების შესაძლებლობის თაობაზე და, კერძოდ, ემპირიული რეალობის მიმართებას ტრანსცენდენტურ, მეტაფიზიკურ სამყაროსთან კანონიზებული, კლასიკური ფორმით წარმოგვიდგენს. ამგვარი წიგნები სონეტებისა ევროპული სინამდვილიდან ქართული პოეზიის ორგანულ ნაწილად იქცა XX საუკუნეში: მიქელ პატარაიძის მიერ თარგმნილი ხოზე მარია დე ჰერედის „სონეტები“, შექსპირის სონეტების კრებულები — გივი გაჩეჩილაძის თუ რეზო თაბუკაშვილის მიერ თარგმნილი; ჯემალ აჯიაშვილის მიერ თარგმნილი მიქელანჯელოს, პეტრარკას სონეტები, მორის ფოცხიშვილის მიერ თარგმნილი პაველ-ორსაგ პეიეზდოსლავის „სისხლიანი სონეტები“, ჯემალ ინჯიას მიერ ქართულად ამეტყველებული ლუის დე კამონენის სონეტები და სხვა. საგანგებოდ კვლევას იმსახურებს ბათუ დანელიას „თავისუფალი სონეტები“ 90-იან წლებში (მაგალითად, სონეტი „მიდიან“ 19-მარცვლიანია: 5/2//5/2//5). ქართველი პოეტებისათვის, XXI საუკუნეში, კვლავ გამორჩეულია სონეტის ფორმა. თამაზ ხარაიშვილის, ერეკლე საღლიანის, ბექა ახალაიას არაკანონიკური „სონეტებ-

ის გვირგვინი“, რატი ამაღლობელის, ლეკო სამნიანაშვილის, გიო საჯაიას, ზვიად რატიანის, ედუარდ უგულავას და სხვათა სონეტები გვიდასტურებს, რომ ეს ევროპული ფორმა კვლავ ძვირფასია ჩვენთვის. რაულ ჩილაჩავას სონეტები, პოეტის სხვა ევროპული თუ აღმოსავლური მყარი სალექსო ფორმები — ტერცინა და რობაი — ქართულ პოეტურ სივრცეში კარგა ხანია, იქცა სიყვარულისა და განსჯის საგნად; თუმცა რაულ ჩილაჩავას ოთხნიგნული: „სონეტები“, „ტერცინები“, „რობაიები“, „ელეგები“ ნამდვილად განსაკუთრებული მოვლენაა ჩვენი ლიტერატურისათვის. შეუძლებელია, განხილვის საგნად არ იქცეს ქართული ლექსის ისტორიისა და თეორიის მკვლევრისათვის რაულ ჩილაჩავას სონეტების კრებული (2020, გამომცემლობა „კალმოსანი“).

ეს წიგნი პოსტმოდერნისტული, ციფრული ეპოქის კვლავდაკვალ, 199 სონეტს აერთიანებს; აქედან ერთი: „ფოთოლცენა“, „სონეტების გვირგვინია“, ანუ 14 სონეტი და XV — სონეტი — მაგისტრალი; ხოლო ერთი — სონეტების ციკლია: „21 სონეტი XXI საუკუნის საქართველოს“; არის სონეტების დიპტიქი: 1. ავტოსონეტი; 2. ავიასონეტი.

რაულ ჩილაჩავას წიგნები: „შნო“ და „ბედის ფორმულა“ არის წყარო ჩვენი განსახილველი სონეტებისა. ეს წიგნი უანრული, მყარი სალექსო ფორმის მიხედვით შედგენილი კრებულების ნიმუშად შეიძლება მივიჩნიოთ, რადგან პოეტის სონეტების პროლოგად „ფოთოლცენა (სონეტების გვირგვინი)“ ნაუძღვრებია, ხოლო ფინალური „შემოდგომის სონეტი“, მართლაც, ავგვირგვინებს სონეტისტის ჩანაფიქრს: ეს წიგნი მისი შემოდგომის წიგნია, „სამომოდგომო მართონად“ ნაგულისხმევი.

რაულ ჩილაჩავას სონეტების უმრავლესობა ამ ევროპული მყარი სალექსო ფორმის კანონიკური, კლასიკური სქემის მიხედვით არის დანერგილი, რაც ქართულმა პოეზიამ XX საუკუნის 10-20-იან წლებში აღიარა; ქართული ლექსის რეფორმაციის რთულ გზაზე საკუთარი გეზის მისაგნებლად გამართულ მწვავე დისკუსიებში სონეტის მეტრისა და რითმის, მისი შინაარსისა და ფორმის, ურთიერთმიმართების თაობაზე განსაკუთრებით ბევრს კამათობდნენ. ბოლოს კი გრიგოლ რობაქიძის მიერ დანერგული მყარი სალექსო ფორმა სონეტისა ასე გაბატონდა ჩვენში: 14 ტაქტი 14-მარცვლიანი ბესიკური მეტრით (5/4/5), კატრენებისა და ტერცეტების გარითმვის სავალდებულო სქემებით: კატრენებში ორჯერადი რკალური, ან ჯვარედინი რითმა და ტერცეტების სამჯერადი რითმა სათანადო ვარიაციებით.

რაულ ჩილაჩავა, ძირითადად, მიჰყვება სქემას, სადაც კატრენებს რკალური რითმა აქვს (abba), ხოლო ტერცეტები გარითმულია ამგვარად: cde cde („მოვდივარ, ძროხე!“); ან: abba abba cdd cee („ჰაილი — სიმფონია“ 45. ფადიეზ მინორის სანთლებ-

ის შუქზე“ — „გამოთხოვება“), არის ასეთი უჩვეულო რითმა ტერცეტებისა: არა სამჯერადი, არამედ ორ რითმაზე გამართული ტერცეტები: cdd ccd („პაპანწყვირე (მეგრული ლეგენდა)“).

სონეტი არაკანონიკურია: არ იცავს სავალდებულო სამჯერად რითმებს ტერცეტებში და ამ მყარი სალექსო ფორმის ტრადიციულ აკრძალვას არ ითვალისწინებს: არ შეიძლება სონეტმა ამბავი, ნარატივი, სიუჟეტურად დამუშავებული თავგადასავალი გადმოსცეს. ამ, ფილოსოფიური ლირიკის მკაცრი წესებით შეზღუდულ, ფორმალ მხოლოდ სულის თავგადასავლის თხრობა, ემოციური მდგომარეობის ასახვა ევალება და არა, თუნდაც ლეგენდებით, უჩვეულო ამბით მკითხველის გაოცება: „პაპანწყვირე“ კი, რომელიც მეგრული ლეგენდის შინაარსის გადმოცემას ისახავს მიზნად, მსმენელს შეაძრწუნებს ხუცის უწმინდურებით (ძაღლის ხორცს აჭმევს ნაღს!). რაულ ჩილაჩავამ სცადა, თავისებური ექსპერიმენტი შეეთავაზებინა თანამედროვე მკითხველისათვის, რომელიც კარგა ხანია, მიეჩნია ნეგატიური ინფორმაციის მოსმენა-მონელებას: შეიგუებს თუ არა ამგვარ ამორალიზმს ეს ღვთაებრივი წესრიგით, ჰარმონიით შერეული ფორმა? სონეტისტი გვიმტკიცებს, რომ — არა! შეუძლებელია, ამგვარი დანაშაული, დარღვევა კანონად იქცეს: ტერცეტების სამჯერადი რითმის ნაცვლად ორი რითმის გამოყენება სემანტიკურადაც გაუმართლებელია, ლექსიკური ერთეულების შინაარსობრივი დატვირთვა: მეტის ატანა — სატანას — გაატანა, ერთი მხრივ და, მეორე მხრივ: ეზო წყეული — გადარწეული — ბილი სხეული. მხოლოდ სარიტომო ერთეულები რომ ამოიკითხო, ისედაც იგრძნობ სონეტისტის მიერ ლეგენდის ინტერპრეტაციის მიზანდასახულებას და სტრუქტურულ ძიებას: სონეტისათვის კანონიკური შინაარსის, თემატიკის რღვევა იწვევს მის სტრუქტურულ, ფორმისეულ ცვლილებას. ნეგატიური, კრიტიკული პათოსით გამორჩეულ სონეტებში ტერცეტების რითმის დეკანონიზაცია რაულ ჩილაჩავას საყვარელი პოეტური ხერხია. სანიმუშოდ შეიძლება მოვიხმოთ სონეტი „მოსაპარეზე“. რკალური რითმით (abba) გარითმული კატრენებით სონეტისტი ამხელს პლაგიატორებს, იმ პოეტებს, სხვისი ნიჭის გაქურდვა რომ ხელობად უქცევიათ:

რას ნიშნავს, ნეტავ, ეს გამოთქმა:  
„შემოდგა ფეხი  
პოეზიაში...“ —  
ან რას ნიშნავს ეს — „ასპარეზი“?  
მავანი ლექსს წერს, დეჭავს სიტყვას,  
ვით ასფა რეზინს,  
მერანს კი არა,  
ვერ შეადგა სახედარს კეხი.  
(„მოსაპარეზე“).

სონეტის სათაურს კარგად ხსნის პირველი კატრენის რითმა: „ეს ასპარეზი — ვით ასფა რეზინს“: ცრუ პოეტი, უპირველესად, სიტყვის გაუფასურებით, გარეზინებით,

განივებით, გაუგებმურებით ამოიცნობა. ნიგნიდან „ბედის ფორმულა“ ამოღებულა სონეტი: „ვინ — ვის?“ იგი ექვსმარცვლიანია 4/2; 2/4, 1/5, 2/2/2 და, განსხვავებით, პოეტის კანონიკური სონეტების კატრენების გარითმვის წესისაგან (abba), კატრენებიც და ტერცეტებიც გარითმულია ჯვარედინი რითმით. სონეტი 2017 წლის 19 მაისს არის დანერგილი. ჩანს, ქართველი სონეტისტი ეროვნული მეტრიკის ნიაღში დაულაღვად ეძებს სონეტის ახალ რიტმს:  
ნომარი ველი 4/2  
კვამლით იფარება. 2/4  
მისრიალებს გველი — 4/2  
სადღაც იპარება. 2/4

ქვემეხს, სროლით დაღლილს, 4/2  
მოჰგრეხია ლულა. 4/2  
მთავარსარდლის ძაღლი 4/2  
ტყეში მიმაღულა. 2/4

მიიმედ სუნთქავს ხევი 4/2  
მოკლულებით საგვ 4/2  
და სისხლდანათხევი 1/5

ჯარი ფიქრობს ზავზე 4/2  
ისმის ექო გრგვინვის: 4/2  
ვინ — ვის? ვინ — ვის?  
ვინ — ვის? 2/2/2  
(„ვინ — ვის?“).

ექვსმარცვლიანი ტაქტის თითქმის ყველა, ასიმეტრიულ, რიტმულ ვარიაციას (4/2; 2/4; 1/5) მიმართა პოეტმა, მხოლოდ ბოლო ტაქტში გამოიყენა სიმეტრიული 2/2/2 და არც ერთხელ არ მიმართა დაყოფას: 3/3 სონეტის სტრუქტურამ აირეკლა ომის არათანაბარი პოზიცია: ძლევა და მარცხი. ჰარმონიას კი ამ დაპირისპირებაში ვერავინ იპოვის. რაულ ჩილაჩავამ მეტრისა და რიტმის მეშვეობით სცადა ომის მგრგვინავი ექო, ხანმოკლე ხმაური მოისმინოს და დაინახოს მკითხველმა. უაღრესად შთამბეჭდავია ნომარ ველზე ერთადერთი მოძრავი არსების — მოსრიალე გველისა და უძრავი, ლულამორეხილი ქვემეხის — დანყვილება. I-II კატრენებში მთავარსარდლის ძაღლის ტყეში გაუჩინარება, ალეგორიულად ერთგულების დეფიციტსა და გველგესლას ზეიმზე მეტყველებს. სიცოცხლის ნიშანწყალი ეტყობა მიიმედ მსუნთქავ ხევს და ანუამბემანით ერთმანეთზე გადაბმულ ტერცეტებში ზავზე მოფიქრალ ჯარს: ყველაფერი დამინებულა, შემინებულა, ცა აღარ ჩანს, რადგან მარადიული გვირგვინვით ავსებულია ექო: ვინ — ვის? რაულ ჩილაჩავამ ამ სონეტით სრულიად ახალი შესაძლებლობა აღმოაჩინა ამ კლასიკური, მრავალსაუკუნოვანი მყარი სალექსო ფორმისა: თანამედროვე, ომში გახვეული, გლობალური მსოფლიოსთვის მთავარი შეკითხვა: ვინ — ვის? გველის, ძაღლის, ჯარის, ანუ ცბიერის, ერთგულებისა და ბრძოლის სამკუთხედში ჩაკეტილა. თეოდორ ფონტანეს ცნობილი შეგონება სონეტის მთხვევლისათვის: „ისწავლე: ფიქრი გულით და გრძნობა — გონებით!“ — რაულ ჩილაჩავამ გაითავისა ამ სონეტში. ომის მარადიული, ემოციური და განსჯითი, სურათის უკეთ წარმოდგენა, ალბათ, XXI საუკუნეში პოეზიაში ძნელი მოსაძებნია...

სონეტი, როგორც „პოეტური სიბრძნის განსახიერება“, განსაკუთრებულ დაოსტატებას სთხოვს მის ავტორებს რითმის დამორჩილებისას: კატრენების ორი რითმა ტერცეტებში სამაგდება, თანაც, რითმათა განლაგების ადგილს, პოზიციას აუცილებელ წესს უკანონობებს: კატრენების რკალური რითმა (abba) ტერცეტებში ჯვარედინი უნდა იყოს (cdc dee) (ფრანგული და იტალიური სონეტის მიხედვით), ზოგჯერ კი, ინგლისური სონეტის მსგავსად, ფინალური ორი ტაქტი „სონეტის გასაღებად“ მოგვევლინოს. რაულ ჩილაჩავა რამდენიმე სონეტში მიმართავს ტერცეტების გარითმვის იშვიათ სქემას: cde — cde; თანაც, ცდილობს, ზმნური რითმის ლექსიკური ერთეული ორიგინალური, იშვიათი ფორმით წარმოადგინოს: ვფიქრობ, რაულ ჩილაჩავას სონეტ „უკვდავების“ ტერცეტების ერთი სარიტომო წყვილის — იტყვიან — იტყვიან — გამორჩევა აუცილებელია: I ტერცეტის II ტაქტი: „ვაიმე ყურებს ზამბისასა!“ — როგორც იტყვიან ერთმება II ტერცეტის შუა სტრიქონს: „... სიტყვამ იშვილდა, ისარა, მეტიც: იტყვიან.“ ქართული სონეტების სახესხვაობათა რიცხვს, შეიძლება, შეემატოს რაულ ჩილაჩავას მოკლესაზომიანი, ჰეტეროსილაბუ-







დასასრული

ამირან ბასილაშვილი

# ორი ნიგნი ორ სიყვარულზე

ლვინო გვიყვარდა და გვიყვარს, ვუვლიდით და ვუფრთხილდებოდით, „ჩვენ შევექმენით ლვინო და ლვინომ შექმნა საქართველო“, მაგრამ მეოცე საუკუნეში ქართველ კაცსა და ლვინოს შორის შავმა კატამ გაიბინა, უფრო სწორად, ნითელმა გველემპა-მა. ცხადია, ამ საუკუნეში კავშირის მოსპობას თუ მოსპობის მცდელობას საბჭოთა კავშირის უნდა „ვუმადლოდეთ“. „რვა ათასი წლის განმავლობაში იმდენად არ დაზარალებულა ქართული ლვინო და ვაზი, როგორც საბჭოთა რუსეთის მმართველობის დროს“, — წერს მწერალი. მეფის რუსეთის დროინდელი რუსი ავტორების მცდელობას, დაეკინებინათ საქართველოს როლი და მნიშვნელობა მევენახეობა-მელვინეობის განვითარების საქმეში, შედეგი არ მოჰყოლია. მხოლოდ მოგვიანებით, რუსეთის იმპერიის შემკვიდრის საბჭოთა კავშირმა მოახერხა ქართული ლვინის გარყვნა და ამით ჩვენი ქვეყნისთვის ჩრდილის მიყენება. იმ ძველსა და კარგ ლვინოს კომუნისტების დროს საფრთხე დაემუქრა, თითქმის გაქრა გვემის შესრულების, შეუსრულებლობის თუ სხვა მიზეზების გამო. ქართული ლვინის ფალსიფიკირებამ „ქართველი კაცის ცნობიერებაზეც დამანგრეველად იმოქმედა“ და ეს მოულოდნელი სულაც არ არის, რადგან „შვილივით ნაზარდი ვაზის“ (რაფიელ ერისთავი) ნაყოფის წვენიდან დაყენებული ღვთაებრივი სიტხის გაყვანა სწორედაც რომ ცნობიერების დანგრევა მოჰყვებოდა. „საბჭოთა საქართველოში იყო დრო, როცა მაღაზიებში ნაყიდ ლვინით სტუმრის გამასპინძლებსა სირცხვილად ითვლებოდა“, — მწერლის ამ სიტყვებზე გაგვახსენდება და გონებაში გაიღვლებს ოთარ იოსელიანის ფილმის „გიორგობისთვის“ კადრები — რესტორანში საქეიფოდ შესული ლვინის ქარხნის თანამშრომლები უკან თავქუდმოგლეჯილები გამოვლიან, როცა გაიგებენ, რომ რესტორანს მათი ქარხნის წარმოებული ლვინო აქვს. საერთოდ, ეს ფილმი ამავსებია — ლვინის კულტურადაკარგულ ქართველებზე, რომლებმაც ღირსება და პატიოსნებაც დაკარგულ ლვინოს გააყოლეს. ამ ამბავში გასაოცარი ისაა, გლუხობამაც (როგორც თავის თავს სოფლის მოსახლეობა უწოდებს) რომ ხელი აიღო ლვინის დაყენებაზე და „ლვინის კეთება“ დაიწყო იმ კუთხეებში კი არა, სადაც ვაზის მოსავალი ცოტაა, იქაც, სადაც მოსავალს არ უჩივიან და ქვეყანაზეც უპირველესად ლვინის მხარედ აქვს სახელი გაგარდნილი. რა თქმა უნდა, კახეთზეა საუბარი. იმ ცუდი დროის გამოძახილი, ინერციით გადმოყოლილი ჩვენი თანამედროვეობაა, რაც ერთ კაცზე გამიგია. თურმე ორნაირ ლვინოს აყენებდა, უფრო სწორად, ერთს აყენებდა, კარგს, საპატიო სტუმრისთვის, განსაკუთრებული შემთხვევებისთვის და მეორეს „აკეთებდა“, საყოველღეოს, ისე რა სტუმრისთვის განკუთვნილს. მაგრამ ეს ერთი კაცი სინამდვილეში ბევრი იყო, ლამის წესად იყო გავრცელებული ასეთი გაუგებარი საქციელი (იქნებ ახლაც არის?). იმერეთისაც მოუყოლიათ ჩემთვის: „ბავშვობაში ბაბუაჩემის ქელეხში კაცი მოვიდა. მელვინე, მელვინეო, — გაიძახოდნენ. ჩემოდანი ჰქონდა იმ კაცს, გახსნა და იქიდან პაკეტები ამოიღო. მერე უკვე გამზადებულ, წყლით გავსებულ ჭურჭელთან მივიდა და იქ ჩაყარა რაღაცა ფხვნილები და ლვინოც გამოვიდა“. იმ უღმერთო ეპოქიდან უღვინოდ გამოვიდით, მაგრამ ამ პრობლემას ბოლო წლებია, უფრო ზუსტად კი 2006 წლის 27 მარტიდან, რუსეთში ქართული ლვინის იმპორტის აკრძალვის დღიდან, ნელ-ნელა ევლება ლვინის მწარმოებელი კომპანიებისა და ენთუზიასტების ხარჯზე და მიუხედავად იმისა, რომ დათო ტურაშვილის ოპტიმიზმს სამომავლოდ ქართული ლვინის ხარისხის კიდევ უფრო გაზრდის შესახებ მეც ვიზიარებ, ისიც უნდა ითქვას, რომ გარკვეულწილად ოჯახებში ლვინო კიდევ „კეთდება“ შაქრისა და წყლის თანამონაწილეობით. ესეც, ალბათ, დროის ამბავია, საბჭოთა წარსულის მემკვიდრეობა კუდს იქნევს და დიდხანს აღარ გაუგრძელდება.


უძველესი და უწყვეტი ტრადიცია, გლეხმა კი ქვევრი კასრზე გაცვალა. კასრში იოლია ჩანურვა. ქვევრში ლვინოს რატომ აღარ აყენებენ-მეთქი — ერთხელ ვიკითხე და, გასუქდნენ, ველარ ეტევიან, აბა, ჩაძვერი და ამოძვერი, თუ ადვილიაო — მიპასუხეს. ნიგნი უხვად შევხვდებით უცხოელ ისტორიკოსთა თუ მოგზაურთა (დანყებულნი ასურული ლურსმული წარწერებიდან და მთავრებული თანამედროვე ავტორებით) ცნობებს ქართული ლვინის შესახებ. ამ ცნობებიდან ჩანს, რომ საქართველო ოდითგანვე ლვინის ქვეყნად მიიჩნეოდა, ოლივერ უორდროპმა კი პირდაპირ ასე დაარქვა თავის ნიგნს „საქართველოს სამეფო. მოგზაურობა ქალების, ლვინისა და სიმღერის ქვეყანაში“.

„ლვინო ათასწლეულების განმავლობაში ქართველებისთვის არამხოლოდ სოფლის მეურნეობის კულტურა იყო, არამედ იყო მთავარი ტრადიცია და ისტორია, სულიერი საზრდო, შრომის სიყვარულიცა და თავისუფლებაც, სასიცოცხლო ენერჯია და თავად სიცოცხლეც... ჩვენი სიცოცხლე იწყება ლვინით და ჩვენი დაბადება ჩვენი პირველი სადღეგრძელოა, ჩვენი სიცოცხლე სავსეა ლვინით და ადამიანის სიცოცხლე საქართველოში სულაც არ მთავრდება სიკვდილით, რადგან ნებისმიერი ადამიანის გარდაცვალების შემდეგ ამ ქვეყანაში მისი სადღეგრძელო მაინც რჩება და მისი სახელიც სადღეგრძელოში აგრძელებს მარადიულ სიცოცხლეს“, — დათო ტურაშვილის ეს ნიგნი ქართული ლვინის კიდევ ერთი სადიდებელია, ნიგნით ნათქვამი ლვინის სადღეგრძელო.

**„როგორც 30 წლის წინ“ ...**

„ფეხბურთი პოპულარულია, რადგან სისულელე პოპულარულია“, — უთქვამს ფეხბურთის საყოველთაოობით გულმოსულ ბორხესს.

კაცია და გუნება!  
თან, ან კაცი!  
მაგრამ თუ ბავშვობასა და ყმანვილკაცობაში გიბურთავია, ბურთის გორაობისას ოფლით გაჟღენთილხარ, გოლის გატანის მოლოდინში მკედარებით გაშეშებულხარ და გოლს კი სიხარულით მეცხერე ცაზე აუტაცხარ, თუ დამარცხების სიმწარეს დაუხრჩვინარ და გამარჯვების ბედნიერებას თვალელებიდან შენთვის ცრემლი წამოუდენია, თუ ფეხბურთით გისუნთქია და თავი თავისუფლად მხოლოდ სტადიონზე გიგრძენია, დიდი მწერლის სიტყვებს მკრეხელობად მიიჩნევ და მასთან დასაპირი-



სპირებლად მეორე დიდ მწერალს, ალბერ კამიუს გაიხსენებ, ახალგაზრდობაში ფეხბურთს რომ თამაშობდა და რომ არა ტუბერკულოზი, ფეხბურთი იქნებ პროფესიადაც კი ექცია.

ალბერ კამიუ ბევრის მნახველი და გადამტანი კაცი იყო, ფეხბურთს კი თავისი მორალური მრწამსის მთავარ ჩამომყალიბებლად მიიჩნევდა: „ყველაფერს, რაც ადამიანის მორალისა და ღირსების შესახებ ვიცი, ფეხბურთს უნდა ვუმადლოდე“. „შავი ჭირიდან“ პერსონაჟთა საუბარზეც საფეხბურთო ტაქტიკის შესახებ კარგად გვახსოვს. სხვათა შორის, არსებობს ნანა ლალიაშვილის მშვენიერი ესეე „მარტოსული მეკარე“, რომელიც დიდი მწერლისა და მოაზროვნის ფეხბურთელობის ამბავს და მისი ფეხბურთისადმი დამოკიდებულების შესახებ მოგვითხრობს.

კამიუს ზემოთმოყვანილი სიტყვები ეპიგრაფად უძღვის დათო ტურაშვილის ნიგნს „მე რომ ფეხბურთელი ვიყო“ („არტანუჯი“, 2015). ნიგნი ფეხბურთზეა, ფეხბურთზე, როგორც ჩვენითვის, ფეხბურთის მოყვარულთათვის, არსებობის თითქმის აუცილებელ ფაქტორზე, ანუ „ნამდვილ სიყვარულზე“, როგორც მწერალი ამბობს. უსიყვარულოდ ცხოვრება კი, მოგეხსენებათ, ძნელია.



ნიგნიში საფეხბურთო და ფეხბურთთან დაკავშირებული არასაფეხბურთო ამბები ერთმანეთშია გადახლართული. აქ შევხვდებით ქართული და უცხოური (მაგრამ მაინც ახლობელი) ფეხბურთის ლეგენდებსა და ვარსკვლავებს — ბორის პაიჭაძეს („კლასიკოსი“), ვლადიმერ გუცაევს („კერპი“), მიხეილ მესხს, მიხეილ მესხი უმცროსს („კომეტა“ — სწორედ ასე აწერია მისი საფლავის ქვა: „უფრო კომეტა, ვიდრე ვარსკვლავი“), დავით ყიფიანს („ვარსკვლავი“), დიეგო მარადონას („გენიოსი“ და „ერთადერთი“), გიორგი ქინქლაძეს, შოთა არველაძეს, თემურ ქეცბაიას, ალექსანდრე იაშვილსა და სხვებს; მათთან დაკავშირებულ მხიარულ, ზოგჯერ ძალიან სევდიან და ზოგჯერ ძალიან სასაცილო ამბებს; ქართული ფეხბურთის მთავარი გამარჯვების — 13 მაისის მწერლისეულ შთაბეჭდილებებს, თანამედროვე ქართული ფეხბურთის პრობლემებსა და ამ პრობლემების გადაჭრის გზებზე მსჯელობას... თუ გაინტერესებთ, ვისი საფეხბურთო ცხოვრების ეპიზოდი დაედო საფუძვლად ნანა მჭედლიძის დიდებული ფილმის „პირველი მერცხალი“ იმ ეპიზოდს, სადაც მთავარი — იასონი კვიციანი — როლის შემსრულებელი დოლო აბაშიძე მეტოქის კარში გოლს არ გაიტანს დემონსტრაციულად, რადგან მეკარეს მისი დარტყმული ატკენს და ფეხზე ველარ წამოდგება; ვის და რატომ გამოუგზავნა დიმიტრი შოსტაკოვიჩმა მადლობის წერილი ალუაშვილს მისი ლენინგრადიდან; ვინ ჩამოიყვანა თბილისის „დინამოს“ მწვრთნელად ფრანგი სპეციალისტი ჟიულ ლიმბეკი, რა მეთოდის გამოყენება სცადა შედეგების გასაუმჯობესებლად და რატომ არ გაამართლა ამ მეთოდმა ქართველ ფეხბურთელებზე; რამ ახტინა ბასკური ფეხბურთის ლეგენდა ისიდორო ლანგარა, როცა მთანინდიდან თბილისს გადმოხვდა; როგორ ჩაუვარდა გულში თბილისში, სასტუმროს ნომერში გამოკეტილ დევიდ ბექემს მომავალი მეუღლე; როგორ იქცა შოთა არველაძის ამსტერდამში მწერალთან ნათქვამი ფრაზა აიოვას უნივერსიტეტში კონფერენციის მთავარ თემად; 13 მაისის გამარჯვებამ როგორ იხსნა ქართველი ტყვე ყანდაარელი ავღანელების ტყვეობისგან და რატომ დარჩა მწერალი კვიციანი საუბრის შემდეგ იმედგაცრუებული, მაშინ ეს ნიგნი აუცილებლად უნდა ნაიკითხოთ (თუ, რა თქმა უნდა, ჯერ კიდევ არ წაგიკითხავთ), მერე კი, ალბათ, ჩემსავით არაერთხელ მოგიხსენებთ მისი გადაკითხვა.

ნიგნის ერთ-ერთი დიდებული თვისება, ზოგადად, ისიცაა, რომ მოთხრობილი ამბის, თავგადასავლის ნაწილად გვაქციოს, პერსონაჟებად გარდაგვსახოს, ვეული აგვიფანცქალოს და საკუთარი თავგადასავალიც მოგვათხრობინოს, თუ გამზედაობა გვეყოფა, ხელში კალამი და ფურცელი აგვავლებინოს ან კომპიუტერთან დაგვსხას და თითები კლავიატურაზე გვაკაკუნებინოს, ანუ საბოლოო ჯამში ჩვენი პირადი ამბავი, განცდილი, ნაგრძობი, ტექსტად გვაქცევინოს. დათო ტურაშვილის ნიგნმა ასეთ მდგომარეობაში ჩამავდო და ჩემი და ჩემი მეგობრების, ფეხბურთელი ბიჭების, საფეხბურთო თავგადასავლის მოყოლა დამანყებინა, მაგრამ მალევე მივხვდი, რომ აქ მეტს ველარ ვაგავრძელებდი, ამიტომ სხვა დროისთვის გადავდე.

როგორც მწერალი ამბობს, ფეხბურთმა იხსნა მოულოდნელი სიკვდილისგან, როცა ფეხბურთის თამაშის დროს ინფარქტი დაენყო. არის ფეხბურთში რაღაც საბედისწერო.


„...ტურიკას კი ფეხბურთი დღესაც ისე უყვარს, როგორც 30 წლის წინ, თორემ ხომ იცით, როგორც არის ხოლმე, უამრავი რამე უფერულდება და ქრება. ჰოდა, ეს სიყვარული კი მაინც არ გამქრალა...“ — გვეუბნება აკა მორჩილაძე, დათო ტურაშვილის თანაკლასელი და მისი ფეხბურთელობის მშვენივრად შემფასებელი.

არ გაქრა, არ გაუფერულდა და მკითხველმა სიყვარულით დაწერილი ნიგნი მიიღო. მწერლის მსგავსად ხომ ვერც ჩვენი ფეხბურთელმა ბიჭებმა, გავიტანეთ ჩვენი ცხოვრების გოლი და, გულახდილად ვთქვათ, აქამდე არ გვახსენებს იმ გოლის გაუტანლობა. დათო ტურაშვილს კი მადლობა, რომ ჩვენი ფეხბურთელობის ამბავი, ვისაც არ გვახსოვდა, გავახსენა და ვისაც გვახსოვდა, მოყოლის სურვილი გავგიჩინა.



თონა გოგილავა

# პოეზია გაზაფხულიდან ფოთოლცვენამდე



„არც არავინ ასხამს ახალ ღვინოს ძველ ტიკებში; თორემ დახეთქავს ახალი ღვინო ტიკებს, თვითონაც დაიქცევა და ტიკებიც უვარგისი გახდება. არამედ ახალი ღვინო უნდა ჩაისხას ახალ ტიკებში, და ორივე შეინახება“.

ლუკას სახარებიდან ეს სიტყვები კარგად გამოხატავს ფორმის განახლების აუცილებლობას. ფორმის განახლება პოეზიაში ზოგჯერ არა მხოლოდ ახალი სალექსო ფორმების გამოყენებას გულისხმობს, არამედ მასში შეიძლება ნაგულისხმები იყოს მთლიანად პოეტური კრებულის კომპოზიციის, სტრუქტურის ახლებურობაც. ამგვარი კომპოზიციური წესრიგი ახასიათებს, მაგალითად, ბოდლერის „ბოროტების ყვავილებს“, გალაკტიონის „არტიტულ ყვავილებს“. ამ კრებულებში თითოეული ლექსის თავისი ადგილი აქვს და მისი ცვლილება კრებულის აზრობრივ სიმწყობრეს დაარღვევს. ამგვარი სტრუქტურული და კომპოზიციური წესრიგია თემურ ჩხეტიანის კრებულში „ბალახის სიმალლე“.


„ბალახის სიმალლე“ იშვიათად მრავალფეროვანი და თემატურად საინტერესო პოეტური კრებულაა. კრებული რამდენიმე ნაწილისგან შედგება. თითოეული ნაწილი, კარი, თემატურად ერთ ან მსგავს საკითხზე დაწერილ ლექსებს აერთიანებს. ყოველ თავს კრებულში თავისი სათაური აქვს. პირველი თავის სათაურია „ის“. ამ ნაწილის ლექსების ნაკითხვის შემდეგ გასაგები ხდება, თუ ვის მიემართება ეს მესამე პირის ნაცვალსახელი — ის ზემატერიალური არსის გამომხატველია. წიგნის პირველი თავის ყოველი ლექსი კი გაჯერებულია ბიბლიური სახეებითა და მოტივებით. მარადმწვანე ხე ედემის ბაღში მსხმოიარე ხეა. აქ ყველაფერი ანწყობს ხედებას, რადგან არაფერი დასრულებულა. ბიბლიური სინამდვილე მარადიული ანწყობა. ხე მარადმსხმოიარეა, მარად ცოცხალია, თუმცა მოაქვს სიკვდილი. ის სიკვდილს უქადის თავის ტოტემზე მსხდომ ჩიტებს. სწორედ რომ პირველად მოასწავებდა უფალი იესო ქრისტეს სამი დღე საფლავში ყოფნას და შემდგომ მის მკვდრეთით აღდგომას. პოეტის ხვედრი სხვანაირია. ის სრულად არ გადის ბიბლიური იონას გზას. ვეშაპის მუცელში, მისი სტომაქსის სიბნელეში გამოიმწყვდეთ პოეტი არ ელის, რომ ვეშაპი მას სადმე გადმოაგდებს — არანაირი სხსნა და სინათლის მოლოდინი. ეს ცხოვრების, ზოგადა-

დამიანური ყოფის მეტაფორაა და არა ერთი კერძო ადამიანის ბედისწერის. ამ სახეებისა და მეტაფორების გამოყენებით პოეტი კაცობრიობის საერთო საფიქრალის ფერხულში გვაბამს, ფილოსოფიური ფიქრისთვის განგვანყოფს. კანტის სიტყვებით რომ ვთქვათ, „საკუთარი უმნიშვნელობიდან გამოსვლისკენ“ მოგვიწოდებს. „უმნიშვნელობიდან გამოსვლა“, განსჯის უნარის გარდა, ზოგადად ფიქრის უნარიც არის, ფიქრის დანყების აუცილებლობაც. არის ასეთი ლექსიც სათაურით „ლოდი, ცხვარი და სახლიდან ნასული“. ეს ლექსი წასვლაზე არ არის, ეს ლექსი დაბრუნებაზეა. უძლები შვილის იგავი მოგვითხრობს შვილის მამისგან წასვლაზე და შემდეგ დაბრუნებაზე. იგავს წრიული ქარგა აქვს. მოქმედება ერთ ადგილას იწყება და სრულდება. ლექსის ლირიკული გმირი არაფერს გვეუბნება იმაზე, თუ როდის წავიდა. ვიგებთ მხოლოდ იმას, რომ დიდხანს იყო ნასული და ახლა უნდა დაბრუნდეს შინ. სახლიდან წასვლა აუცილებელია, რომ გმირი გაიზარდოს, გამოცდილება შეიძინოს. თუ გარეთ არ გახვები, შორი გზებით არ იარე, ვერაფერს ისწავლი. ავტორი ამ გარეთ მყოფობის გამოცდილებასაც გვიზიარებს. შინიდან გასული ის შეხვედრია მეთერთმეტე ჟამის მუშაკი, მშრომელთა რიგებში გვიან ჩამდგარო, მაგრამ მიღებული. აქვე პოეტი წერს:

*ენახე სახლის მაშენებელნი,  
სასოებით რომ შეჰყურებდნენ  
მაღალ კედელზე  
თავკიდურად შემოდებულ ლოდს.*

117-ე ფსალმუნში ნათქვამია, თუ როგორ დაინუხეს მაშენებლებმა ლოდი და თუ როგორ იქცა ეს ლოდი თავკიდურ ლოდად. ფსალმუნის ამ ნაწილს იმეორებს იესო, როცა ის ამხელს ფარისევლებსა და მნიგნობრებს, რომელთაც მასში მხსნელის, მესიის დანახვა არ სურდათ. თემურ ჩხეტიანი ხშირად ცვლის ამბავთა ფინალს და საკუთარ ინტერპრეტაციას გვთავაზობს ან თავად აგრძელებს ამ ამბავს. ამგვარად მაშენებელნი სასოებით შეჰყურებენ მაღალ კედელზე თავკიდურად შემოდებულ ლოდს. ლოდი აქ ქრისტეს სიმბოლოა, ისევე, როგორც მწყემსი, სახარების ერთ-ერთი იგავიდან, რომელშიც მწყემსი ტოვებს თავის თხზმოცდაცხრამეტ ცხვარს და მიდის ერთი დაკარგული ცხვრის მოსაძებნად. ავტორი სახლისკენ მიმავალ გზაზე ხვდება მწყემსს, რომელიც ხარობს უკვე ნაპოვნი ცხვრის ხილვით. კრებულში ძველი და ახალი აღთქმისეული სახე-სიმბოლოები შერწყმულ-შენიშნულად იხილება. ისინი ფორმალურ-ლექსად არ გადმოდიან კრებულში, არამედ მოძრაობენ, იცვლებიან, ახალ სინამდვილეში აღმოჩნდებიან, ავტორისეულ ინტერპრეტაციებსა და გაგრძელებებში. ამგვარად ერთგვარ მკითხველი ავტორის მიერ დაწყებული ერთგვარი თამაში. ლექსში „მეთერთმეტე ჟამის მსახური“ რეფრენად გასდევს ტაეპი „გვიანი არასდროს არის“. აქ, რა თქმა უნდა, გვასხენდება იგავი, რომელშიც სახლის ბატონმა ვენახში მომუშავე ყველა მუშაკს ერთნაირი გასაზრჯელო მისცა. მათ შორის, სამუშაოდ ბოლოს მისულეებსაც. ლექსი ეხმიანება აზრს, რომ „ასე იქნებოდა უკანასკნელი პირველები და პირველები-უკანასკნელები“ (მათე, 20:1-16), ამიტომ „გვიანი არასდროს არის“.

კრებულის თავების სათაურებია: ის, ფიქრი და ფურცელი, ჩარჩოები, თხის ლარნაკი, სიჩუმე, პერიფერია, ინიმალს, ფოთოლცვენა. პირველი თავის პირველი ლექსის სათაური კი არის „მარადმწვანე“. ამ მარადმწვანეობიდან ფოთოლცვენამდე, გაზაფხულიდან შემოდგომამდე, არის გადებული ადამიანის კანონზომიერი ცხოვრების გზა. პირველი თავის ბიბლიური კონცეფცია ყოფიერების საწყისებს უკავშირდება. უკავშირდება ავტორისეული მსოფლხედვით, შეცვლილი პასაჟებით. საგნების მიერ დაწყებული ფიქრითა და მეტყველებით („ვაშლის ყვავილი“). ყველაფერი, რაც მოხდა, გარდაუვალი აუცილებლობა იყო ადამიანის არსის გამოსახატად. ეს საწყისები, ძირ-ფესვები, გინდათ ბავშვობა,



მიემართება შემდეგი ეტაპისკენ, დიდობისკენ-ფიქრი და ფურცელი-ფიქრის დასაწყისი. ფილოსოფიური კითხვებით, დანახვისა და ახსნის სურვილით არის გაჯერებული ამ თავის ლექსები-რა ეკარება გულს და რა არა? რომელ სიტყვას და ვის სახელს იტოვებს ხსოვნა? რატომ? საით? ვისკენ? არ არის ახსნა, ხსნა, განმარტება, არც ერთი პასუხი. ამან კი მხოლოდ ერთი რამე შეიძლება მოგასურვილოს-ნეტავ, სასრული ყოფილიყო ფიქრი! ან არსებობის სხვა ფორმა მიენიჭებინა ღმერთს მისთვის, კაცისთვის, მაგალითად, ყოფილიყო სარკე, რომელსაც ადამიანისგან განსხვავებით, ექნებოდა ჩარჩო, ანუ იქნებოდა შემოსაზღვრული და არა დაუსაზამო.

შემდეგ თავებში ყველაფერი იქცევა სევდად ყოველივე ჩაველილისა და მიუწვდომლის გამო. აქ ავტორისეული განცდისა და ფიქრის წვდომას მკითხველი მის მიერ შემოთავაზებული მხატვრული სახეებით, ვფიქრობ, ზუსტად მოახერხებს. განვლილი ცხოვრების მიერ დატოვებული მოგონებების ყვავილებად გამოხატვა. ყვავილებად, რომელთაც სიცოცხელი შემოდგომის მიმწვანის ფერმკრთალ მზებზე შემოდგომული თიხის ლარნაკი უნარჩუნებს.

ადამიანის არსებობის საზრისი, მოლოდინი, გზა, ფიქრი, სევდა, მონყენილობა, შემოდგომა, სიყვარული — ის საკითხებია, რომლებზეც ავტორი ფიქრობს, განიხილავს, რომელთა წვდომასაც ცდილობს. მათ შორის მნიშვნელოვანად დიდი ადგილი უჭირავს სიყვარულის ჭვრეტას, შეგრძნებას. საყურადღებოა, რომ ამ თემას ავტორი სწორედ მეორე თავიდან ეხება. იმ დროიდან, როცა ის პირობითად ფიქრს, განსჯას იწყებს და ამ ფიქრის გამოსახატად კალამს მოიმარჯვებს. მეორე თავში შევხვდებით ლექსს სათაურით „უადრესატოდ“. პლატონისეული განაზრება სიყვარულისა ჩვენს დაკარგულ მეორე ნახევართან დაკავშირებაა. მასთან დარღვეული კავშირის აღდგენა. თემურ ჩხეტიანი თავის ლექსში, შეიძლება ითქვას, სიყვარულის საკუთარ კონცეფციას გვთავაზობს. ეს კონცეფცია იმას გულისხმობს, თუ ვინ მეტად საჭიროებს ჩვენგან სითბოსა და თანაგრძნობას, სიყვარულის თანაზიარებაში ყოფნას. კრებულის IV თავი კი სრულად სატრფიალო მოტივებზე დაწერილი ლექსებითაა დაკომპლექტებული. დაუსრულებელი, ხორც-შეუსხამი ოცნებები, ირეალური რეალობა, ახდენილის აუხდენლობა, მიწიერის პოეტურისკენ სვლა — ეს ექო იმის ამ ლექსებში: „თვალები გარბოდნენ სასურველისკენ/თვალები იკრავდნენ გულში/ხელები ის ნაცვალს“, წერს ერთგვან ავტორი და შემდეგ ლექსშიც კონკრეტული თარიღებიც მარადისობისკენ მიემართებიან: „წვიმდა საღამოს შეიძის ნახევარზე/წვიმდა სექტემბერში/წვიმდა 198. წელს/წვიმდა მეორე ათასწლეულის დასასრულს/და წვიმდა მარადისობაში“. ეს სვლა, ეს გზა აქ მუდმივია. გზა, რეალობიდან არარეალობისკენ, ნამდვილიდან არანამდვილისკენ, ხშირად სიზმრისკენაც. სიყვარული პოეტისთვის მუდმივი ძიების პროცესია და არა ერთხელ აღმოჩენილ-მეცნობილი. ის ხშირად სულაც არ უკავშირდება ახალგაზრდულ სურვილს, ჟინს. ზოგადად, ახალგაზრდო-

ბას, როგორც ადამიანის ცხოვრების ეტაპს. ლექსი „უკანასკნელი ნაპირი“ არის იმაზე, თუ რა გზა შეიძლება ადამიანმა განვილოს ნამდვილი გრძნობის შეცნობამდე, უკანასკნელ იმედამდე, უკანასკნელ ნაპირამდე. აქ პოეტური წარმოსახვის ადრესატი არის მშვენიერი, ახალგაზრდა კატერინი, ვისი სიყვარულიც ყოველთვის გამართლებულია, მთავარია მისი ნამდვილობა დადასტურდეს.

სახე-სიმბოლოებითაა დატვირთული ლექსი „აღმოსავლეთის ექსპრესი“. ალბათ, იშვიათად ნაგვიკითხავს ასეთი სევდიან გრძნობათა მომგვრელი ლექსი. აქ პოეტი თავის, ერთი შეხედვით, უმნიშვნელო ამბავს მოგვითხრობს წარსულიდან. ეს ამბავი დაკავშირებულია მის ოჯახთან, დამასთან, დედასთან, მამასთან, გზასთან და პატარა სადგურთან. ერთ დროს, პოეტის ბავშვობის ჟამს, ამ სადგურში უამრავი ხალხი ირეოდა. მიდიოდნენ და მოდიოდნენ, აცილებდნენ და ჩამოდიოდნენ ადამიანები. პოეტიც დაბრუნებულია მამასთან ერთად ამ სადგურამდე მომავალი გზით ბავშვობის სახლში და მერე ისევ წასვლა დილობაში ამ სადგურიდან ქალაქისკენ. ეს სადგური იყო იმედის წერტილი, ის აკავშირებდა ერთმანეთთან შორეულ გზებს. ამ გზით ყოველთვის შეიძლებოდა წასვლა და შემდეგ დაბრუნება სახლში. დღეს ეს სადგური გაუქმებულა, გზაც დაძველებულა. ლიანდაგზე ბალახი უმოძრაობის ნიშნად ამოსულა. გზისა და სადგურის დაძველება მიგვანიშნებს წარსულის დაბრუნების და ზოგადად დაბრუნების შეუძლებლობაზე, რაც სევდანარევე ემოციას აღძრავს. წარსულთან მიბრუნების შეუძლებლობით გამოწვეული სევდა ხშირად იგრძნობა თემურ ჩხეტიანის ლექსებში.

კონცეპტუალური სიზუსტით, სტრუქტურით, მხატვრული სახეებით, ფილოსოფიური ფიქრით საინტერესო კრებული სალექსო ფორმათა მრავალფეროვნებითაც გააოჩიჩევს. აზრის გამომხატვის ძირითად ფორმად ავტორი თავისუფალი ლექსი აქვს არჩეული. თუმცა აქ შეგვხვდება კლასიკური ფორმისა და თავისუფალ სალექსო ფორმათა კომბინაცია, ან მხოლოდ რითმიანი სტროფები. „ჰაიკუს მცდელობები“ კი მხოლოდ ცდა როდია, ეს არის მინიმალურ სალექსო ფორმაში ღრმა და მშვენიერი აზრის უზადოდ გამოხატვის მაგალითი. საინტერესოა, რომ ჰაიკუები კრებულის ბოლოშია განთავსებული, „ფოთოლცვენისკენ“. ალბათ, ესეც შემთხვევითი არ არის. აზრის ლაკონიურად გამოთქმას, მცირე ფორმაში დიდი სათქმელის დატეხვას, გამოცდილება სჭირდება. ეს გამოცდილება კი ცხოვრების გზამ უნდა გამოიტანოს. ყველაფერმა, რაც ავტორმა წინა თავებში გაგვიზიარა. ან სულაც, შეიძლება ეს დუმისკენ მიმავალი გზა იყოს?!

პოეზიის დანიშნულებას თემურ ჩხეტიანის „ბალახის სიმალლე“ შეუცდომლად ასრულებს. აქ აზრი და განცდა თანხმიერია. ფორმა სათანადოდ შერჩეული. ეს არის კრებული, რომელიც საფიქრალად განგანყოფს და მშვენიერი მხატვრული სამყაროს მემკვიდრე ზუსტად ახერხებს ავტორისეული ჩანაფიქრის მკითხველისთვის გაზიარებას.



ინგლისური ხალხური ზღაპარი



მოხუცი ქალი, რომელიც ძმრის ბოთლში ცხოვრობდა



ქალიან დიდი ხნის წინათ იყო ერთი მოხუცი ქალი, რომელიც ძმრის ბოთლში ცხოვრობდა. ერთ დღესაც ფერიამ გვერდით ჩაუარა მოხუცი ქალს და ყური მოჰკრა მის სიტყვებს.

„რა სირცხვილია! რა სირცხვილია!“ — ამბობდა მოხუცი ქალი — „მე არ უნდა ვცხოვრობდე ძმრის ბოთლში, მე უნდა ვცხოვრობდე პატარა ლამაზ, ჩალით დახურულ ქოხში, ქოხის კედლებს ვარდები უნდა აუყვებოდეს. აი, როგორ სახლში უნდა ვცხოვრობდე!“

ფერიამ უთხრა: „მამ, კარგი! იყოს ასე! სანამ დასაძინებლად დანვები, სამჯერ დატრიალდი, დახუჭე თვალები და დილით იხილავ, რასაც იხილავ!“

ასეც მოიქცა მოხუცი ქალი: სანამ დასაძინებლად დანვებოდა, სამჯერ დატრიალდა, დახუჭა თვალები და დილით გაეღვიძა პატარა, ლამაზ, ჩალით დახურულ ქოხში. მის კედლებზე ვარდები ხარობდა. მას ძალიან გაუკვირდა და ესიამოვნა, მაგრამ არც გახსენებია ფერიისთვის მადლობის გადახდა.

ფერია ხან ჩრდილოეთით დაფრინავდა, ხანაც სამხრეთით, ხან აღმოსავლეთით, ხანაც დასავლეთით. დაფრინავდა და საქმეებს აგვარებდა. როგორც კი მოიცალა, იფიქრა: „მოდით, ნავალ და ვნახავ როგორ მოეწყოს მოხუცი ქალი. ალბათ ძალიან ბედნიერია თავის პატარა ქოხში.“

როგორც კი კართან მივიდა, გაიგონა მოხუცი ქალის სიტყვები:

„რა სირცხვილია! რა სირცხვილია! რა სირცხვილია! მე არ უნდა ვცხოვრობდე ასეთ პატარა ქოხში. ყველაფერი ჩემი გასაკეთებელია. მე უნდა ვცხოვრობდე პატარა ლამაზ სახლში, ფანჯრებზე მაქმანიანი ფარდებით, თითბრის საკაკუნოთი კარზე. გარეთ ხალხი მიდიებს და მოლუსკებს უნდა ჰყიდდეს, ირგვლივ ყველა უნდა მხიარულობდეს.“

ფერიას ძალზედ გაუკვირდა, მაგრამ თქვა: „მამ კარგი! იყოს ასე! სანამ დასაძინებლად დანვები, სამჯერ დატრიალდი, დახუჭე თვალები და დილით იხილავ, რასაც იხილავ!“



ასეც მოიქცა მოხუცი ქალი: სანამ დასაძინებლად დასაძინებლად დანვებოდა, სამჯერ დატრიალდა, დახუჭა თვალები და დილით გაეღვიძა მდიდრულ სახლში. მოახლეები და მსახურები მის ბრძანებებს ასრულებდნენ. ეს ისაა, რაზეც ყოველთვის ვოცნებობდი! აქ ძალიან ბედნიერი ვიქნები — თქვა მოხუცმა ქალმა, მაგრამ ისევ დაავიწყდა ფერიისთვის მადლობის გადახდა.

ფერია ხან ჩრდილოეთით დაფრინავდა, ხან სამხრეთით, ხან აღმოსავლეთით, ხან დასავლეთით. დაფრინავდა და საქმეებს აგვარებდა. როგორც კი მოიცალა, ისევ გაახსენდა მოხუცი ქალი: „ნეტავ, როგორ ცხოვრობს ახლა? ალბათ ის ძალიან ბედნიერია თავის მდიდრულ სახლში.“

როცა ფერია სახლთან მივიდა, დაინახა მოხუცი ქალი. ის ბზინვარე სარწვევლა სკამზე იჯდა, ირწეოდა და თან ჩიოდა:

„ოჰ! რა სირცხვილია! რა სირცხვილია! რა სირცხვილია! რა სირცხვილია! მე არ უნდა ვცხოვრობდე ასეთ პატარა სახლში. მე უნდა ვცხოვრობდე მდიდრულ სახლში. მოახლეები უნდა ასრულებდნენ ჩემს ბრძანებებს. აი, რას ვიმსახურებ!“

ფერიამ ეს რომ გაიგონა, ძალზედ გაუკვირდა, მაგრამ თქვა: დაე, იყოს ასე! სანამ დასაძინებლად დანვები, სამჯერ დატრიალდი, დახუჭე თვალები და დილით იხილავ, რასაც იხილავ!

ასეც მოიქცა მოხუცი ქალი: სანამ დასაძინებლად დანვებოდა, სამჯერ დატრიალდა, დახუჭა თვალები და დილით გაეღვიძა მდიდრულ სახლში. მოახლეები და მსახურები მის ბრძანებებს ასრულებდნენ. ეს ისაა, რაზეც ყოველთვის ვოცნებობდი! აქ ძალიან ბედნიერი ვიქნები — თქვა მოხუცმა ქალმა, მაგრამ ისევ დაავიწყდა ფერიისთვის მადლობის გადახდა.

ფერია ხან ჩრდილოეთით დაფრინავდა, ხან სამხრეთით, ხან აღმოსავლეთით, ხან დასავლეთით. დაფრინავდა და საქმეებს აგვარებდა. როგორც კი მოიცალა, ისევ გაახსენდა მოხუცი ქალი: „ნეტავ, როგორ ცხოვრობს ახლა? ალბათ ის ძალიან ბედნიერია თავის მდიდრულ სახლში.“

როცა ფერია სასახლეს მიუახლოვდა, დაინახა მოხუცი ქალი, ახლა ის აბრეშუმის სავარძელში იჯდა და ჩიოდა: „ოჰ! რა სირცხვილია! რა სირცხვილია! რა სირცხვილია! რა სირცხვილია! ამ ძველ მდიდრულ სახლში მარტო არ უნდა ვცხოვრობდე. დიახაც, მე დედოფალი უნდა ვიყო, სასახლეში უნდა ვცხოვრობდე, ქალბატონების გარემოცვაში, რომლებიც ჩემთან დამეგობრებას ლამობენ, მუსიკოსები უნდა უკრავდნენ ჩემთვის! აი, სად უნდა ვცხოვრობდე!“

„ღმერთო ჩემო! ნუთუ არასდროს იქნება კმაყოფილი?“ — გაიფიქრა ფერიამ — „კარგი იყოს ასე! სანამ დასაძინებლად დანვები, სამჯერ დატრიალდი, დახუჭე თვალები და დილით იხილავ, რასაც იხილავ!“

ასეც მოიქცა მოხუცი ქალი — სანამ დასაძინებლად დანვებოდა, სამჯერ დატრიალდა, დახუჭა თვალები და დილით სასახლეში გაეღვიძა. ქალბატონები მასთან საუბარს ლამობდნენ და მუსიკოსები მისთვის უკრავდნენ. ეს ისაა, რაზეც ყოველთვის ვოცნებობდი! აქ ძალიან ბედნიერად ვიცხოვრებ — თქვა მოხუცმა ქალმა, მაგრამ სრულიად დაავიწყდა ფერიისთვის მადლობის გადახდა.

ფერია ხან ჩრდილოეთით დაფრინავდა, ხანაც სამხრეთით, ხან აღმოსავლეთით, ხანაც დასავლეთით. დაფრინავდა და საქმეებს აგვარებდა. როგორც კი მოიცალა, ისევ გაახსენდა მოხუცი ქალი: „ნეტავ, როგორ მოეწყოს სასახლე?“

ფერიამ შეიარა სასახლეში მის სანახავად. მოხუცი ქალი ახლა სამეფო ტახტზე იჯდა და ჩიოდა:

„ოჰ! რა სირცხვილია! რა სირცხვილია! რა სირცხვილია! რა სირცხვილია! მე არ უნდა ვიყო ასეთი პანანინა სამეფოს დედოფალი. დიახაც, მე უნდა ვიყო რომის პაპი და ასე შემდეგ ვმართო მთელი მსოფლიო. აი, რას ვიმსახურებ!“

ფერიამ უთხრა: „მამ კარგი, იყოს ასე! სანამ დასაძინებლად დანვები, სამჯერ დატრიალდი, დახუჭე თვალები და დილით იხილავ, რასაც იხილავ!“

მოხუცი ქალი საჩქაროდ ნავიდა დასაძინებლად, სანამ დანვებოდა, სამჯერ დატრიალდა, დახუჭა თვალები და დილით ისევ ძმრის ბოთლში აღმოჩნდა.

და მაშინ ფერიამ თქვა: „თუ ის აქ არ არის ბედნიერი, არც იქ იქნება ბედნიერი! ბედნიერება მოდის გულიდან და არა სახლიდან...“

თარგმანა სალომე მაისურაძემ



ლიტერატურული გაზეთი

საქართველოს კულტურის, სპორტისა და ახალგაზრდობის სამინისტრო საქართველოს მხარეთმცოდნეობის ინსტიტუტი

რედაქტორი ირაკლი ჯავახაძე რედაქტორის მოადგილე უჩა შერაზადიშვილი ჟურნალისტი თამარ ჟურული

მობ. ტელ.: (577)742277; (599)269852; e-mail: litgazeti@yahoo.com

